

Աշնան արև (Կինովիպակ)

Աշնան երեկոյի մեջ ինքը ջրից գալիս էր: Դուլները ծանր էին, ինքը դեռ աղջնակ էր, հագիվ աղջիկ էր. դուլները բերում-բերում ու ցած էր դնում: Տատը գլխին շալ էր փաթաթել, թւերի տակով տարել ու մեջքի վրա կապել էր, ինքը գյուղական տիկնիկի նման էր: Բարակ զգեստը չէր տաքացնում, սառն էր, դուլները ծանր էին, բայց իր մեջ թաքուն մի ուրախություն կար, և այդ ուրախության պատճառը Արզումանյանների տղան էր, որ հեծանվով պտտվում էր իր շուրջը, քշած առաջ էր ընկնում, գնում հեռանում էր, գալիս պտտվում էր իր շուրջը, ետ էր ընկնում և դարձյալ գալիս պտտվում: Երեկոն մի տեսակ խուլ էր, ուրիշ ձայներ չկային, միայն հեծանվի թույլ խշռոցն էր ու հեծանվի աղոտ լույսը: Դեռ չէր մթնել, հեծանվի լապտերը լուսավորում էր միայն ինքը իրեն, բայց Արզումանովների տղան ուզում էր աղջնակին դուր գալ և լապտերը վառել էր, և աղջնակին դուր էր գալիս, աղջնակի մեջ կանացիական ինչ-որ ուրախություն կար: Ճանապարհի երկու կողմում այգիների ցանկապատերն էին, ճանապարհը դատարկ էր, միայն իրենք էին, ապա հեռու կեռմանում ճանապարհ ելավ ու օրորվելով եկավ իր խմած եղբայրը: Այդ ժամանակ իրենք հասել էին իրենց բակի դռնակին, և Արզումանովների տղան պտույտից դուրս նետվեց ու սլացավ դեպի ճանապարհի հեռուները, իսկ ինքը մտավ բակ:

Ինքը բակ մտավ – սազը գրկած փոքր եղբայրը մեծ եղբոր ետևից էր ընկել, և մեծ եղբայրը սարսափած փախչում ու պտտվում էր ծառերի արանքում, ուզում էր մոր մոտ վազել, բայց մոր մոտ օտար մարդիկ կային, ամոթ էր: Նրանց մայրը և իր մերացուն բակում կանգնած էր ձեռները կրծքին խաչած՝ իր հորաբորոջ բացճակատ պայծառ Ներսեսի և անծանոթ մի մեծագլխի դեմ, որը ճիպոտի ծայրով խաղում էր կոշիկի քթի հետ, սև էր, ամալկոտ ու տգեղ: Իր հորաբորոջ տղային ինքը սիրում էր, դուլներն ինքը ցած դրեց ու գնաց ձեռքով բարևեց, հետո ձեռք էր մեկնում սևազուլիս տգեղին և այդ ժամանակ հասկացավ, որ Ներսեսը նրան ուրիշ նպատակով է բերել: Ինքը պաղեց մնաց ու ատեց Ներսեսին, և այդ ժամանակ բակի դուռը ետ խփվեց ու բակ մտավ իր Ոսկան խմած եղբայրը, և ինքը նրա մոտով բակից դուրս նետվեց, վազեց տատի տուն: Հեծանվով քշած՝ իրեն ետուառաջ էր անում Արզումանյանների տղան, բայց ինքը նրան տեսնում ու չէր հասկանում:

Ինքը տաստի գոգն ընկավ, իրեն թաքցրեց տաստի գոգում, և իր միակ թաքստոցը տաստի գոգն էր: Ինքը հիշում է՝ որ ինքն ասում էր. «Մեծագլուխ, սև, գեշ»: Ինքը թաղվել էր տաստի գոգում, ինքն ուզում էր չքանալ տաստի փեշերի մեջ, ինքն ահա-ահա կորչում էր տաստի գոգում:

– Գեշ... սև... մեծագլուխ... խեղճ...

Յետո, տատը երգ էր լացում ու իր մազը սանրում էր, և այդպես առանց շալի ու մի շորով՝ ինքը բարակ աղջիկ էր, մի տարվա շիվի պես, և տատի երգը անտառում լքված որբի մասին էր. «Պախրեն կգա ծիծ կտա՛ւ»: «Պախրեն կգա ծիծ կտա՛ւ»: «Պախրեն կգա ծիծ կտա՛ւ»:

– Քամին կգա օրոր կանի... Նանի, որբուկ ջան, նանի... Պախրեն կգա ծիծ կտա:

«Պախրեն կգա ծիծ կտա», երգում էր տատը և իր մազը սանրում, իսկ բաց դռան մեջ կանգնել էր Արզումանյանների տղան և նայում ու աչքերը թարթում էր:

Մերացուն ափսոսում էր ժակետն իրեն տալ. գլուխը պահարան էր կոխել, Իշխանի հարուստ տանը մի ժակետ էր ջոկել, թաքուն շուռումուռ էր տալիս ժակետը, հետո արդեն բացեիբաց էր համեմատում ժակետը աղջկա հետ և ժակետն ափսոսում էր: Ոսկան հարբած եղբայրը այգու ծառը բռնած անշարժ էր, որովհետև եթե շարժվեր՝ կընկներ: Իշխան հայրը թախտին աչքը մի րոպե կպցրել էր, որպեսզի քիչ հետո վրա ընկներ մի որևէ գործի, և փոքր եղբայրը կարողացավ հոր գրպանից մի բան թոցնել, դա երևի փող էր, որի կեսն իր համար ծոցում թե որտեղ թաքցրեց, իսկ կեսը բռան մեջ պահած՝ մորից թաքուն ուզում էր քրոջը տալ – տան մեջ կատվի պես դեսուդեն էր սահում, կարողացավ իբր մորից թաքան կողքով անցնելու պես քսվել քրոջը, բայց նրա մերը և իր մերացուն տեսել էր, եկավ խլելու նրա ձեռքից, բայց նա սեղանի տակով դուրս պրծավ տնից: Մի բան էլ երևի նրանց միջի խեղճն ու խղճավորն էր ուզում քրոջը տալ՝ վախլուկ եղբայրը, որ վիզը ծռած մի կողմ էր քաշվել և մորից վախենում էր: Իշխան հայրը օձի կծածի պես վեր թռավ որևէ գործ գտնելու և անցնելու հետ ժակետի մասին կնոջը բան ասավ. «Տուր, տուր, տուր, տուր, այտա, ափսոս չի, տուր». և տնից ելնելու հետ իր կողքով անցնելիս բան ասավ մեծագլուխ տգեղ տղայի մասին, որ դրսի թախտին նստած ճիպոտի ծայրով խաղում էր կոշիկի քթի հետ, «Տղեն լավ տղա է... խելոք, աշխատող... խմող չի»:

– Այտա՛:

– Տուր, տուր, տուր, ափսոս չի, տուր, այտա:

Մերացուն ժակետը բերեց չափեց իր վրա, ասաց. «Ափսոս չի, հագիր, ցուրտ է»:

– Հեթի, ցյուրտ ա, էփսոս չի:

Բակից թե այգուց եկավ իշխան հոր ձայնը. «Ուշանում եք, այտա, գնացքի ժամն անց է կենում», բայց ինքն ու մեծագլուխ տգեղը՝ Սիմոնը, մանավանդ ինքը, պատշգամբում անշարժ կանգնած էին, և իր մեջ արդեն-արդեն համարձակություն էր հավաքվում, իր վրա արդեն-արդեն լեզու էր գալիս ասելու, որ այդ հարուստ տնից այդպես տկուր ինքը չի գնա, որ այդ գորգը, այդ գորգերը... այդ բարձերը, այդ տաք անկողիները... այդ մաքրությունը... բակում ծանրումեծ նստած այդ կովերը... և մանավանդ այդ գորգերն ու նրանց մեջ մանավանդ մեկը... Եվ այդ ժամանակ այգու ծառից պոկվեց ու հարբած թափով եկավ Ոսկան եղբայրը. – Տասնհինգ տարեկան է, էդ ում քվերն ես մարդի տալիս, դարպասեցի, – բայց պատշգամբի աստիճաններին ընկավ ու այդպես էլ քնեց:

Ինքը նայեց Սիմոնին, և Սիմոնը կանգնեց: Ինքը նայեց, և Սիմոնը շտկվեց: Շտկվեց ու այդ ցուրտ իրիկվա մեջ այդ դառը աշխարհում կուլ տվեց թուփը, և իրենք քայլ դրին իջնելու իշխանի պատշգամբից՝ որպեսզի այլևս, ոչ մի անգամ ետ չնայեն դեպի այդ հարուստ, մաքուր ու կծծի տունը, ուր ամեն ինչ կար, բացի սրտի թեթևությունից:

Ներսեսը հետնե՞րն էր, հետնե՞րը չէր. գոմի դռանը իշխանին կարծես օգնում էր կամ կանգնած էր գործ անող իշխանի մոտ, բայց հետո մեկ էլ երևաց կայարանում կաշվե սև բաճկոնը հագին, քաղաքային իր ընկերների հետ, և նա շատ վստահ էր, և Սիմոնը նրա մոտ շատ էր խեղճ, և ինքը Սիմոնից մի րոպե զզվեց ու ետ քաշվեց, բայց մյուս րոպեին ասեց Ներսեսին և Սիմոնին խղճաց:

Կայարան իջնելիս գերեզմանոցի տակ ինքը կանգ առավ, նայեց Սիմոնին, նայեց դեպի գերեզմանոց և ծնկեց ու կռացավ:

– Ոչ, լացը մեզ համար չի:

Ինքը նայեց դեպի գերեզմանոց, նայեց Սիմոնին, և հիմա ինքը հիշում է, որ ինքն ասաց. «Իմ լույս մերը...»: Եվ Սիմոնը գլուխը շրջեց ու թուփը կուլ տվեց, և ինքը հիշում է, որ ինքն ասաց. «Կապրենք»: Բայց այդ մարդու մեջ ապրելու և հաղթելու կամք չկար, և ինքը խփվեց գետնին, ծեծեց գետնին ու հեծկլտաց. «Իմ լույս մոր գոտին թշնամու տանը մնաց... Իմ մոր արծաթե գոտին թշնամու տանը մնաց... Իմ մոր գորգը... Իմ լույս մոր կարմիր պախրա գորգը... Իմ մոր ոսկի սիրամարգ կարպետը... Իմ մոր շարմաղ ձեռի ապա-

րանջանը»: Բայց միայն ինքն էր մոկտում, աշխարհը խուլ էր, գետինը չոր էր և ցուրտ էր:

Ցուրտ էր նաև կայարանում: Բայց ցուրտ էր միայն իր ու Սիմոնի համար: Մաքուր ու տաք հազնված տղամարդիկ փափուկ նայելով հանգիստ անցնում էին, գարեջուր էին խմում, ժողովրդի մեջ երևաց վստահ ու գոհ Ներսեսը, որ քաղաքային իր ընկերների հետ զբոսնում էր և իրենց բանի տեղ դրեց, չարհամարիտեց - ուսի վրայով ասաց. «Գործկոմի հետ գործ ունեմ, դուք գնացեք, ես եզուց կգամ»: Ինքը Սիմոնին ասաց. «Գնա դու էլ պիվա խմիր»: Բայց նա չորացել մնացել էր: Յետո ինքն ասաց. «Արի էստեղ ապրենք, դու երկաթգծում կաշխատես, ես էլ էստեղ՝ հավաքարար», բայց նա չորացել մնացել էր, նա չէր սագում այդ քաղաքին և վախենում էր այդ քաղաքից: Իրենք պատի ետևը մտան, այդտեղ մի քիչ տաք էր, և մնացին այդպես շմած, հետո ինքը տեսավ, որ իրենք կանգնած են լուսավոր, առատ խանութի պատուհանի մոտ և ինքը նայում է դարսած կտորներին ու հագուստին: Սիմոնն իրենից շուտ էր հասկացել, որ ինքը տակի շոր չունի, մրտում ու նայում է խանութի հենց այդ շորերին: Իրենք ներս մտան և կանգնեցին այդ շորերի դեմ: Յետո ինքը տեսավ, որ Սիմոնն ամաչում է իր մեծ բռան կոպեկներից, որովհետև դրանք վայ թե քիչ էին: Եվ իր համար այդ պահի Սիմոնը միշտ եղել է գեղեցիկ և խեղճ ու սիրելի: Եվ՝ այդ պահի ինքը: Եվ՝ այդ պահի իրենք՝ Ազուսն ու Սիմոնը միասին: Սիմոնը հարազատ ու գեղեցիկ էր նաև երևի այն ժամանակ, երբ պատի անկյունում պահակ էր կանգնել, որպեսզի ինքը պատի ետևում հազնի այդ շորը, բայց երբ ինքը դուրս եկավ պատի ետևից՝ Սիմոնը կանգնած էր թիկունքը լայն, և լայն նրա թիկունքն ու բարձր ուսերը իրեն շատ դուր եկան: Այդ ցրտից հետո հիմա այդ շորը հագած՝ ինքը սրսփաց ու եկավ մտավ նրա թևը, և Սիմոնը պարանոցը դանդաղ ոլորեց ու նայեց իրեն, և այնքան ջերմ մարդկայնություն կար այդ կոշտ գյուղացու դեմքին:

Յետո իրենք գալիս էին սրանց գյուղի երկար ճանապարհը, և ինքն այդ գյուղացի տղային հարազատ էր զգում անընդհատ – երբ ինքը գալիս էր երեխայի պես նրա ետևից և երբ գալիս էր համարյա թե կնոջ պես նրա հետ կողք-կողքի: Եվ ինքն անընդհատ ասում էր. «Ես որք եմ, մեր չունեմ»: Այո,– Ես որք եմ, մեր չունեմ:– «Իմ հոր թշնամին ասում է իմ մորը իմ հերն է սպանել, բայց իմ տատն ասում է տիֆի տարին արևով է ընկել: Ուրիշներն ասում են իմ հերն է խփել արևով զցել»: Ինքը մի անգամ ասաց. «Ետ դառնանք քաղաքում ապրենք: Գնանք Թիֆլիս, Երևան գնանք, քաղաքում ապրենք: Արզումանյանը հասել է Մոսկվա, գնանք Մոսկվա ապրենք»: Յետո

երեխայի պես հարցրեց. «Մոսկվան շա՞տ է հեռու»: Մնացած ժամանակ ինքն անընդհատ ասում էր, «Ես մեր չունեմ, իմ հերն իմ մորն սպանել է»: Սիմոնը ճանապարհից դուրս եկավ, և ինքը տեսավ, որ սրանց երկիրը սիրուն է: Սիմոնն ուրիշ բանի էր թեքվել. Սիմոնը տրեխներն ուրեմն ճանապարհին թփի մեջ պահած էր եղել, հիմա թփի տակից գտավ տրեխները, հագավ, իսկ կոշիկները հանեց ու թևի տակ առավ: «Ցավեցնո՞ւմ են», հարցրեց ինքը, բայց ցավեցնելու-չցավեցնելու համար չէին փոխվել կոշիկները տրեխներով, դրանք նրանց տան բոլոր տղամարդկանց կոշիկներն էին: «Ադամ ախարոն են,- ասաց Սիմոնը:- Աբել ապիսինն են: Քաղաք գնալու մեր կոշիկն է»: «Բոլորդ էլ է՞դ եք հագնում», ասաց ինքը, և Սիմոնը միամիտ-միամիտ ասաց. «Չէ, Ակոփի ոտին մեծ են, Ակոփը դեռ չի հագնում»: Եվ հուզիչ ու սպանիչ մի բան կար այդ ամենի մեջ, և իր բուկը խցվեց: Ոչ, ձորով ազատ ու գեղեցիկ գնացք էր գալիս ազատ ծղորտոցով, երկաթե հզոր էլեկտրասյուները ցատկում էին ձորի վրայով է՛ն սարի գլուխը, ազատ արծիվը ձորերի վրա ճախրում էր ես մե՛ծ, ազատ աշխարհում, իսկ Սիմոնը արծվի, գնացքի ու էլեկտրասյուների դեմ նստած տնօրենքում էր տրեխակապերի վրա, և իր լացն ու զզվանքը եկավ:

Նա ամենուր ու ամենքի մեջ է բոլորից այդպես խեղճ: Նա այդպես խեղճ էր այդ Նույն ճանապարհով ճակատ գնալիս, այդպես խեղճ էր պատերազմից ողջ-ամողջ դառնալիս, այդպես խեղճ է իր հորանց տանը, բայց ուրիշ ոչ մի անգամ ոչ մի տեղ նա այդպես մեռնելու պես խեղճ չի եղել, ինչպես այն երեկո, երբ իրենք բացեցին նրա հորանց դուռը:

Առաջին մեծ խուժքը ռազմաճակատ գնաց երգով-նվագով: Իրենք՝ տղերքն էին նվագում-երգում: Հետո իրենց դիոլ-դուդուկը նրանց կանանց տվեցին, իրենք շարքի կանգնեցին, շրխկան քայլով գնացին, և կանայք հիմա նստոտած էին նրանց դիոլ-դուդուկը ձեռքներին ու դեռ նրանց երգի մեջ. «Տանում են, ադե ջան տանում են՛ն»: Քսան տղամարդ էր բանակ գնում, և այդբանի մեջ ամենախեղճը Սիմոնն էր: Օսեփանց մեր Եսայու Ակոփը մնում-մնում, Ածխոտենց խեղճ Վասոյի Թմփլո Վերգուշին ասում էր. «Լեմեցն էս է վրա տված գալիս է, ախչի, էդ անտեր լավ տեղերդ էդ ում համար ես պահում» և ուզվոր երեխայի պես վիզը ծռած ձեռը դեմ էր անում, և Նորից, «Ախչի, զոհվելու եմ, անտեր տեղերիդ կարոտ եմ զոհվելու» և համարյա թե հրում էր ճանապարհի տակ, դեպի քարի ետևը, և վերջում. «Բեռլինը գրավել պտեմ, լեմեցի մի սիրուն աղջիկ պտեմ ուզիլ ու տնփեսա մնալ - կարոտիցս դե ցամաքիր», իսկ Վերգուշի խեղճ Վասոն. «Արա, էս վայ թե ճիշտ է ուզում, հա... Իմացիր, Ակոփ,

հրացան տվին՝ առաջինը քեզ եմ ևրս անելու», և Վրացոնց Ղևանտը. «Ձեռներդդ կտրեք, անբառոյական»:

Վաստյի Վերգուշը բարի, միամիտ, սիրով լիքը գոյություն էր: Հաստիկ էր, գնում էր մի տեսակ կիսան առ կիսան և ժպտում էր Ակոփի ասածների վրա, ժպտաց ամուսնու ասածի վրա: Նա հետո, կալում, երբ փոստի Գուհարը բերեց առաջին գոհի լուրը, նա՝ միայն նա կաղկանձեց ու փլվեց, իրենք միայն մոլորվեցին ու լռիկ լաց եղան, իսկ նա հեծկլտաց ու ծնկների վրա փուլ եկավ: Դա հետո էր: Հիմա իրենք ամուսիններին բանակ էին ճամփում, և բոլորի մեջ ամենախեղճը Սիմոնն էր: Մեկը երգում էր, մեկը՝ նվագում, մյուսը մի սրախոսություն էր անում ու բոլորին ծիծաղեցնում, իսկ Սիմոնն ասաց մի տեսակ սրտնեղած ու անտեղի. «Անտերը, ի՛նչ էլ ցանել ենք... Ես խեղճ աղջկերթը ոնց են հավաքելու»: Խոսքը այդ տարվա հացի մասին էր, արտամիջով վաղուց էին անցել, հիմա անտառում հաճարենու դեմ խմբված արդեն բաժանվում էին, և Սիմոնի խոսքին ուշք չդարձրին, միայն Վրացոնց Ալեքսին Սիմոնի գլխարկը ճակատին քաշեց, և Սիմոնն այնքան էր խեղճ, որ ինքը երեսը շուռ տվեց: ճանապարհին, երբ դեռ արտամիջում էին, ով էր, մեկն զգաց Օսեփանց մեր Մանթոյի բացակայությունը և ասաց այդ մասին («Մանթո, Էստեղ Ե՛ս... Մանթոն էլ էր լինելու, Ես ո՛նց է»), և լռությունից հետո նիհար ու երկարավիզ Հայկազն ասաց կարծես կատակով, բայց դառը. «Արանքը ճղած կլինի»: Բաց նա «արանքը չէր ճղել». երբ հասան մեծ հաճարենուն՝ նա կանգնած էր դանակը ձեռքին և գնացող իրենց բոլորի անունը գրել էր ծառին. վերից վար գրել էր իրենց անունները, և Սիմոնի անունը ամենավերջում էր, և Սիմոնն այդտեղ էլ ամենատինն էր: Խուժքը կանգնել նայում էր իր անուններին, Մարգարենց բոլորովին անգրագետ Մամբրեն հարցրեց՝ թե որն է իր անունը, ցույց տվեցին, հետո լուռ նայում էին իրենց անուններին, և մի տեսակ խորհրդավոր ու գերեզմանային էր, չնայած Վրացոնց Ղևանտը գովեց Մանթոյի արարքը. «Ապռես... թող մեռ անունը...»: «Դիվիզիա, ստանավի՛ս», կարծես կատակով, բայց իրականում շատ լուրջ հրահանգեց Վրացոնց Ղևանտը, և տգերքը շարվեցին, շարք չէին մտել միայն ինքը՝ Ղևանտը, Ներսեսը և մեկ էլ Սիմոնը: Ներսեսն ու Ղևանտը՝ որովհետև նրանց միջև ղեկավարությունը խլելու մրցում կար և այստեղ էլ եղավ, և Ներսեսը ի վերջո կարողացավ Ղևանտին շարք մոցնել և բարձրաքիթ ու ուժեղ՝ հրամայել իր զնգուն քթախոսությամբ. «Ծմակուտի գունդ, լսիր իմ հրամանը, Ծմակուտից Բեռլին քայլո՛վ մա՛րջ»: Իսկ Սիմոնը շարք չէր մտել, որովհետև տնքտնքում էր հագի կոշիկը տրեխով փոխելու վրա: «Սիմոն, շուռ արա, է», ասաց Ղևանտը, իսկ

Սիմոնը սրտնեղում էր – սրտնեղում էր տրեխների վրա, նրանց այդ խեղճ թատրոնի, գալիք ծանր նեղությունների վրա: «Այտա, տավարը ջարդվելու է, տավարը, էս ժողովրդին առանց խոտի ենք թողնում»: «Կարևոր ֆրոնտը ներկայումս գեռմանացին է, տավարը չի», արդեն շարքի գլխից՝ ասաց Ղևանտը: Սիմոնը կցվեց շարքի պոչին, և նրա գլխարկը դեռ ծուռ էր, և Ներսեսն զգուշացրեց՝ «Սիմոն, գլխարկդ», և Սիմոնը դեռ սրտնեղում էր, իսկ Ներսեսն արդեն շարքը ձգել, բանակայնորեն զգաստացրել էր, երբ Ակոփը դարձյալ, հիմա բերանի լուռ շարժումով, ձեռքը դեմ արեց Վերգուշին, հետո նրանք գնացին, և կանայք կանգնած էին նրանց թողած երգի մեջ՝ նրանց անունների առաջ, և Ներսեսի չորուկ Նունիկը ձգվեց, հեծկլտաց, երեսը վար բերեց ու ինքն իր վրա ծալվեց. «Վո՛ւյ, տղերանցը կըտորիլ տեն... տղերանցը ջարդիլ տեն, վո՛ւյ»: «Ձենդ,– ասաց Ղևանտի կուսակցական Մայան,– սո՛ւս: Լաչառ: Կախարդ: Ձենդ»:

Մայան այդպես զուսպ ու հաստատ էր նաև կալում, երբ փոստի Գուհարը ծղրտուն ուրախությամբ հեռվի լույս բլուրից կանչեց. «Աղո՛ւն, աչքալուսանք ունես, Աղո՛ւն, Յովիտը կանչում է հեռախոսի մո՛տ, կանչում է հեռախոսի մոտ»,– նա՛ Ղևանտի Մայան, զուսպ խլրտաց եղանը ձեռքին, զուսպ ժպտաց և մի թեթև հրեց իր կողը. «Սիմոնդ եկավ, վագիր»: Սիմոնն այդ ժամանակ էլ իր պես՝ տրեխակապերի վրա չարչարվելու պես նստած էր հաճարենու տակ տղերանց անունների դեմ ու տնքում ու կուչ էր գալիս: «Վրացոնց Ղևանտը եկե՛լ է», հաճարենու դեմ նստած՝ հարցրեց Սիմոնը, և Վրացոնց Ղևանտը խփվել էր, և Սիմոնը բլի ադամախնձորը կուլ տվեց, լռեց և ապա հարցրեց, «Ներսեսը եկե՛լ է», բայց Ներսեսը խփվել էր, և Սիմոնը թուքը կուլ տվեց, դառը նայեց և ասաց Ակոփի մասին. «Մեր Ակոփը», բայց դեռ Ակոփն էլ չէր եկել, «Ադամ ախպերը», բայց Ադամ հորեղբորից լուր չկար, և դրանից հետո անվանապես ոչ մեկի մասին Սիմոնը չհարցրեց, այլ ասաց. «Բա ո՞վ է եկել», և ինքն ասաց՝ «դու» և քայլ դրեց, «դու, ախպեր ջան, դու ես եկել», բայց Սիմոնը չէր զգում իր կենդանության հրճվանքը, կարծես ինքը Սիմոնն էլ խփվել ու մնացել էր Ռուսաստանի հեռու անհայտություններում: Նա ամաչում էր իր կենդանությունից, նա չէր ուզում գյուղի աչքին երևալ, կարծես թե նա ինքն էր սպանել իր ընկեր տղերքին՝ կալի կանանց ամուսիններին, նրա քայլն անընդհատ ծանրանում էր, նա ետ էր ընկնում ու անցնում Աղուևի թիկունքը: Յետո, երբ արդեն շատ էին մոտեցել և կալի կանայք խմբված նայում էին, նա հանկարծ գայթեց, թափ առավ ու գնաց գրկելու բոլորին կարծես միանգամից: Նա սրտից է սարքած, և

աստծու այս տխուր աշխարհում բոլորն են արժանի սիրվելու և մանավանդ քսան տարեկանում որբևայրիացած այդ խեղճ կանայք էին արժանի և մեծ սիրո, և՛ մեծ մխիթարանքի, և՛ մեծ գովեստի, բայց մարդ չպետք է իրեն այդպես կեր դարձնի ուրիշի վշտին և ուրիշի սիրտն առնելու համար իրեն այդպես ոչնչացնի. խառնվել մոլորվել էր կանանց մեջ Սիմոնը, երեխայի պես ուռչում ու թուփն անրևդիատ կուլ էր տալիս, կուչ էր գալիս ու գետինն էր մտնում իր ողջության տակ, իսկ Ղևանտի Մայան չխղճաց ու ասաց, և գոնե թաքուն ասեր ու թաքուն արհամարիներ – ասաց բաց արհամարիանքով. «Ով էր գալու – ով է եկել»: Այո, «ով էր գալու – ով եկավ»: «Դե նեղանալ մի, Մայա ջան, տերը մեռած պատերազմը կարծում ես գիտի՞ ում է սպանում ու խնայում», հազար տեղից ծավվելով ասաց Սիմոնը, և Աղունն ինքը տեսավ, որ այդ երեխային ինքն է պաշտպանելու: Եվ թեկուզ դա դաժան էր, բայց մեղքն Աղունինը չէր, դա այդպես էր, – Աղունը կանգնեց Սիմոնի ու կանանց արանքում, Մայայի ու Սիմոնի արանքում և ասաց Մայային. «Վերևն աստված կա, ամեն մեկին իրա սրտովն է տալիս»: «Հա, բախտավոր», արհամարիեց Մայան, և ինքը չխնայեց ու հաստատեց. «Սիրտդ ինչ որ ուրիշին է ուզում՝ գալիս կանգնում է քու առաջ»: Եվ Մայան չոր բերանը լիզեց ու պատասխան չունեցավ, և ինքը գլխաշորը շտկեց ու նրանից տուն գնալու իրավունք խնդրեց. «Հիմա՝ թույլ տալի՞ս եք ամուսնուս հետ տուն գնամ», և նա թույլ տվեց. «Գնա, բախտավոր»: Եվ Մայան երևի հենց այդտեղ վճռեց զավթել Սիմոնին, խլել Սիմոնին Աղունից, չնայած մինչև այդ մի տեսակ արհամարիում էր Աղունին էլ, հենց Սիմոնին էլ, և Սիմոնը կուչ էր գալիս իշխանուհու ու եգի նրա հայացքի տակ: Կանայք հուսահատությունից ու կարոտից այրվում էին, և ինքը, երբ իրենք հեռանում էին կանանց լուռ նայող խմբից, կամթեց, պինդ կամթեց Սիմոնի կողքը:

Մատուռի մոտով անցնելիս ինքն ասաց. «Եղբան ահ ու մահի մեջ թեզ քու մոր աղոթքն է պահել», «քու մոր ու քու հոր», ավելացրեց, «ես հաշիվ չեմ, քանի որ անգրագետ եմ ու աստծու տեղը լավ չգիտեմ»: Ինքը ծաղրով էր ասում, բայց Սիմոնը կանգնել էր ու աչքերը լցվել էին: Նրա հերևումերը եկան, սպիտակ երիկջը մեկը քաշելով ու մյուսը քշելով եկան, մատուռին հասնելուց առաջ պառաձվը սուլերը հանեց, ծնկեց ու ծնկած եկավ ծնկած պտտվելու մատուռի շուրջը, իսկ ծերունին երնջի հետ ցածր գրուցելով էր պտտվում մատուռի շուրջը, այդպես երկար պտտվում էին: Ինքը կատակով էր ասում, իսկ Սիմոնը աչքերը լցված կանգնել էր ու շնչում էր այդ տեսիլքի դեմ որ կարծես երազ լիներ. «Նանի»,

«ապի», «նանի», և նորից՝ «նանի», «ապի»: Ծնկասող-ծնկասող՝ պառազան պատվեց մատուռի շուրջը, հետո մատուռի դռան մեջ դարձյալ ծնկած՝ ճակատը գետնին էր տալիս ու աղոթում և դարձյալ գետնին էր տալիս ու աղոթում, և որտեղի՞ց այդքան աղոթք գիտեր և այդքան ի՞նչ էր աղոթում: Եվ ծերունին սպիտակ սրբի պես սպիտակ երևցի վզկապը բռնած նայեց ու ասաց մատուռի դռնից. «Սիմոն ջան, եկա՞ր... Սիմոն ջան, բա քու ախպերն ո՞ւր է, քու Ադամ ախպորը խի՞ չես բերել»: Եվ Սիմոնն ասաց հանկարծ ու վրա-վրա. «Բերել եմ, ապի, բերել եմ, նանը թող լավ աղոթի՝ բերել եմ»: Ինքը, որպեսզի դա սուտ հույսի ու սին մխիթարանքի նման չլինի, այլ նման լինի իրական լինելիքի, ասաց կոպիտ հեզնանքով. «Աշխարհը տակնուվրա լինի՝ քու ցեղին բան չի պատահի, ապի, էս է Ադամդ էլ կգա, վախիլ մի» և ցույց տվեց բաց ճանապարհը որտեղից հայտնվելու էր Ադամը նույնպես: Եվ այդ սուրբ մարդը մատուռի դռնից սաստեց իրեն. «Դու նորից կռավեցի՞ր, դու նորից լեզու առա՞ր»:

Նրանք միայն Ադունի հետ են այդպես կոպիտ: Չարչարանքով Ադամն էլ եկավ՝ դարձյալ այդքան կոպիտ. ինքը պարելով ընդառաջ գնաց, «Մատանուս ալքը խալիս ա, էս ինչ լավ աչքալիս ա, Ծաղիկ քաղեմ դեմ գնամ, Չինվոր հոպարը գալիս ա»: Վերջին տողը զուտ ինքն էր հարմարեցրել, իսկ զինվոր հոպարը նրա առջևից մի կողմ կացավ, աչքերը իրենց նման ճպճպացրեց, նայեց և վերջապես կարողացավ ասելիքն ասել, «Ճամփա եմ տալիս՝ տեսնեմ մինչև հորանցդ տուն կարա՞ս մի՞ն գնաս»: Եվ ինքը պատասխանեց դարձյալ հին խոսքով, «Ես մեր չունեմ, որ մեր չունեմ՝ հեր էլ չունեմ, իմ հերանք դուք եք»: Եվ Ադամը աչքերը թարթեց ու կարծես թե զարմացավ. «Վուեյ»: Եվ ինքը չարությանը, բայց նրա գալստյան մեծ ուրախությունը դեռ չմարած՝ ասաց. «Տասը տարի է անցել», «Ի՞նչ տասը», ասաց զինվոր հոպարը, «Տասը տարի է ձեր տան շեմքին ոտ եմ դրել», ասաց ինքը, իսկ հոպարը՝ «Տասը՞, բա էս ինչի՞ շատ գիտեի», իսկ ինքը՝ «Տասը տարում շուն են սովորեցնում», իսկ հոպարը իբր թե միամիտ՝ «Տասը տարում շունը սատկում է», իսկ ինքը՝ «Ձեր հանգիստ դռներին շները շատ են ապրում, հոպար. ոչ ապրուստի կռիվ կա, ոչ ապրելու նախանձ, ոչ էլ ծակ շավարի ամոթ», «Ոչ էլ բերանի կապիչ», ասաց հորեղբայրը, իսկ Սիմոնը կանգնել ու չէր ասում թե բանակից այդպես չեն գալիս, հարսի հետ այդպես չեն խոսում – ուրախ ու խեղճ ժպտում էր եղբոր ասածի վրա, ժպտում էր կնոջ ասածի վրա, չնայած դա իսկական կռիվ էր և հին կռվի շարունակությունը. այն կռվի՝ որ սկսվել էր նրանց դուռը բացելու հետ: Իսկ նրանց հերոսները իրենց խուլ հավատի մեջ

խուլ՝ սպիտակ երինջը պտտում էին արևոտ մատուռի շուրջը, սպիտակ ծերունին պարանը քաշելով պտտվում էր մատուռի շուրջը, պառավը պտտվում էր ծնկասող, և ծերունին մատուռի դռանը կացավ ու ասաց. «Էկա՞ր, Ադամո ջան», և պառավը նայեց աղոթքի միջից ու ճակատը երեք անգամ գետնին տվեց և թևերը փռեց իր աստծու ոտները գրկելու պես և աչքերով կախվեց իր աստծու փեշերից և երևի ասաց. «Փառքդ մեծ, աստված, որ զորեցիր ու դանակի տակից հանեցիր իմ Ադամո գառանը», և սողալով-սողալով, երկրպագելով-երկրպագելով. «Փառքդ շատ, աստված, ձեռք իմ զավակի վրա ես պահել» մրմնջալով-մրմնջալով պառավը եկավ դեպի իր զավակը և դեռ ծնկած՝ որդու հասակն ի վեր աստծու մասին էր մրմնջում, բայց նրա գլխավերևը աստված չէր՝ Ադամը, որ երևի թե կարողացավ մի քիչ հուզվել «Էկա, նանի... Նանի, Էկել եմ», իսկ պառավը աստծու փառքի մասին իր խուլ մրմունջի մեջ գեղեցիկ էր, բայց այդ բոլորը իրեն՝ Աղունին դուր չէին գալիս, չնայած իր կոկորդն էլ խցվեց լացից, և ինքն ասաց. «Էդ աստոծը չի, նանի, էդ քու հին Ադամ տղեն է», և պառավը տգեղացավ ու կատաղեց. «Ձենդ կտրի՛, լաչառ, տ՛ւս», և պառավի իսկականը դա էր, Աղունի համար պառավը եղել է այդպես միշտ փրփուրը բերանին ու տգեղ՝ առաջին օրվա առաջին րոպեից:

Միմյանց համար նրանք միշտ են այդպես աղոթքով ու սիրով լիքը, իրարու առաջ այդպես էին եղել նաև մինչև նրանց մեծ, հին տան դուռը իր ու Սիմոնի բացելը: Դուռը բացեցին՝ մեծ տան մեծ ընտանիքի մեջ պառավը ճաշը խառնում էր: Դուռը բացեցին թե չէ՝ շերեփը առ-հա դեպի Աղունը: Ոչ. իրիկվա մեջ դռան դեմ իրենք կանգնել էին, և վախլուկ, շփոթված ու ուրախ Սիմոնը դուռը չէր հրում: Այդպես կանգնել իրար էին նայում, և ինքը ժպտում էր: Ինքը ժպտում էր այդ սրսփուն ցրտի մեջ գուցե ներսի երգի համար, տորքի կտկտոցի, դրսում ծանրումեծ նսատած գոմեշների ու կովերի, մեղմափեթակների, գանգուր մի երկու ձառի համար և ներսի ուրախ, բարի, համերաշխ տրամադրության համար: Բայց Սիմոնը դուռը չէր բացում, և ինքը մի րոպե հիմարացավ ու ասաց. «Ծմակուտը չի՞, ձեր տունը չի՞»: «Նանը ճաշ է անում», ասաց Սիմոնը, և ինքը կրկնեց. «Նանը ճաշ է անում»: «Բա ամոթ չի՞», հետո ասաց Սիմոնը, բայց դուռն արդեն հրել էր, դուռը կրկնի վրա բացվել էր, ներսի ձայները, բացի երգից, կամաց-կամաց լռեցին, և իրենք կանգնած էին բաց դռան առաջ և ներս չէին մտնում, և երբ ներսից վազելով եկող քայլերի թփփոց լսվեց՝ Սիմոնն իրենից Աղունից ավելի հեռացավ, այնպես որ բաց դռան դեմ ինքը կարծես մենակ էր կանգնած, և շիլ, լռշտակ, ծիծաղելի ու սիրելի Աբելիկը

հենց այդպես էլ ասաց տնեցիներին. «Պո՛ւյ... մի հատ պուճուր աղջիկ ա: Մի հատ պուճուր, սիրուն աղջիկ ա»: Եվ ինքը ժպտաց ու այդ երեխային սիրեց, այդ երեխան իրեն դուր եկավ: Այդ երեխան Սիմոնին հետո տեսավ. «Սիմոն հոպարն էլ ա... Սիմոն հոպարն ա, մին էլ մի պուճուր աղջիկ, հագին սիրուն շոր ունի»: Եվ սիրունը նա ժակետի մասին էր ասում, այդ ժակետը քիչ հետո իր տալերը և տեգրակինը գնեցին ու քնեցին, հանեցին իր հագից և մի լավ տևողեցին, դրա գործքը սովորեցին ու իրար սովորեցրին, իսկ ինքն այդ ժամանակ նրանց տանը կարծես թե մերկ էր, ոտքերը սեղմում էր, ինքը սեղմվում մտնում էր իր մեջ նրանց մեծ տան շատ նայվածքների տակ: Շիլ-լոշտակ երեխան հանկարծ հասկացավ ու ճչաց. «Պո՛ւյ... Սիմոն հոպարն իրա համար կնիկ ա բերել, էս ինչ պուճուր կնիկ ա՛»: Այո, ինքը սիրուն էր, ինքն, այո, պուճուր էր, իսկ Սիմոնն ամաչում էր, և ներսից մի ձայն – դա, ուրեմն, պատրոնի կեսրայրի ձայնն էր – ասաց. «Թե որ դուռն ես բերել, տուն էլ բեր, էլ ինչի՞ց ես քաշվում», և լոշտակ տղան Սիմոնի ու իր համար կրկնեց պապի ասածը. «Թե որ մինչև դուռը բերել էս՝ տուն էլ բեր, էլ ինչի՞ց ես քաշվում», «ինչի՞ց ես քաշվո՞ւմ, Սիմոն հոպար», հարցրեց իր կողմից: Ապա իրենք ներսում էին, բայց դարձյալ դռան տակ, Սիմոնը կոշիկները դրեց լուսամատի գոգին, թուքը կուլ տվեց ու կանգնեց գլուխը կախ՝ իր ընտանիքի դեմ Աղուևի կողքին, և ինքը Աղուևը նրանց բոլորին շիտակ էր նայում, որովհետև ոչ մեղքից էր տեղյակ, ոչ էլ նրանց հոգսերից:

Մեծ տան համարյա թե բոլոր պատերի տակ միայն թախտեր էին, միայն տորքը չէր թախտ, սեղանը չէր թախտ և ամբարի պես մի բան կար՝ դա չէր թախտ, և ամբարի պես այդ բանից հետո անկողիններ հանեցին, փռեցին թախտերին և հենց այդ ամբարի պես բանի վրա էլ փռեցին, ուրեմն դա նույնպես թախտ էր, չնայած բարձր էր, համարյա թե մի բարձր պահարանի բարձրության էր, և իրենց նայում, իրեն Աղուևին նայում ու լռում էին թախտին խոտոր ընկած ապին՝ անշավվար տղա-երեխան կրծքին նստած, և երեխան էլ էր նայում, մյուս թախտից՝ Ադամը՝ ամեն ծնկին մի երեխա, վառարանի մոտ ճաշի վրայից պառավը, սեղանի մոտ գրքի վրայից մի ուրիշ տղա, որ այդ աղմուկի մեջ ականջները փակած դաս էր սովորում – «Երկու որբեր – Զուր ու ախպեր – Կորած գնում են հեռու – Արևը՝ վառ – ճամփան՝ երկար – Ոչ աղբյուր կա – Ոչ առու... Երկու որբեր – Զուր ու ախպեր...» – տորքի տակ շարված՝ երեք տալն ու հարսը՝ Ադամի կինը: Պատեֆոնը սեղանին երգում էր: Այդ հին, կոպիտ տանը պատեֆոնը օտարոտի էր և իրենցը չէր՝ հորաբորջ Ներսեսինն էր, Ներսեսը քիչ հետո գալու տանելու էր:

Նրանք նայում ու լռում էին, նայում ու չէին խոսում, Սիմոնը չոր բերանը շարժում ու չէր կարողանում խոսել, հետո ինքը տեսավ, որ պառավին ու հարսին ինքը դուր չի եկել: Հարսը դարձավ իր գործքին,– խալին Սիմոնի անունով էին գործում, ՍԻՄՈՆ անունը կար խալու վրա,– պառավը մի տեսակ թթոտելով, մի տեսակ փչելով կռացավ ճաշի վրա, իսկ իր ժակետը հայտնվել էր աղջիկների ձեռքին, նրանք զննում ու քննում էին ժակետի գործքը: Աղջիկները չգիտես ժակետի մասին, չգիտես իր մասին իրենց մեջ ասացին «նանը չհավանեց», իսկ հարսը իր գործի վրայից մի ընդամենը նայեց Աղունիկն ու ասաց աղջիկներին. «Նրանում ի՞նչ կա՝ որ լավն ու վատ լինի, դեռ երեխա է»: «Երեխա է՝ թող իրա հոր հացով մեծանար», ճաշի վրայից ասաց պառավը, իսկ աղջիկներից ամենափոքրն ու ամենաբացը ընկերուհու նման ասաց. «Դու գործել գիտե՞ս, Մանիկ հարսիկն ինձ սովորեցրեց», և աղջիկներն ու հարսը տորթի տակ իրար սեղմվեցին ու տեղ բացեցին իր համար, ասացին «ձեր խալիչեն է», բայց ինքը գործել չգիտեր, իսկ նրանք ու տղամարդիկ և սկեսուրը ճաշի վրայից նայում էին, և այդքան հայացքի տակ ինքը իրեն մերկ զգաց, կուչուհուկ եկավ ու վախեցած գազանիկի պես մտավ ինքը իր մեջ, և նրանց ձայներն ու պատեֆոնի երգը ետ զնացին, ինքը մի տեսակ խլացավ, և իր մեջ իր տատի հին երգն էր որբի մասին, որ այս նեղ աշխարհում մնացել էր մեն-միակ մի պախրի հույսի. «Պախրեն կգա ծիծ կտա՛ա»:

Դուռը շրխկալով բացվեց, և կաշվեբաճկոն-գալիֆե-սապոգով Ներսեսը որպես ժողկոմ մտավ սրանց խեղճ տուն: Իր հարազատին տեսնելուց իր սիրտը միայն մի ընդամենը թրթռաց, նրանց, միամիտ խեղճության մեջ ու Սիմոնի անմռունչ գոյության առաջ ինքը չսիրեց «ժողկոմ» Ներսեսին՝ որ արդեն փակել ու կռնատակել էր պատեֆոնը («Մեր ես հազարան բլբուլը Օսեփանց տանն էս ի՞նչ է երգում»), կարծես անմեղ կատակով, կարծես ծաղրով գովել էր Աղունիկն («Լա՛վ հարս չեմ բերել ձեզ համար: Խի՞, բա մի ձեզ ու ձեր տղին նայեք»), իրիկնահացի մնալու ապնի խոսքի վրա («Այտա, մնայիր իրիկնահաց անեիք») կռացել նայում էր պառավի ճաշը և ասաց. «Չէ, գործկոմից մարդ ունենմ»:

Ներսեսը գնացել էր, չէ՞ր գնացել,– այդ լռության մեջ Սիմոնը տատամտեց, տատամտեց իր մեջ, ոտից ոտ փոխվեց, հանկարծ ասաց. «Ապի, մենք եկել ենք»: Այո, «ապի, մենք եկել ենք, է, ապի, նանի»: Շարունակությունը չի հիշում: Միայն՝ ապին թիկնած էր և տնքալով վրա նստեց, պառավը թանապուրը խառնում էր ու չէր նայում իրենց, Ադամը նայում էր մի տեսակ ծաղրով թե ծիծաղով, թվում էր ուզում է բան ասել ու չի ասում, աղջկերթն ու հարսը

համերաշխ էին և իրենց լեզվով իրենց մեջ բաներ էին ասում ու ծիծաղները պահում և երբեմն հիշում՝ որ ինքը կենդանի արարած է ու այդտեղ կանգնած է:

Աղջիկներն ու հարսը այդպես համերաշխ էին նաև հետո, երբ պառավը տանը չէր, հորանց գյուղն էր գնացել, ինքը չէր հասկանում, թե նրանք թաքուն էդ ինչ բանի են, հետո հասկացավ, գողութուն էին անում, մառանի մեծ կողպեքը բացեցին ու յուղ հանեցին, ինքը նայում էր, և ինչպես գայլերն են մի թուփում իրար ձեռից խլխլում ու ոչնչացնում գառը՝ նրանք գործն իրար ձեռից խլելով յուղով խմոր արին, կտրտեցին, ծեփեցին սանդերքին և թխեցին ու կերան, թխեցին ու կերան: Ու ժպտալով, ժպտալով: Իրեն էլ տվեցին: Միամիտ ու ծիծաղելի՝ շլոթ երեխան կանգնեց մեջները թե՛ «Էս ինչի՞ հոտ է գալիս» և միամիտ ու բարձրաձայն՝ «Ի՛, գաթա եք թխել»: Երեխային ասստեցին՝ «սուս», երեխան ասաց «նանին ասիլ տեմ» և երեխային ասացին «չասես» ու նրան էլ տվեցին: Եվ՝ ժպտալով, ժպտալով: Եվ հոտը բուխարու վրայից բշեցին գոգնոցով: Ժպտալով, ժպտալով:

Նանը եկավ – բուրմունքը բշված էր, թավան իր տեղում էր, սանդերքն՝ իր, կողպեքն առաջվա պես մառանի վրա էր, երկու աղջիկն ու հարսը պատշգամբում տորթի տակ նստած էին, փոքր տալն ու ինքը տնգլի էին խաղում, բայց ինքը չէր ուզում խաղալ, որովհետև քիչ առաջ վայ թե զգացել էր երեխայի թաքտոցը: Զգացել էր և դա սարսափելի էր, որովհետև դեռ ինքն էր երեխա: Եվ այդ ժամանակ ձիավոր նանը գուզված եկավ հորանց տնից: Եկավ կանգնեց մեջտեղն ու մոլորվեց աղջկերանց փոքրիկ խարդավանքի մեջ, որից ոչ մի հետք չէր մնացել, մեծ կողպեքը կախված էր մառանի դռան վրա, թխվածքի բույրերը բշված էին, տորթ էին ծեծում, խաղում էին: Փեշատակի գրպաններում նանը փնտրեց բանալին, չգտավ, գնաց հանեց բանալին մառանի դռան տակից, ներս մտավ: Փոքր տալը իր համար տնգլի էր տալիս, մեծ տալերը ժպտալով տորթ էին ծեծում, հարսը տորթի տակից դուրս էր եկել, պղինձն ավազով ու ջրով շփում էր չար-չար, բերանը սեղմած, չար-չար, իսկ ինքը սեղմվում էր ոչ էն է պառավի ահից, ոչ էն է այն բանից՝ որ դրանց ցեղի լակոտը փորում նորից քացի գցեց: Պառավն, այո, մառանից դուրս եկավ ու նշան բռնեց իրեն՝ որբին: Աղջկերքը նագով ու ծիծաղով տորթ էին ծեծում, մյուսը խաղում էր, հարսի կատաղությունից պառավը զգուշացավ ու շարտեց ծանր կողպեքը իր վրա: Ինքը բռնեց փորը, կծկվեց ու կաղկանձը կուլ տվեց: Բայց դա վերջը չէր: Պառավը եկավ բռնեց իր մազերն ու թափահարեց, թափահարեց ու խփեց ու ոտի տակ առավ: Ու իր

գոգնոցի գրպանից նրանց տված գաթան ընկել էր, պառազը խցկում էր, խցկում էր գաթան իր բերանը՝ «Կեր, առնաուտ, դե կեր»: Բայց ամենազարհուրելին այն էր, որ պառազն իրեն ահա-ահա սպանում էր, իսկ աղջկերթը չափ-մտած տորթ էին ծեծում, հարսը վրա-վրա սրբում էր պղինձը ավազով ու ջրով և Մելըբանք իրենց պատեֆոնը դուրս էին բերել, ուրախ նվագ էին նվագում և իրենց նվագի մեջ Մելըբանց Շողերը ցորեն էր աշտարարում և մի քիչ վախեցած էր միայն սրանց փոքր աղջիկը՝ որ իր խաղի տեղից հեռու էր փախել, հեռվից նայում էր, ոտքն առաջ էր դնում գալու մի բան անելու իր խաղընկերուհու համար, բայց դեռ շատ էր աղջնակ: Պառազը հոգնեց, և ինքը շան պես չորեքթաթ ու շան պես ծմրալով-ծմրալով քարշ եկավ սրանց կալի ծերը՝ որձկալով ետ տալու սրանց հացը և սրանց լակոտին նույնպես, որ այդ թուպին, երբ ինքն ահա-ահա խաղաղվում ու պարալվում էր սպիտակ ամպերի, մաքուր երկնքի ու արծվի ճախրի տակ, նորից քացի զարկեց, և ինքը ծղրտաց, կատաղեց, խփեց իր փորին, ծեծեց իր փորը, տրորեց իր փորը և որձկաց՝ ետ տալու սրանց լակոտին: Եվ սրանց կալի ծայրին իր ոռնոցի միջից էր, որ ինքը տեսավ իր ապագայի գեղեցիկ տեսիլքը, ոչ էն է աստվածամայրն էր, ոչ էն է իր մայրը, ոչ էն է Մելըբանց Շողերը՝ սպիտակ, տաք լույսի մեջ առաջ եկավ, ուրախատեղը քրտնած, հոգնած ու երջանիկ, գրկին խանձարուր՝ առաջ եկավ... բայց կարծես թե հենց ինքը Ադունն էր... առաջ եկավ, և ինքը նրան ասավ, «Ես որք եմ, իմ հերն իմ մորը սպանել է, ես անմեր-անտեր եմ», և նա իրեն ասավ. «Քու լույս մոր չապրած օրերն էլ դու ես ապրելու», և տղա-երեխային շապկանց դրեց ճոճի մեջ, և ճոճն օրորվում էր, տանձենու տակ պայծառ ծաղկած արևածաղիկ կար: Ինքն ուշքի եկավ տեսավ, որ խաղաղվել է, սպիտակ ամպերի տակ արծիվ է ճախրում և իր դեմ ձորի մյուս լանջին մենավոր մեծ տանձենին է՝ որ ինքը տեսավ իր տեսիլքի մեջ:

Մելըբանց դռանը պատեֆոնի երգը կտրվեց: Մելըբանց հարսը պարկը քարշ տվեց պատշգամբ, դուրս եկավ բակ ու ձեն տվեց սրանց տան վրա. «Արուս նանի»: Նանը դեռ չէր հանգստացել, փեշերը շարժելով դեսուդեն էր գնում, դռանը ոչ մի բան իբր թե իր տեղում չէր և իբր թե գործի էր,– նանը կանգ առավ ու անխոս նայեց: «Մի դեսն արի, բան եմ ասում», ձեռքերը կոնքերին՝ ասաց Շողերն ու ինքը առաջ եկավ, պառազն առաջ գնաց, երկունս էլ չերևացին,– նա՝ իրենց ցանկապատի եզրով շարված ծառերի ետևում, սա՝ իրենց,– հետո երկունս էլ դուրս եկան ճանապարհ ու կանգնեցին իրար դեմ: Մեկ էլ Շողերն ասաց «երեխա է», պառազն ընկավ, Շողերը կանգնած էր ձեռքերը դարձյալ կոնքերին: Ելնող

պառազանց շողերը մի անգամ էլ ոտքով խփեց ու ասաց. «Իշխանութեան բերանը կտամ, պառազ, որք անտեր ես գտե՞լ»: Ինքը խղճում էր ծեծվող պառազին և ծեծվողը կարծես դարձյալ ինքն էր՝ վախենում էր: «Գնա գյուղխորհուրդ բողոքիր՝ զամ ասեմ ինչի եմ ծեծել», ասաց Շողերը:

Պարզվեց, որ պառազը սիրտ ունի, սեր ունի իր երեխաների համար - գիշերը մութը ձեռն էր առել ու պտտվում էր քնած ընտանիքի վրա: Իր կարծիքով՝ նա աղոթք էր մրմնջում Ադամի համար (նա, կինը, երեխաներից մի երկուսը քնած էին մի վերմակի տակ), Ակոփի համար (նա, Ադամի լոշտակը, մի աղջիկը մի վերմակի տակ էին), Նույն վերմակի տակ քնած հասուն աղջիկների համար, փոքր թոռան հետ քնած հալեվորի համար (բոլոր թախտերին անկողիներ էին և ամբարի վրա էլ անկողին էր, ամբարի վրա ինքն ու Սիմոն էին) և երկար՝ Սիմոնի համար: Սիմոնի համար՝ ծնկած: «Տեր աստոծ... աստոծ ջան... անարժանի սիրուց փրկիր երեխիս, աստոծ ջան, փրկիր անարժանի սիրուց... գողի ցեղ ա, մարդասպանի ցեղ ա, իմ արդար տուն արևախում մի թող... ոչ էփել-թափել գիտի, ոչ գործել-հունցել, ոչ կովուկիթ գիտի... փրկիր, աստոծ ջան», իբր թե աղոթում էր պառազը, իսկ ինքն Աղունը նրան սպիտակ գիշերազգեստի մեջ սպիտակ մազերն արձակ կախարդ գիտեր, և ինքը վերմակի տակ կուչ էր գալիս, կուչ էր գալիս ու գլուխը քաշեց վերմակի տակ, և նա իրոք կախարդ էր, և ինքը քիչ հետո հասկացավ, որ նա իրեն Աղունին մի բան է անում, ու սարսափած վեր թռավ ու ծպուտը կուլ տվեց, և պառազը չար-չար ետ նայելով քաշվեց իր անկողին, և Սիմոնը քնի մեջ շուռ եկավ ու հարցրեց «ի՞նչ է, ախչի», և ինքը չկարողացավ իրեն զսպել, լաց եղավ ասաց. «Եստեղից ինձ տար, ես էստեղ կարալ չեմ», և Սիմոնն անկողնում վրա նստեց ասաց «ի՞նչ է», և պառազն այնքան էր չար, որ չլռեց՝ ասաց իրենց անկողնուց. «Դե հոր դեռերը փորն են պրծել» և դարձյալ՝ «Դիվերոց է եղել, ինչ է եղել, բալա ջան», և ընտանիքը զարթնեց և ինչ որ ինքը միամտորեն չէր հասկացել՝ հասկացել էր նրանց փոքր աղջիկը, «Նանը մկրատով Աղունի մազը կտրել ա», բայց նրան ասացին՝ «սուս, ձենըդ», և ինքը դարձյալ մնաց վախի ու կասկածների մեջ: Ինքը շոյեց իր երկար, փարթամ մազերը և զգաց, որ նա իր մազը կտրել է, իսկ նա թարեքին սուրբ գիրք էր դրել, սուրբ գրքի մոտ վառ մոմ էր դրել, որպես թե իրենք սուրբ ընտանիք են:

Սուրբ ընտանիքն իր սուրբ գործին էր. կալն Ադամը լողտորթով լողում էր, Յակոբն ու լոշտակը մի գրքից դաս էին սովորում, ավելի փոքրերը քարկտիկ էին խաղում, երեք աղջիկը պատշգամբում

տորքի տակ էին, պառազան ու մեծ հարսը փուռը հաց էին անում հաց էին թխում, հալիվորն այգում փեթակների մեջ էր՝ մեղվին նայում էր, և այդ եփող-թափող, անող-ղնողների մեջ ինքը պարապ էր: Ինքն ուզեց ցանկապատն անցնել, գնալ օգնել կեսրայրին, փուքսն օրինակ փչել, բայց մեղվից վախեցավ, մեղվից խայթվելու վախն էլ չլինե՛ր՝ կեսրայրի խեթոցը բավական էր, որ ինքը ետ քաշվեր ցանկապատից: («Ասում են դու սուրբ մարդ էիր, ու չհիշե՛նք, չհիշե՛նք, ապի ջան, որ ինձ վրա թու սուրբ ձեռն էլ է բարձրացել, չհիշե՛նք»): Ջրի ամանը ինքը մոտեցրեց սկետուրին – նա ամանը չմտնոցով ետ հրեց, բացած գունդը նորից գնդեց, բացեց ու խփեց սրբի իր խաչը բացած գնդին, Աղունի չարքից փրկեց իր հացը: Մուրը՝ ինքը կտրված հյուսի ծայրի հետ խաղում էր, դիտմամբ չէր խաղում, պառազանի աչքը չէր կոխում հյուսի կտրված ծայրը, – վիրավորված, արհամարհված աղջիկն ուրիշ ի՞նչ էր անելու, – և պառազանը ձեռքի թին քիչ էր մնում ոչ էն է դիտմամբ, ոչ էն է պատահաբար իր բերանը կոխեր, և ինքը ետ քաշվեց: Ծերունու քունքը մեղվանոցում մեղուն կծեց, ծերունին եկավ, ցանկապատի վրայով վիզը ձգեց, և խայթը հանելու համար իր ձեռքերն էին մաքուր, ինքն էր պարապ, բայց նրան օգնելու իր շարժումը սառավ, ծերունին միամիտ թե խեթոցով նայեց իրեն («Չհիշե՛նք, ապի ջան, չհիշե՛նք որ որքիս վրա դու էլ ես ձեռ բարձրացրել, չհիշե՛նք, խոսք մեկ արած ասում են դու սուրբ էիր»), և պառազանը խմորոտ-թաց ձեռքերը գոգնոցով սրբեց ու չարչարվեց խայթը հանելու վրա, և ինքն այդտեղ ավելորդ էր, ինքը նրանց բուրդի մեջ էր ավելորդ, գորգ ծեծող քույրերի մոտ էլ ավելորդ էր: Փորը ցցած՝ ինքը մուրովել էր նրանց մեջ և հանկարծ որոշեց մի գործ էլ ինքն անել, կարպետը բերեց փռեց բակում, հատիկի պարկը քարշ տվեց կարպետի մոտ, սյան մեխից իջեցրեց խախալը և հատիկ աշտարարեց իր հասակն ի վար. ցորենի խշռոցը դուր էր գալիս, ինքն արդեն-արդեն երջանիկ էր, բայց պառազանը եկավ. մղեղը իբր թե գնում, նրանց գնդին նստում էր, նրանց աչքն էր մտնում, պառազանը եկավ, խախալը խլեց գցեց կարպետին, և աղջիկները տորքի տակ ծիծաղեցին, պարկը քաշեց դարձյալ պատի տակ, կարպետը հենց այդպես հավաքեց շարտեց պարկի մոտ ու ետ իր հացին գնաց: Եվ դա մահվան չափ վիրավորական էր, բայց ինքը ժպտում էր, որովհետև դեռ չէր հասկանում, որ իրեն խոցել են: Ինքը շարժվեց ու ճամփա ընկավ հանկարծ, քամակին քացի կերած երեխայի պես... իր լացը գալիս էր... ինքն էլ չգիտեր ուր է ճամփա ընկել, իսկ Ադամ հորեղբայրը կատակով, իբր թե կատակով կծեց. «Ես՝ վայթե ուղիղ Վանքեր ես գնում», և ինքը նետեց՝ «հա» ու անցավ:

Բոլորը՝ չնչահավատ, բոլորը ծաղրալի, բոլորը՝ խիղճները թաղած:

– Էդ ո՞ւր, հարս խանում, գալուդ համար վայ թե փոշմանել ես,– իր ապահով, մաքուր, համարյա թե քաղաքային տունուղմնից ասաց Յարութ ապին:

Ինքը լուռ լացելով անցավ:

– Էգ ո՞ւր, հարսիկո, Ծմակուտը վայ թե սրտովդ չի,– իր ապահով դռանը իր համերաշխ ընտանիքի մեջ նստած՝ կատակեց թե ծաղրեց Մարտիրոս հորեղբայրը:

Լացն իրեն խեղդում էր, ինքն անպատասխան անցավ:

– Օսեփանք քեֆիդ վայ թե կպել են,– ասաց Ղևանտը,– ասա, դրանց աչքը վախեցնեն, ես դրանց մենատնտես հերն անիծեմ:

Ինքը տվեց անցավ:

– Իշխանի աղջիկ, Էդ ո՞ւր,– իր դռնից ասաց Յամիկ հորեղբայրը:

Եվ ինքը խեղդվեց ու ասաց. «Ես Իշխանի աղջիկը չեմ, ես հեր չունեմ», ու անցավ:

– Յլա կաց մի, ախչի,– իր դռան գործի վրայից ասաց ու ելավ սիրուն, որբևայրի ու խելացի իր հորաքույրը,– դուրս պրծած Էդ ո՞ւր ես գնում:

Ինքը չկանգնեց, անցավ ու ասաց. «Գնում եմ ինձ ջուրը գցեմ»: Յորաքույրն իր հուսահատությունը բանի տեղ չդրեց. «Ձրերը ցամաքել են, կաց գարունքվա հետ վարարեն՝ Նոր գցիր», իր ետևից գալով ծաղրեց հորաքույրը:

– Յիմա՛ Էդ ո՞ւմ գլուխն է յուղումեղրի մեջ,– իր ետևից դեռ գալով բարկացավ հորաքույրը:

– Զո,– ետ չնայելով ասաց ինքը:

– Տո սատկած,– ասաց հորաքույրը,– իմ ի՞նչն է յուղումեղրի մեջ:

– Զո,– ետ չնայելով ասաց ինքը.-- պաշտոնը տղիդ տակին, հարսդ ու թոռդ կողքիդ, Իշխան ախպերդ հեռվից թևերը քեզ համար կրակած, քո գլուխն է յուղումեղրի մեջ,– ասաց ինքը:– Մի մարդդ է պակաս, խելքը գլխին ինչքան տղամարդ կա՝ քեզ մարդ:

– Պա-պա-պա-պա,– կանգ առավ ու ետ մնաց հորաքույրը:

– Էդ ո՞ւր բարով, քույրիկ,– դեմը կանգնեց Ներսեսը:

– Ես քույրիկ չեմ, ինձ իմ մերը քույրիկ չի բերել,– արմունկեց ու անցավ ինքը,– անտեր որբ է բերել, հասնողն իմ գլխին խփելու է:

Խի՞, բա ես մեռած եմ չկա՞մ,– իր ետևից ասաց Ներսեսը:

– Յա,– կոպտեց ինքը:

Չնգուն երգով՝ մանկապարտեզը գալիս էր. մաքուր հագնված, նախանձելու չափ սիրունիկ երեխաները պայծառ նայում ու

անցնում էին, ինքը կոկ ու լիքը՝ մանկապարտեզի Մայան համարյա թե քաղաքային էր ու երեխաների հետ երգում էր, դպրոցի սպիտակ շենքի դռանը պղնձե զանգը դողանջեց, և գյուղամեջի լռությունը մեկեն լցվեց զվարթ աղմուկով, և հետո պայծառ պիոներները գալիս ու գալիս էին, և այդ ամբողջ երջանկության մեջ միակ տգեղն ու տխուրը ինքն էր և ինքը մի պահ մոլորվեց ու կանգ առավ գյուղամիջի այդքան շատ տների ու այդքան շատ մարդու դեմ: Ակումբի շենքը սարթում էին, Սիմոնը տանիքը կապողների մեջ էր, տանիք էր կապում և, զարմանալի բան, ուրախ էր, բան էր պատմում, ծիծաղում էին: Ուրագը ձեռին բարձրացրած՝ Սիմոնը սառավ, բայց ինքը չզոջաց – փորը ցից ու գուլպան իջած անցավ, բարձրացավ գրասենյակի աստիճաններով և հեռախոսի մեջ գոռաց. «Իշխան... Մորըս սպանել ես՝ ինձ էլ ես սպանում, ես թշնամու երկրից արի ինձ տար... Ինձ արի տար կանգնեցրու մորս գերեզմանի վրա, գլխիս ուրագով տուր ու թաղիր մորըս կողքին... Արի ինձ էստեղից տար, Իշխան, թե չէ գրել կտամ Մոսկվա Արզումանյանին, բանտում քեզ փտեցնել կտամ»: Յետո իր գլուխն ու ականջները պարպվել էին, ինքը կանգնած նայում էր, տեսնում էր ու չէր լսում, թե Սիմոնն էր բերանը լուռ բացուխուսի անում ուրագը ձեռին՝ ականբի շենքի գլխին: «Գոնե գուլպադ բարձրացրու», հանկարծ լսեց ինքը, բայց ասողը Սիմոնը չէր, շինարարության ղեկավարն էր: Նա Սիմոնին ասաց «գնա», և Սիմոնն իջավ տանիքից ու եկավ: Եվ ինքն ու Սիմոնը կողք-կողքի գալիս էին, գալիս էին, և Սիմոնը ծանր ու խեղճ էր, և իրենց կանգնեցրեց մանկապարտեզի Մայան, բարձրացրեց իր՝ Աղունի գուլպան, շտկեց Աղունի գլխաշորը և գովեց Սղունին՝ «ես ինչ լավ աղջիկ ես բերել», ասաց Սիմոնին, և Սիմոնը գլուխը թեքեց, և Մայան ասաց. «Ո՞նց ես, Սիմոն ջան», և ինքը Աղունը նրա հմայքի առաջ խեղճ էր ու սեղմվեց Սիմոնին և դա նույնպես խեղճությունն էր, Մայան թաթուն ու հպարտ ժպտաց: Յետո ինքն ու Սիմոնը դարձյալ գալիս էին և իրենց հետ գալիս էր Ներսեսը, երեքով գալիս էին, հետո իրենց հետ գալիս էր գյուղխորհրդի Ղևանտը, չորսով գալիս էին, և Ղևանտը շուտ-շուտ ասում էր. «Յ՞ր, Սիմոն, չես ուզո՞ւմ մորդդ Սիբիր դարկեմ: Ղարկեմ՝ Սիբիրը թող գնա տեսնի: Չես ուզո՞ւմ»: Եվ Սիմոնի սիրտը դրանից էլ ջոկ էր նեղվում:

Գոմշագոմը տվեցին իրենց: Մեղվի մի փեթակ տվեցին, մի թախտ, ՍԻՄՈՆ գորգը, մի ձեռք անկողին ու գոմշագոմի կեսը, վերևի կեսը: Սիմոնի սիրտը եթե չպայթեց՝ մեծ տղամարդկությունն էր. Զիչ էր մնում պայթի – ոչ թե կես գոմշանոցի ու մեն մի փեթակ մեղվի համար, ո՛չ - համերաշխ, սիրած ընտանիքից բաժանվելու

համար: Կարծես սարեր ու ծովեր էին բաժանելու նրանց, սևասուզ էին կապել: Գոմշագոմը նույն բակում էր, բայց Աբել ապին լաց եղավ ու տնքաց. «Գնո՞ւմ եք, Սիմոն ջան, մեզ թողնո՞ւմ եք, բալա ջան», և Սիմոնը, կարծես մեռելի վրա իրարու սիրտ էին տալիս, հանկարծ ուշքի բերեց հորը. «Վախիլ մի, ապի, վախիլ մի, Էստեղ եմ, շուտ-շուտ կգամ, շուտ-շուտ կերևամ»: Ներսեսն ու Ղևանտը իրենց օժիտ փեթակը հանեցին նրանց մեծ մեղվանոցից, տարան գրեցին գոմշագոմի գլխին: Դնելու հետ Ներսեսը՝ «Սրա մինը թող հագար ըլի», Ղևանտը՝ «Բուռժուական բանեռ մի խոսի», Ներսեսը՝ «Արա, ճանճի բուրժուակա՞նը որն է», Ղևանտը՝ «Մասնավոր սեփականություն է, այ թե որն է բուռժուականը», Ներսեսը՝ «Արա, հիմա որ քույրիկս Էգուց մի որձ տղա բերի, Էգուց Էդ երեխեն գդալով մեղր ուտի, դու դրա՞ն էլ պիտի բուրժուական ասես», Ղևանտը՝ «Մտածելու բան է», Ներսեսը՝ «Դե դու մտածիր», և հին գոմի դռան հին արևի մեջ նրանք երկուսն էլ գեղեցիկ էին: Նրանք եկան տարան հիմա էլ թախտի առեղը, իսկ Սիմոնը նրանց ետևից՝ թախտի տախտակները՝ գիրկ արած, և այդ ժամանակ էր, որ Սիմոնը հորը սիրտ տվեց. «Վախիլ մի, ապի, վախիլ մի...»:

Ինքը փռան պատի տակ կանգնած էր և իր սիրտը նեղվում էր, ինքն ուզում էր չքանալ, չլինել և սեղմվում էր պատին: Աման-չամանն իրար գլխի տալով՝ պառավը նույն տոպրակի մեջ մի բուռ ձավար էր լցնում ու տոպրակը ոլորում, մի բուռ լոբի էր լցնում ու տոպրակը ոլորում, մի բուռ աղ էր լցնում ու ոլորում տոպրակը: Ազգկերթը տխուր կանգնած էին իրենց տորթի մոտ, հետո տգեղորեն ծամածռվելով, իբր թե արտասվելով փռեցին, փաթաթեցին ու գոմ տարան ՍԻՄՈՆ գորգը... Քարի պես լուռ Ադամը լողտորթով լողում էր կալը, լուռ ու ծանր՝ քաշում ու հրում էր լողտորթը: Պառավը տոպրակը տվեց փոքր աղջկան ու ձեռքով՝ տար, հեռացրու, չտեսնեմ: Փոքր աղջիկը տանում էր, և այդ ժամանակ լոշտակ երեխան ասաց. «Բա ճաշն ինչի՞ մեջ տեն Եփիլ», և պառավը թարեքից մի պղինձ շպրտեց բակ, պղինձը գլորվելով գնաց, և լոշտակը աչքերը ճպճպացրեց ու ասաց. «Վուա՛յ... բա շելե՞փ»: Ներսեսը գոմի դռանը ոտքով պահեց գլորվող պղինձը և կանչեց իրեն՝ Աղունին. «Քույրիկ... հլա արի տեսանք թագավորի թախտը որ հարկում ենք դնում»: Ինքը գնաց, բայց գոմը գերեզմանի պես մութ էր, և ինքը չէր ուզում, չէր ուզում այդ գերեզման մտնել: «Արի, արի, վախիլ մի», ներսից կանչեց Ներսեսը, բայց ինքը դարձյալ չէր ուզում ներս մտնել, որովհետև գոմի բաց դուռը գերզմանագուրքի պես սև էր: «Ձեղ շելեփը բելեցի», իր կողքին հայտնվեց լոշտակ երեխան, և Սիմոնն այդ ժամանակ նայեց մահվան պես ու երեխային տրորելով

անցավ: «Վո՛ւայ, էսօլ բոլոլն էլ կատաղել են», ասաց լռչտակ երեխան: Ինքը չմտավ գոմ:

Ինքը հիմա գոմի դռանն իրեն տեսնում է նրբորեն գեղեցիկ, հմայիչ, ժպտուն, և ինքը գոմի՛ չէ արժանի: Հին օրերի գեղեցկուհին գոմի հին դռան տաք արևի մեջ նայում ու ժպտում է... և նրա վրա՝ այսօրվա Աղուն ի շշունջը.

– Գոմում թող նա ապրի, ով գոմի համար է ծնվել, դու գոմի համար չես ծնվել, աղջիկ ջան: Տառապանքը մարդու համար է, բայց մարդու տառապանքն է մարդու համար... բայց դրանք ուզում էին քեզ գոմեշի հետ կապել մի ախորձից...

Այսօրվա Աղունը այսօրվա իր տան ձեղունի դուռը ետևից վրա քաշելով իջավ ձեղունից՝ զույգ ձեռքով ձվերի ծակը կողովը բռնած: Ձվերը հատ-հատ փաթաթված էին հին գրքի թերթերով: Պատշգամբը լիքն էր կապած ու չկապած իրերով: Նա կողովը դրեց դարձյալ ձվերի ամանի մոտ, ծնկեց, սկսեց դարձյալ փաթաթել ձվերը հին գրքի թերթերով և ասաց երեխա-որդուն.

– Սերո, պարտքուպահանջի թղթին գրի՝ Փառոյին վաթսուն ձու:

– Որ հետըդ չես տանում ես էլ չեմ գրի,– ասաց երեխան:

– Ո՞ւմ չեմ հետըս տանում, խոսելիս ամբողջական խոսիր,– ձու փաթաթելով ասաց նա:

– Ինձ:

– Ես տեղաշորը, Ես բեռը, Ես ձուն ինձ լիովի բավական են:

– Ես ձու չեմ:

– Դու ձու ես, ձվից մի բան էլ դենն ես,– ասաց նա.– ձուն գոնե գլորվում է. քոլ ցեղը ծառ է, որտեղ տնկում ես էնտեղ էլ մնում է, տավարի լեշ է, գոմում զցես՝ գոմում կմնա, գոմից հանես՝ դռանը: Հերըդ առավոտից գնացել է, ո՞ւր է,– ծղրտաց նա, և գոմի դռան հին պատկերը ներխուժեց միանգամից, ուրագը թևին՝ Սիմոնը գոմից դուրս եկավ, և ինքը երեխան ձեռքին կտրեց նրա դեմն ու բան ասավ: Սիմոնը ճանապարհը թեքեց – ինքը դարձյալ կտրեց նրա ճանապարհը: Սիմոնը հապաղեց, կարծես վճռում էր, բայց դարձյալ գնալու քայլ արավ – և ինքը դարձյալ կտրեց նրա դեմը, ծնկեց ու աղերսեց. «Տուն ենք սարքում»: Այո, «տուն ենք սարքում», և Սիմոնը խելագարվեց, «Է-է-է»: «Տուն ենք սարքում», տակնիվեր աղերսեց ինքը: Սիմոնը ուրագը բարձրացրեց ու պայթեց. «Ինչո՞վ ենք սարքում, ախչի»: «Խփի՛ր, տո՛ւր,– երեխային ուրագին դեմ արեց ինքը,– խփիր, կտրատիր ինձ էլ ու իմ երեխային էլ ու պատ դիր: Արյունս թափիր ու ցեխ արա», ծղրտաց ինքը: Այո, «արյունս

լուն է ծծում, թափիր ու ցեխ արա պատիդ համար», թարգմանեց հիմա նա իրեն: Յետո ինքը հեկեկում ու հեկեկալով ասում էր. «Տնաշեն... Ես ազատ առատ արև աշխարհքը թողած լվանոց ենք մտել... Երեխայի վրա մի անարատ տեղ չի մնացել, լուն ու գոմշառջիլը քրքրել են»: Եվ ինքը խանձարուրը թացում ու չէր կարողանում, դողում էր, չէր կարողանում բացել, և Սիմոնը նեղությունից մեռնում էր: Նա հիմա խղճում էր հին այդ օրի Սիմոնին. «Դեռ գոմում կլինեինք, ախպեր ջան, լավը ջան, դեռ գոմում կլինեինք»:

- Բոլորը՝ քեզ համար,- դարձավ Ազունը տղա-երեխային:
- Պետքս չի,- ասաց երեխան:
- Խի՞ չի պետքդ:
- Պետքս չի,- ասաց երեխան:
- Պետքդ է, պետքդ է,- ասաց նա:- Ախպերդ էլ էր ասում պետքս չի, բայց հիմի պետքն է: Պետքներդ է ու չեք հասկանում:
- Չասկացողը մենակ դու ես:
- Չասկացողն իհարկե մենակ ես եմ,- ասաց նա:- Աստված որ մի քանի անհասկացող է ստեղծում կողքներին մի հատ էլ հասկացող է ստեղծում, որ անհասկացողներին գելը չուտի: Պարտքուպահանջի թղթին գրեցի՞ր Փառոյին վաթսուն ձու:
- Չասկացողը դու ես՝ դու էլ գրի,- ասաց երեխան:
- Ես անգրագետ եմ,- ասաց նա:- Իմ մերացուն ինձ հունվարին դասից հանել է, «անունթունակ եմ»: «Ունթունակն» ինքն է, Իշխանին դեռ Իխշան է ասում, «Իխշան ճան»:

Երեխան փորձեց մտքում, փորձեց կիսաձայն – չէր կարողանում, ու բողոքեց.

- Ինչ է, դժվար անուն է, էլի:
- Ի՞նչն է դժվար,- հարցրեց նա:
- Քու հոր անունը:
- Ես հեր չունեմ, Իշխա՞նը, Իշխա՞նն է դժվար անուն: Ասա Իշխան,- փորձեց նա, երեխան սակայն հրաժարվում էր, չէր վճռում, և նա հուսահատվեց ու կատաղեց.- Որովհետև լեզուդ էլ քամակիդ պես ծանր՞ր ընկած է: Վեր թռիր տեղիցդ, Էս ձին հիմի Էստեղ խճճվել է: Գրեցի՞ր Փառանձեմին վաթսուն ձու: Ես Սիմոն եմ բանեցրել, մի սրան տեսեք:

Երեխան և՛ ենթարկվեց՝ գնաց գրելու Փառանձեմին 60 ձու, և՛ հեզնեց. «Դու բանեցնող ես, կբանեցնես»:

Նա ձու փաթաթելը վերջացրել էր, ծանր կողովի վրա ասաց՝ «չորս հարյուր», ապա անդրադարձավ երեխայի հեգնանքին, կանգնեց նրա դեմ.

– Դու ինձանից ի՞նչ ես ուզում: Չէ, չեմ ծեծում, դու ինձանից ի՞նչ ես ուզում:

– Քա-աք,– ասաց երեխան:

– Քոնոնց պես՝ մի՛ հաչա, մարդավարի ասա: Քաղա՞ք:

Երեխան գլխով հաստատեց:

– Լեզվով,– պահանջեց նա,– լեզուն խոսելու համար է: Քու հորեղբայր Յակոբը լեզուն ալարեց շարժի՝ թե ապիս ու նաև մեծ են, ջահելի ինամք են ուզում, ու գնաց երեք տարի անտեղի բանակ: Քաղա՞ք:

– Քաղաք,– ասաց երեխան:

– Ապրես՝ որ երեսիս նայում ու ասում ես: Տղան չպիտի վախենա, աչքը աչքին պիտի նայի ու ասի: Դե հիմա լսիր,– ասաց նա.– Էն երկուսին քաղաքը տարավ, փեսան աղջկան տարավ – քաղաքն էն երկուսին. փեսայի տարածը ետ կգա, քաղաքինը՝ ոչ, քաղաքի տարածը տարած է: Մենք՝ ես ու քու Սիմոն խեղճ հերը, թեզ ստեղծել ենք գյուղի համար ու հատուկ մեզ համար:

– Չստեղծեիք,– ասաց երեխան:

– Բայց դե արդեն ստեղծել ենք:

– Ձեզ ինդրող չկար, չստեղծեիք,– ասաց երեխան:

– Խի, լավ չի՞ որ,– ժպտաց նա.– Ես լեն, առատ, լույս, ազատ աշխարհը... Ես ապրուստը... Ես ու քու հերն էլ թեզ ծառա:– Նա հիմա հավերի համար գոգնոցը կուտ էր լցնում:

– Պետքս չի,– ասաց երեխան:

– Պետքդ է, դու չգիտես՝ որ պետքդ է:

– Դու գիտե՛ս:

– Այո, ես գիտեմ: Ես ինչ ուզում եմ՝ Էն է լինում: Ես անեծքով մարդ եմ սպանել: Թռիր ձիուն, շուտ: Ես Արմենակից բանաստեղծ ու Սիմոնից էլ աշխատավոր եմ ստեղծել, ու թեզ էլ գյուղի համար եմ ստեղծել, ականջիդ օղ արա:– Նա պատշգամբից ելավ ու հավերիս կանչեց,– Ջո՛ւ, ջու-ջու-ջու... Ջո՛ւ, ջու-ջու-ջու-ջու...

Հավերը շատ էին, բազմագույն, խնամված, մաքուր:

– Ես քաղաք եմ գալու,– ասաց երեխան:

– Մինիստրի պաշտոնը դրել՝ թեզ են սպասում:– Հավերը բակը կկեղտոտեին, հավերի հետ նա հեռանում էր բակից: Տան վերևն ազատ լանջ էր, նա հավերի մեջ բարձրանում էր լանջն ի վեր:– Գնաս թե՛ չե՛ ավելը ձեռող են տալու, քաշեն հավաքարարության տակ, գնա, թեզ են սպասում:

– Բա Արմենակ ախպե՞րը:

– Արմենակն Արմենակ է, դու էլ դու ես,– ասաց նա:

– Ես ի՞նչ եմ,– ասաց երեխան:

– Անգրագետ ու դմբո ես:

– Դու ես անգրագետ, ես անգրագետ չեմ:

– Ես իմ հավերի, ես իմ տանուտեղի, կովուկիթի մինիստրն եմ – դու քու դասուդպրոցի մինիստրը չես, ես մեր չունեի, մեր չունեի՝ ուրեմն հեր էլ չունեի – դու հեր էլ ունես, մեր էլ ունես, ախպեր ու դեռ պատրաստի տունուտեղ էլ ունես... հիմա մեզանից ո՞վ է անգրագետ:

– Դե ասա – ասենք,– ասաց երեխան:

– Ասա – ասենք,– սպասեց նա:

«Աղուն-Աղո՛ւն», կանչեցին: «Աղուն-Աղո՛ւն», կանչում էր սկեսուրը ձորի մյուս լանջի իրենց դնից: «Աղուն-Աղո՛ւն...»:

– Տես,– ասաց նա երեխային,– տատիդ համար էլ քուրդ չեմ, էլ առնաուտ ու գողի ցեղ չեմ, Աղուն եմ Աղավնի, արդեն Աղուն եմ: «Աուն-Աուն», տնագեց նա պառապին:

«Սերո՛», կանչում էր պառապը: «Սիմոն ջան, Սիմո՛ն... Աղուն-Աղուն-Աղո՛ւն... Սերո՛»:

Երեխան ուզում էր արձագանքել, բայց նա չթողեց.

– Ոչ. թող մի քիչ պատռի, ինձ շատ է ճաքեցրել:

«Աղո՛ւն... Աղուն ջան, Աղո՛ւն»:

– Սպասում եմ,– ասաց նա երեխային:

Երեխան պատրաստվում էր:– Որ սխալվեմ չխանգարես, ես էլի տեղը կգցեմ,– ասաց երեխան:

Յավերի մոտ նստած, երեսը բռունցքին՝ նա սիրով ու ջերմությամբ էր ուզում լսել երեխային, բայց չկարողացավ յուր գնալ առանց խայթոցի. «Որ սխալվում ես՝ խոսիր, մի լռվիր, մի ցույց տուր, որ սխալվել ես, լեզուդ քոնոնց պես մի ծանրացրու, թող չհասկանան՝ որ սխալվել ես»:

Երեխան հրաժարվեց:

– Խանգարեցի՞,– ժպտաց նա:

– Մի ծիծաղիր, այո՛ խանգարեցիր:

– Դուք եք խանգարվող, դուք, չլինի էլ՝ կգտնեք մի խանգարիչ:

Սպասում եմ:

– Չեմ ասում,– ասաց երեխան:

– Որովհետև չգիտես:

– Որովհետև խանգարեցիր,– ասաց երեխան:

– Եմ պարտքը խանգարելն է, քոնը՝ ասելը, գիտես՝ ասա, չգիտես՝ ես հազար գործի տեր եմ,– ելնելու շարժում արեց նա:

«Աղուն-Աղո՛ւն, այ ախչի...»:

– Բանիդ կաց, թող ճաքի-ճաքի ու հանգստանա, ինձ շատ է ճաքեցրել,– ասաց նա:– Լսում եմ:

– «Յովհաննես Թումանյան»: Չխանգարես: «Գառնուկ ախպեր»: Երկու որբեր – Զուր ու ախպեր – Կորած գնում են հեռու – Արևը վառ – ճամփեն երկար – Ոչ աղբյուր կար – Ոչ առու:– Զույրը մեծ էր – Ոնց էլ լիներ – Կոհիմանար ծարավին – Բայց ախպերը շատ էր փոքր – Չէր համբերում արևին:– Գնում են, գնում – Երկու որբեր – Զույր ու ախպեր – Կորած գնում են հեռու – Արևը վառ – ճամփեն երկար – Ոչ աղբյուր կար – Ոչ առու... Զույրը մեծ էր – Ոնց էլ լիներ – Կոհիմանար ծարավին – Բայց ախպերը շատ էր փոքր – Չէր համբերում արևին: Վուե՛յ,– սրանցավարի զարմացավ երեխան,– ես խի՞ չի առաջ գնում:

– Առաջ չի գնում, քանի որ դու քու ցեղն ես, կալի եզան պե՛ս պտտվում ես, կալի եզան պես:

«Աղուն-Աղուն-Աղո՛ւն»:

– Կանչում է,– ասաց երեխան:

– Կանչում է՝ պատասխանիր:

– Զեզ է կանչում,– ասաց երեխան:

– Իմ անունն Աղուն չի, Առնատու է իմ անունը, ինձ չի կանչում: Չարտասանեցիր,– ասաց նա ելնելով:

– Դե դու արտասանիր,– ասաց երեխան:

– Ուրիշի՞ գրածը: Ինչի՞, ես թութա՞կ եմ որ ուրիշի գրածն արտասանեմ: Ես բանաստեղծ եմ, իմ բանաստեղծը ես եմ:

– Բա, էդ մենք թութա՞կ ենք՝ որ դասերին ուրիշի գրածն արտասանում ենք,– ասաց երեխան:

– Թութակ եք, թութակից մի բան էլ անց եք,– ասաց նա:

– Դե որ թութակ ենք՝ ես էլ չեմ սովորի:

– Մի սովորիր, քանի որ դու գյուղի համար ես ստեղծված: Վազիր Էն ձիուն ու վազիր գյուղամեջ, հերըդ հիմա եկել մեկի պարապ գրույցին բերանը բաց ականջ է կախել: Շուտ:

Պառավը նորից կանչեց, և տղամարդու մի ձայն – մեծ տագրը՝ Աղամը իր դնից, ուր սայլ էր տաշում – բարկացավ սրանց վրա. «Ախչի, չե՛ս լսում, նանը կանչում է»:

– Հորեղբայրդ զարթնեց,– ժպտաց նա:– Պատասխանիր ասա Երևան է գնում, գործի է գնում, ժամանակ չունի: Ու թռիր,– կարգադրեց նա ու մտավ տուն:

Դա գյուղավարի հարուստ տունն էր. մի քանի անկողնակալ տոռուզ բարձերով, պատերը՝ լրիվ գորգ ու կարպետ, բարձր ու լայն հանդերձապահարան, ճաշասպասքի պահարան՝ բյուրեղապա-

կի-հախճապակի-ճենապակի սպասքով լիքը, շրջանակի մեջ պատի գորգին՝ որդու լուսանկարը. դա կամային տղա չէր, դրա հետ չէր կարելի որևէ լուրջ բանի հույս կապել: «Ես գնում եմ Երևան, շշնաց նա, երկու ձեռք անկողին, մի խալիչա, մի կարպետ, տասը հազար... հազար ռուբլի փող... Ես մարդն ես ինչո՞ւ ուշացավ... մի ոչխար... մի ոչխարի դաուրմա... կարագ... ձու... ավելուկը չմոռանամ... Բե՛զ համար», որդու լուսանկարը շոյեց նա: Նրան երբևէ պատմել էին, կամ ինքն էր տեսել, կամ կարողանում էր պատկերացնել առանց տեսնելու – գնացքի նեղվածքում որդին՝ ձեռքերն աղջիկների ուսերին... որդին փողկապը քամուն սված... որդին՝ հարբածների մեջ հարբած... որդին՝ ծխոտ սենյակի գրասեղանի մոտ ցրված, մռայլ ու գրածը ճմրթելիս... «Բեզ համար», կրկնեց նա. «ուրիշներն ավտո, տուն ու ամբողջ կյանքի ապահովություն են տալիս իրենց գավակներին – ես չէի կարող Սիմոնին գողության դրկել: Եղ է, մարդու մե՛ջ պիտի լինի, չկա: Իմ ջղային ջղերն ու շնորհքը՝ քեզ: Տուն ունե՞ս: Ի՞նչ աղջիկ ես ջոկել: Մարդկանց կարողանո՞ւմ ես դուր գալ: Ո՞վ են ընկերներդ: Ի՞նչ ընկերություն: Լա՞վ արիր՝ որ գրողական ճանապարհն ընտրեցիր: Ինչ աղջիկ ես ջոկել ես գեղեցիկ, մեծ կյանքից: Եթե Սիմոն ես՝ նա քո կյանքը կուտի: Ինձ նման: Ու լավ կանի՝ որ կուտի: Ես առատության մեջ ամոթ է աղքատ ապրելը: Աշխարհը դմակ – տղեն դանակ: Չգիտեմ, լավը չես, մեջըդ վրեժ չկա, նախանձ չկա, սիրտդ չի պատռում արիշի լավ ու քու վատ ապրելուց...»: Դա աղոթքի նման էր, դա նրա աղոթքն էր որդու լուսանկարի առաջ: «Չգիտեմ, ջղայնացավ նա, ժամանակը փոխվում է, հները չեն կարենում ապրել նոր ժամանակներում ու դրա համար էլ նորերն են առաջանում: Ես հիմն եմ ու դու նորը, ես չեմ կարող իմ քարի տակից քեզ օգնել, քեզ դու պիտի պահես... չգիտեմ, իրա քարի տակից իմ մերն ինձ չի օգնել... չգիտեմ, մեջըդ վրեժ չկա՝ քեզանից ի՞նչ բանաստեղծ, բանաստեղծները քիչ են ապրում ինչո՞ւ բանաստեղծ: Չգիտեմ»:

Շունը կատաղասած հաչում էր:

«Ես շունն իրենից ի՞նչ է ուզում... Բանի որ պիտի կամ վախենան՝ որ հարգեն, կամ դուր պիտի գաս՝ որ սիրեն: Չգիտեմ»: «Ամեն», նա ժպտաց իր հավատացյալության վրա և տնից դուրս եկավ:

Նա պատշգամբ ելավ – կապած շունը գոմի դռանը ծառսիծառս էր լինում, խեղդվում էր, ուղղակի իրեն ուտում էր: «Այ շուն, դու քեզանից ինչ ես ուզում»: Քիչ հետո նա կարողացավ տեսնել հեռու բացատի օտար անասունը: «Ապրես», գովեց նա շանը, «ապրես, բայց քեզ մի պատռիր, ինչ լինելու է՝ կլինի, քու ուզելով չի»: Շան

հաչոցի միջից ուրիշ կանչ էր լսվում, նա ականջ պահեց՝ և պառավի ձայնն էր. «Ախչի, Աղուն»: Նա սրվեց և տևից ներքև ցանկապատի մոտ տեսավ պառավին՝ որ դժվար էր զանազանվում խամրած շրջապատից: Շան առաջ լափ լցնելով և ծամածռվելով լափի հոտից՝ նա պառավին հրավեր ուղարկեց. «Արի, նանի ջան, արի, քեզ վրա չի հաչում, գիտի՝ որ մեր նանն ես: Քո տղի տունն է, քեզ համար ազանտ արի»: Բայց դա սեր չէր, դա թույն ու սպառնալիք էր: «Ձեռդ՝ տեղը, ոտըդ՝ տեղը, մեջքըդ՝ ուղիղ...»

– Ա՛յ ախչի...– իր դռանը զգուշացավ ու զգուշացրեց պառավի մեծ որդին՝ Ադամը, որ սայլ էր սարքում:

Աղունը ծիծաղեց, բայց դա ծիծաղ չէր՝ չարախնդուք էր: «Ձեր նանին ուտելու եմ, այո», իր համար ասաց նա:

Պառավը գալիս էր դանդաղ ու տնքտնքալով, և Աղունը սպասում էր: Պառավը հասավ, ետ տվեց բակի ճաղավոր դուռը, ապա դարձավ ու ուղղակի ուսումնասիրեց, ուղղակի հիացավ դռնակով: «Հա, Սիմոնիս ձեռն է», շշջաց պառավը: Փեթակները նույնպես որդու ձեռն էին, «չորս զույգ ու մի կենտ», շշջաց պառավը, «Սիմոնիս ձեռն է»: Խնամված ծառերը՝ «Սիմոնիս ձեռն է», ցանկապատը՝ «երեխիս ձեռն է», դռան կոճղը «Սիմոնիս ձեռն է»: Եվ այդտեղ Աղունը խլեց նրա խոսքը. բազրիքը՝ «երեխիդ ձեռն է. համեցեք», նա պառավի առաջ ետ արավ բազրիքի դուռը. «բոլորը՝ Սիմոնիդ ձեռն է. Երևան եմ գնում, նայիր»:

Եվ ապա պառավը տևտղում էր Երևանի նրա բեռները, օրհնում էր, զարմանում, չէր հավատում, նորից էր տևտղում, և Աղունը բարձրաձայն, ինչպես անհասկացողին են բացատրում, մանրամասնորեն ասում էր, թե ինչ է տանում Երևան.

– Է՛դ, նանի ջան, տեղաշորն է, երկու ձեռք անկողին՝ երկու բարձ, երկու վերմակ, երկու ներքևակ՝ երկու ձեռք անկողին, առայժմս,– նա ժպտաց իր բառի վրա,– առայժմս երկու ձեռք, մեջը քնելու համար, նանի ջան, պիտի քնեն մեջը: Այո: Է՛դ, նանի ջան, խալիչան ու կարպետն են՝ խալին ու կարպետը, խալին՝ ջուկ, կարպետը՝ ջուկ: Քանի որ անունթյունակ էի՝ ուրեմն քնընիր խալին:– Նա գորգը բացեց:– Նայիր ու տես, նանի ջան, թե՛ դժվար ես տեսնում ակնոց բերեմ: Չէ, չբերեմ, պետք չի, աչքիդ լույսն էլ է տեղը, ձեռք էլ է տեղը, ոտդ էլ... Է՛ս, արդեն ներող եղիր, նանի ջան, ես արդեն Սիմոնիդ ձեռը չի, իմ ձեռն է: Մենակ ես չի Սիմոնիդ ձեռը, մին էլ Սիմոնն ինքը, Սիմոնիդ ես եմ Սիմոն սարքել...

– Ապրես,– ասաց պառավը,– մատներիդ մատաղ: Սի թելած ասեղի եմ եկել, ախչի, մին էլ՝ թե սխտոր ունես:

– Կա,– ասաց Ազունը,– էդ էլ կա. իմ տանն ամեն ինչ էլ կա, լավ մարդի համար՝ լավ բան, վատերի համար՝ բիզ, նանի ջան, աչքը հանելու բիզ. սխտորն ինչ է՝ որ չլինի իմ տանը: Նայիր,– ասաց նա,– է՛ս՝ մի փուֆ կարագն է, հունիսի կարագից է, նանի ջան, էս՝ բսան կիլո մեդրը, էս էլ՝ պանիրը: Էս էլ՝ ձուն, չորս հարյուր հատ: Պիտի ուտի, ուտելու համար է, նանի ջան:– Նա դարձյալ բան էր ցույց տալիս, բայց հանկարծ հասկացավ, որ այդ անկողինները պիտի արևին տա: «Յարմարություն ունի՞, չունի՞, Էս տեղաշորը Էստեղ ո՞նց է արևին տալու»: Նա բակ հանեց, փռեց, եկավ դարձյալ տարավ, «թող մի լավ արև ուտեն ու նոր գնան Երևան, աղջիկն ով գիտի ով է»: Նա վերադարձավ պատշգամբ, հետո պառավի ետևից տուն մտավ: Պառավը տունը նայում էր, ուղղակի տնտղում էր:– Սիմոնիդ տունն է, նայիր,– ասաց նա:– Է՛ս ամբողջը՝ Սիմոնիդ մատներն ու իմ ջղերը. մենակ, նանի ջան,– նրանք պատշգամբ ելան, և նա պառավին ցույց տվեց փայտի թախտը,– թու տնից Էս է եկել իմ տուն, ու պահվում է: Գիտե՞ս ինչի է պահվում, նանի ջան. որ ոտից-ձեռից ընկեստ՝ թեզ բերենք Էս թախտին դնենք, երեսիդ էլ Վրացոնց ծառից կակալի մի ճյուղ դնենք, որ ճանճերը հոտից փախչեն: ճյուղի հոտից, նանի ջան:– Նա պառավին տեսավ հենց այդպես՝ երեսը ճյուղի տակ պառկած:– Դա լինելու է,– ասաց նա,– իմ անեծքը մարդ է սպանել, դա լինելու է: Քու անեծքն ինձ բան չարավ, բայց իմ անեծքը մարդ է սպանում: Վրացոնց ընկույզից մի ճյուղ եմ բերելու, դնելու եմ երեսիդ,– նա ժպտաց.– պսակ, ծաղկեպսակ:

– Յա, իմ մեռնելու ժամն է,– ասաց պառավը:– Ապին գնաց ու ինձ մտահան արավ, գալիս չի տանելու:

– Ձերոնք էդ են,– ասաց նա,– գնում ու մտահան են անում: Սիմոնն առավոտից գնացել է, ուշանում եմ, չկա: Որտեղ գնում Էստեղ էլ մնում են: Սերո՛...– կանչեց նա:

– Ի՞նչ է, այ փաչի,– իր դռնից պատասխանեց Ադամը:

– Ոչի՛նչ,– զնգան ու ժպտուն, ինքն իրենից գոհ՝ կանչեց նա.– Երևան եմ գնում փապերդ չկա ու գիտի՝ որ Երևան եմ գնում. ասում եմ մի տեղ տնկված, ծառ դառած կլինի:

– Բան չկա,– իր գործին դարձավ տագրը,– Երևանը տեղից չի փախչի:

– Զաղաք էլ է տեղից փախչո՞ւմ,– նա ուրախ էր, որովհետև հիմա ետ էր դառնալու ու պառավին էր դարձնելու նրա հին վատությունը,– գյուղ էլ է տեղից թոչում, ինքնաթիռ էլ է անցնում ու կյանք էլ է գնում – կացինը ձեռքներիդ գուբ ձեր սելի կողքի՛ն կաք:

Տագրը տաշում էր, և նա դարձավ պառավին.

– Հիմա, նանի ջան, քեզ մի բան էլ ցույց տամ ու հետո, ուրեմն, բու սխտորն ու թելած ասեղը գտնենք, հո չէ՞ս մոռացել, նանի ջան, որ սխտորի ես եկել: Է՛ս լինգ է, նանի ջան,– ցանկապատին հենած լինգը նա վերցրեց, մոտեցավ պատշգամբի դռան շեմին, շեմի քարին,– քար ջարդելու, տուն շինելու համար է, նանի ջան, տուն քանդելու, մարդ ծեծելու համար չի, չնայած սրանով կարելի է Էնպես խփել՝ որ մինչև կյանքի վերջը մարդ վնաստա:– Նա հիմա լնգով շուռ էր տալիս շեմի քարը:

– Ղանջող,– մրմնջաց պառավը,– լիրբ– Բայց դա անեծք ու հայիոյանք չէր, պառավը հիանում էր իր Աղունով:– Ամանները ձեռիդ որ շրխկալով վագում էիր ջրի ու ավազի, կրի ու հացի արանքում՝ մարդի ուրախությունն էր շարժվում, ապին նայում ու ուրախանում էր:

– Այո,– կարծես համաձայնեց նա:– Երեխայի ճոճը տանձի ծառից գցած էր, քամին օրորում էր: Քամին ճյուղն օրորում էր, ճյուղի հետ ճոճն էր օրորվում, երեխան էլ ճոճի մեջ էր օրորվում – քամին էր երեխայի նանը, նանի ջան: Երեխան տատ չուներ: Երեխայի տատը փեշերը բռնած իրեն տվել էր տերտերներին: Նանը ճամփորդ էր, ճամփաներին էր՝ Դսեղի տերտերի ճամփին, Յաղպատի, Կիրովականի: Հիշեցի՞ր: Լավ հիշիր:– Նա քարը շուռ էր տվել, և տակից հանեց եռածալ, մոմած մի թուղթ, մեկնեց պառավին, բայց պառավը չէր վերցնում, ետ-ետ էր անում, մրմնջում «Հիսուս Քրիստոս, Հիսուս Քրիստոս»:– Քու կտրած իմ մազն է, նանի ջան, իմ աղջկության հյուսի ծերը ո՛ւ բու տերտերների գրաբարը: Գրաբար ապրես, նանի ջան, ես գրաբար չգիտեմ, չգիտեմ ինչ է գրած: Գրաբար ապրել ես, գրաբար էլ ապրես:– Նա կատաղեց:– Ես պարապ թղթից որ դեռ վախենում ես՝ դու ո՞նց էիր, էդ ո՞նց էիր վախեցած որբիս շեմին բերում թաղում տերտերների բու անեծքը:

«Ա՛յ ախչի», եկավ Ադամի ձայնը:

– Լեզվիդ պատճառով,– ասաց պառավը:

Նա լսեց, բայց ուշադրության չառավ տագեր ձայնը:

– Աստված որբերիս կողպեքը միջին բռունցք չի տվել՝ լեզու է տվել, որ գոնե սուտ հաչոցով մեզ պահենք: Լավ ես անում, մի՛ վերցրու,– ասաց նա այդ հմայիլի մասին ու դարձյալ դրեց քարի տակ,– դեռ պետք է գալու: Գիտե՞ս երբ:– Նա պառավին դարձյալ տեսավ իր պատշգամբի թախտին անկողնի մեջ՝ երեսին ընկուզենու մի ճյուղ:– Գիտես: Հանելու եմ, դնելու եմ գլխիդ տակ, երեսիդ էլ մի հատ ճյուղ եմ դնելու, որ ճանճերը սուրբ պատկերդ չաղտոտեն:

– Դե լավ,– ասաց պառավը,– անցածի ետևից չեն ընկնի, անցածն անցած է:

- Եզը գոմի շենքին թրթում, գնում աշխարքը պտտվում, իրիկունը գալիս իրա թրիքի վրա սոթ է տալիս, «անցածն անցած է»:

- Լավն ես, շատ լավն ես,- ասաց պառավը,- բերանդ էլ մաքուր պահիր՝ շատ լավը կլինես:

- Իմ բերանից մենակ ճիշտ խոսք է թռչում:

- Ամեն խոսք չի թռցնելու, այ որդի, պիտի զսպենք, ներենք, համբերենք, սիրենք. թուրութվանքով բան չի լինի, այ որդի,- հորդորեց պառավը, բայց Աղունը մերժեց նրա քարոզը:

- Ես քու որդին չեմ,- ինքը իրեն կատաղեցրեց Աղունը,- աստված ինձ անմեր է ստեղծել:

- Դու իմ երեխայի կյանքը կերար,- հանգիստ ասաց պառավը.- իմ երեխայի կյանքն ուտողը իմ որդին չի:

- Չուտեի՞, այ կնիկ, Է՞լ չուտեի: Չուտեի՞ դեռ քո տանն ամբարի վրա էինք ու քու կողպեքի տակ:

- Ամբարի վրա դո՞ւք էիք քնում: Հա,- հիշեց պառավը,- ամբարի վրա Սիմոնըս էր: Աղջկերքը տորքի տակ էին: Արփենիկս մեռավ: Ապին գնաց: Ապին մեկել թախտին էր, Աղամըս՝ մեկել: Ակոփըս դաս էր անում: Չկա՛ր էլ Էն մեծ, լի ընտանիքը, չկա: Իմ գնալու ժամանակն էլ է եկել:

- Զսան մարդով մի տան մեջ քնում, ուտում, թխում, ոտ էիք լվանում:

- Մեկը մեկի մի մագին չէր դիպչում,- ասաց պառավը:

- Չէր դիպչում, դրա համար էլ ամենատրնկածն էիք:

- Մեր նեղությունը մեր տանն էր մնում, մեր նեղությունը ուրիշի վրա ծանր քար չէր դառնում, մեր ուրախությունի, մեր սերի մեջ պահում էինք մեր նեղությունը... բայց դու երեխայիս կյանքը կերար, դանջող, խայտառակ արիր երեխայիս, Էս գյուղով մեկ՝ ծիծաղատեղ դարձրիր երեխայիս տունը:

- Որ եկար ինձ ջարդեցիր՝ հորանց գնալիս դու Էն ո՞ւմ շորն էիր հագել: Էն ո՞ւմ շորն էիր հագել ապի մահով: Էն ումի՞ց ուզեցիք հոգեհացի այլուրը, լավ միտրդ բեր: Մեղքանց պառավն Էն ինչի՞ էր տուն մտել ու երեսիդ ասում էր տանը չեմ: Մահի՞ց էր վախենում, մահից չէր վախենում, նանի ջան, քեզանից էր վախենում՝ թե հիմա կգնաս սգաշոր կուզես ու հոգեհացի այլուր կուզես: Մարդ բա կմեռնի ու իրա անտեր տանը մի հոգեհացի պատրաստությունն չի ունենա: Երեխայիդ ծիծաղատեղ եմ դարձրել:

Պառավն անիծեց, անիծեց ամբողջ ատելությամբ.

- Վերանա՛, կտրվի՛ քու տեսակը, վերանա՛ք դուք, չլինե՛ք, աստծու գառան աշխարհքը փչացրիք...- ու լաց եղավ:- Ապին քանի կար՝ գյուղի մշակն էր - ծառի... փեթակի... կացնի կոթ է... հորթի

ծնունդ, Է... թի Է... տրեխ Է... կռվածների հաշտություն Է՝ բոլորը, ամբողջը ապին էր:

Աղունը լրացրեց.

– Այո, ամբողջ գյուղը իմ պատրոնին պարտք էր:

– Կտրվի՛, վերանա՛ ձեր տեսակը,..

– Էդքան պարտքի հետ,– ասաց Աղունը,– իրա ետևից մարդը պիտի մի քիչ էլ վախ թողնի՝ որ ահը սրտներում գան շարվեն ու հարգեն վախը սրտներում ու ոչ թե տուն մտնեն ու դուռը երեսիդ փակեն՝ ոնց որ Մելըքանց պառավն էր արել ու դու էլ դռանը կանգնել էիր: Հիշիր, լա՛վ հիշիր:

Պառավը լաց եղավ.

– Իմ դուռը կրնկի վրա բաց է եղել հարևանի առաջ էլ, անցվոր օտարականի առաջ էլ: Ես ի՞նչ գիտենայի, որ իմ կարիքի օրը դուռ են փակելու իմ առաջ: Վերանա՛ քու տեսակը, չլինի՛ ձեր տեսակը:

– Խեղճացիր,– ասաց Աղունը,– ոնց որ խեղճ եք եղել՝ Էդպես խեղճացիր, քանի որ մենակ իմ դեմ էիք գազան կտրել:

– Ես ձեր սերն էի ուզում, ես իմ երեխայի սերն էի ուզում: Ամեն կնիկ իրա գլխի տեր ամուսնու տուն պիտի սեր բերի, դու կռիվ բերիր, դա՛նջող: Աբել ապին հնձից, գոմերից, կալերից, ձմեռվա ծմակից ինչքան եկել է՝ ես նրան տաշտակի մեջ եմ դրել ու ոտները տաք ջրով, գոլ ջրով տորոել եմ: Սիմոնը քեզանից մարդու սեր չտեսավ:

– Գոմում ինչ սեր,– ծղրտաց Ազունը,– Օսեփանց գոմշաթթի ու տևքոցի մեջ ինչ սեր,– խեղդվեց Ազունը:– Մի՛ մորթիր ինձ, այ կնիկ, կաթիլքի տակ ու լվի մեջ ու գոմշառջլի մեջ ինչ սեր:

– Իմ ունեցածը գոմ էր՝ գոմ էի սովել,– հաշտություն խնդրեց պառավը,– սերը գոմի համար է, այ որդի, նեղ օրի համար է, նեղության մեջ է սեր լինելու:

– Գլխիս որդերը ժած են ընկնում, մի՛ ասա որդի, ես քու որդին չեմ,– ծղրտաց Ազունը:

«Ա՛յ ախչի», եկավ Ադամի ձայնը:

– Ադամիկա է,– մրմնջաց պառավը,– աշխատում է, ձեռներին մատաղ: Սիմոնիս տունն է: Ակոփըս գործի է: Տղերքըս կան, աստծու արևը տղերանցը գլխին է: Հարսներս կան: Բերբերանց Գիթորը չորս տղա կորցրեց, գնացին ու չեկան: Սիմոնս սիրտը բարակ երեխա էր. Էն ում հարսանիքն էր. ծառերի տակով գնում էր – կալի ծերին նստել տխրել-տխրել էր Սիմոնիկա: Ես իմ երեխայի խաղաղությունն ու սերն էի ուզում, դանջող, սիրտը բարակ իմ երեխայի համար ես կյանք էի ուզում դու չտվիր:

– Սիրտը բարակի մասին ձեր սուրբ գիրքն է լիրբ ասում, ասում է փչացած: Զու ավետարանն ինձ չի ասում, քու Սիմոնին՝ քու տեսակին է ասում, քանի որ իմ սերը իմ երեխաների ապագան է եղել, իսկ ձեր սիրտը բարակ է:

Ռադիոն սիրուն երգ էր տալիս, կնոջ մի մաքուր ձայն ռադիոյից երգում էր: Նա մի բուստ ականջ դրեց, ապա շարունակեց.

– Թշնամու սիրուն տղի ու աղջկա առաջ կանգնում, բերաններդ բաց հայիլ-մայիլ եք կտրում, սիրուն անասունի, սիրուն ծառի... Որբևայրի կանանց փետի ու խոտի հոգսն էլ հո՛ քու տղերանց մշտական հոգսն է: Բայց քու ավետարանը դրան լիրբ ու լրբություն է ասում:

Ռադիոյի կիևը խանգարում էր, նա գնաց անջատեց ռադիոն ու ետ եկավ.

– Ես երգը ձեզ ափսոս է, քանի որ դուք կրակի եք արժանի ու ոչ թե երգի: Ի՞նչ էի ասում...

Ռադիոն հիմա ուրիշ տեղից, երևի Ադամի դռնից էր երգում: Մաքուր, բարձր՝ կնոջ ձայնը երգում էր:

– Արժանի եք՝ համերգ եք լսում,– մեկուսի ասաց նա: – Լավ եք անում, դուք էլ որ ձեզ չհարգեք՝ ուրիշ ո՞վ է հարգելու:

Պառավը լաց էր լինում:

– Լաց եղիր, ոչինչ, բայց սխտորդ չմոռանաս,– ասաց նա և գնաց մտավ նկուղային հարկի մառան: Դա հարուստ ու լավ դասավորված մառան էր:– Ես լաց եմ եղել, բայց իմ գործը չեմ մոռացել: Լաց եղիր, որ ընկույզի ճյուղ դնեմ գլխիդ, թե չե՛ չեմ դնի ու ճանձերը կնստեն երեսիդ:– Նա դուրս եկավ մառանից, և մաքուր, զնգուն ձայնը, դեռ երգում էր, և աշնան արևի մեջ նա մի պահ համրացավ գյուղի՝ իր այգու, ցանկապատի, տագեր տան, դեմի նախշուն անտառի պատկերի առաջ: Նա սթափվեց, տարավ սխտորը պառավի փեշի գրպանը խցկեց մի տեսակ կոպտորեն, պառավի երեսը նույնիսկ կարծես շրջեց այս տնից և կարծես թե անգամ հրեց.– Գործի եմ գնում, նակի ջան, մի խանգարիր, գնա: Ձեռից-նուից որ ընկնես ու կողքիդ նստեմ՝ Էն ժամանակ մի լավ կիշենք, հիմա ճամփի վրա եմ, Երևան եմ գնում:

Պառավը գնաց:

Պառավը գնում էր և Աղունը նայում էր նրա ետևից: Ետևից էր նայում, պառավն էլ արդեն չափարի տակ հեռու էր, բայց Աղունը ճիշտ ու ճիշտ պատկերացնում էր նրա հանգած մրմունջը, մարող սերը, հանգչող փոքրիկ ատելությունը: «Ադամոս սել է կապում. Սիմոնիկս գալիս է. Ակոփիկս սարում է, երեխես սարում չարչարվում է... աղջկերթս կան: Գոհություն թեզ, տեր, մենակ ապնին ես տարել,

մին էլ խեղճ Արփենիս. անխղճություն արհր՝ խեղճ երեխայիս շուտ տարար ու ինձ էլ ուշացնում ես, քու սխալը մենակ էդ է: Գոհություն քեզ, տեր, մենակ էդ է քու սխալը...» Այս Աղունն էր Նրան «խոսեցնում», այս՝ Աղունի կարեկցանքն էր քարշ եկող Նրա հոգևած գոյությանը, և Աղունն էլ ժխտեց իր կարեկցանքը.

– Ոչ,– իր դռանն իր ապրուստի մեջ կանգնած՝ նա կտրեց իր կարեկցանքը,– քանի որ դուք կրակ տալու եք արժանի ու ոչ թե խղճահարության: Ամեն մարդ էնքան է ապրում՝ ինչքան ինքն է ուզում. դու քու ուզելով ես կուչ եկել, քարշ գալիս. մի ուզիր ու գնա ապիկո մոտ, ժամանակդ է, ժամանակդ է... թե չէ,– հեգնեց նա,– ընկույզի ճյուղ չեմ դնի:– Եվ տեղնուտեղը, աշխուժով.– Արո՛ւուս...

Հաստ, փնթի Արուսը գալիս էր ջրի: Ընդամենը՝ մի դուլով: Ահագին մարմինն առած՝ կենտ մի դուլով: Արուսը կանգ առավ ու ալարելով նայեց, և այդ ժամանակ Ադամն իր դռնից՝ սայլի մոտից ասաց դեպի Աղունը.

– Ախչի, նանին վայ թե նալեցիր:

Աղունը չլսելու տվեց տագեր խոսքը, իսկ Արուսը կանգ առել, ալարելով նայում էր: Պառապն ու Արուսը նույն արահետի վրա էին, Արուսը կանգնած էր, պառապը դանդաղ, դողդոջ, փոքր ու կոր մոտենում էր Արուսին:

– Արուս ջան, Արուս,– կանչեց Աղունը,– տեղ եմ դնում, մի արի բան ցայց տամ, էի:– Բայց նա Արուսին չէր խնդրում, նա գիտեր իր արժեքը և Արուսի անարժեքությունը իր մոտ: «Ձիու մարմինդ առած՝ մի ամանով ես ջրի գալիս, շշնջաց նա. լավ ես անում, շատ կապրես, սև անտակը՝ թե մրի ու կեղտի ու վառված ճաշերի ու փնթիության մեջ կապրես»:

Արունն ալարելով նայում էր, հետո ալարելով ծիծաղեց. «Պաա՛...»

– Ինչ, հեռո՞ւ է,– կանչեց Աղունը:

Պառապը հասավ Արուսին, նրանք խոսեցին–չխոսեցին, հետո պառապն անցավ, իսկ հաստիկը կանգնած նայում էր:

– Ամանըդ ջրի տա կին դիր ու մինչև կլցվի՝ արի բան ցույց տամ,– կանչեց Աղունը:

Իր դռնից Ադամը ձեն տվեց.

– Էդ վայ թե, ախչի, Երևան ես գնում:

– Այո, սիրելի հորեղբայր, ձեզ համար ի՞նչ բերենք:

Իր սայլի մոտ կացինը ձեռքին կանգնած տագրը լուռ էր: Տագրը դանդաղախոս էր, և Աղունը ժպտաց ու կանչեց:

– Գլխարկ բերե՞մ, ականջավոր գլխարկ՝ որ ամառն էլ դնես գլխիդ, ձմեռն էլ:

Տագրը ծիծաղեց, ձեռքը գլխին տարավ, վերցրեց ականջակալ գլխարկը, նայեց:

Արուսը գալիս էր: Պառավը ձորակն անցել, տան արահետին հազիվ էր երևում – փոքր, դողդոջ, հողագույն, արդեն-արդեն խառնվում էր հողին, և այդ ժամանակ տագրն ասաց շատ պարզ ու միանգամից.

– Մի հատ էլ կապիչ կբերես:

Աղունը սրվեց: «Կապիչ՞: Բերանի կապիչ: Իմ բերանը կապելու կապիչ: Եղ է, հենց մտածում եմ սելից կապած անվնաս ձի եք՝ օձի պես կծում եք: Օձի պես, օձի»: Գլխացավը բռնեց: Զունքերը շոյելով-շփելով, հետո՝ սեղմած, նա դետուդեն ընկավ ու գլխացավից պահանջեց. «Գործի եմ գնում, խանգարողս շատ է, դու ինձ մի խանգարիր, այ՛ գլխացավ»: Գլուխը դնելու տեղ փնտրեց: «Ո՛չ», ասաց նա գլխացավին: Արևի մեջ բազրիքին բարձ էր դրած, նա ուզեց գլուխը դնել բարձին, բայց իրեն թույլ չտվեց, «ո՛չ», ասաց նա իր ցանկությանը: Գլուխը ձեռների մեջ՝ նա հենվեց չոր բազրիքին և տեսավ գոմի սարսափելի պատկերը:

Քնած էին եղել, գոմեշը կապը կտրել, տեղից դուրս եկել նեղվածք դնով անցել էր գոմի վերևի ծայրը՝ որտեղ Սիմոնի ու իր թախտն էր, երեխայի օրորոցը և մի երկու ամանի թարեքը. սյան ճրագթաթի վրա ճրագը թրթռում էր, ամբողջ գոմը ճռռում ու հող էր մաղում – գոմեշը քոր էր անում իրենց գլխավերևը սյունի վրա: Ինքը աչքերը բացեց՝ գլխավերևը գոմեշի մի պահ անըմբռնելի սարսափելի գլուխն էր: Օրորոցը շուռ էր եկել, երեխան ծղրտում էր: Զետո Սիմոնը խելագարված խփում էր գոմեշի քամակին պղնձով, խփում ու խփում էր ու անասունի պես բղավում, բայց դուռը նեղ էր, գոմեշը չէր անցնում դռան նեղվածքով, և նույն գոմում գոմշանոցն ու մարդանոցը իբր թե անջատող տախտակե պատը ամբողջությամբ շուռ եկավ:

Զետո՞ մեղր էին քամում, ապին շոջանակ-մեղրահաց էր դնում սև քամիչի մեջ, մի տուն լիքը երեխեքը նայում էին մեղրին, քամիչը խուլ աղմկում էր, և պառավը մեղրի ամանը մատով սրբում ու ծորացող մեղրը մատին փաթաթելով ասում էր «լիզիր, լիզիր», և մատը երեխեքի բերանն էր տալիս, «լիզիր, լիզիր», և մատը Ազամի թե Սիմոնի բերանը տարավ, և Սիմոնը՝ «օպ»՝ բերանն առավ մոր մատը: «Լիզիր, լիզիր...»

– Ձեր սերն էղ է՝ «իզի-իզի»,– Աղունը ժպտալով գլուխը կտրեց բազրիքից:– Ազատվեցիր, ապրես,– ասաց նա իրեն թե գլխացավին:– Մի օր կտաս կսպանես, բայց քանի ապրում եմք՝ թող ապրենք:

Նա անդրադարձավ՝ որ Արուսին կանչել է, և Արուսը գալիս էր, հասել էր բակի դռանը: «Քեզ էլ գինեք գյուղը գցենք ու լավ կլինի», մրմնջաց նա ու ընդառաջ ելավ. – Արի, Արուս ջան, Պառավին ուժեղ մատ եմ արել:

Վերելքից հևալով՝ Արուսը կնճռոտվեց ասաց.

– Լաց էր լինում ու չէր կարենում... ցամաքել պոծել է:

– Յա, պայտեցի, լավ պայտեցի, մինչև գերեզմանուտ չի գցելու: Ինձ շատ է լացացրել, թող մի քիչ էլ ինքը լացի, ոչինչ: Արուս ջան, – մի տեսակ ձգվեց ու պաշտոնականացավ նա, – գնում եմ Երևան, գնում եմ Արմենակիս տնավորեմ:

Նրանք հիմա պատշգամբում քաղաք գնացող բեռների մեջ էին:

– Սրանք գնացող բեռներդ են, – հասկացավ Արուսը:

– Երևան գնացող բեռներս են, Արուս ջան, ու տասը հազար... հազար ռուբլի փող: Յազարը շա՛տ է թե քիչ, – մի րոպե կասկածեց նա:

– Յազա՛րը, – բեռները նայելով ասաց Արուսը. – մեզ համար շատ է, քաղաքացիների համար՝ քիչ:

– Քիչ է, – համաձայնեց նա, – բայց դե... գողություն չի, մեր քրտիկն է, Արուս ջան, ուրիշների պես՝ գողություն չի:

Արուսը ծիծաղեց.

– Ախչի, վայ թե ինձ էլ նալելու կանչեցիր:

– Չէ, – ժխտեց նա. – դու Արուսն ես, ես՝ Ադունը, մեր մեջ պարտուպահանջ չկա: Քեզ կանչել եմ՝ որ նայես ու ինձ գովես:

– Ես ի՞նչ է, – ասաց Արուսը:

– Մեղր է, երեսուն կիլո, – բացատրեց նա: – Էդ՝ ոչինչ. Էդ՝ հաշվի մեջ չի, մեղուն իմ դուռն է բերում, ես տանում եմ իմ Արմենակի դուռը:

«Կարագ, – բացատրեց նա, – քսան կիլո, հալելու եմ դնեմ կողքներին, գամ:

«Ձու, չորս հարյուր ձու... քանի որ մեր տեղի ձուն կարմիր է:

«Ղաուրմա, մի ոչխարի... առանձին մի ոչխար էլ՝ Էդ իրիկվա թեթև ուրախության համար:

«Մի երկու գլուխ պանիր: Էդ մեր պարտքն է՝ ամեն գնացողի հետ դրկել:

«Խալիչա, – հպարտ շռայլությամբ ասաց նա, – հարսիս ոտների տակ փռելու:

– Խեղճ աղջիկը ոչ ունեցած կլինի, ոչ էլ տեսած, – հեզեց Արուսը, – տար աչքը լիացրու:

– Ունեցած կլինի՝ թող պակասությունը չտեսնի, ունեցած չի լինի՝ թող ունենա: Վատ է չունենալը, Արուս:

- Ես էլ կարպետն է,- ասաց Արուսը:

- Կարպետն է,- ասաց նա:-. Դրա պատմությունն էլ մի ուրիշ պատմություն է, Արուս ջան: Իմ մոր կարպետն է, Արճեշա իմ տատի բաժինքն է իմ մորը. Արճեշ Ես կարպետը եկել է իմ տատի Ղարաբաղից: Ղարաբաղ էլ եկել է իմ տատի մոր Էրզրումից, Արուս ջան: Իմ լույս մոր հանգչելուց հետո իմ մայրիկի Ես կարպետը իմն էր լինելու, բայց իմ Իշխան հերը տվել էր իրա քրոջն ու իմ հորաքրոջը, իմ հորաքույրն էլ՝ Դսեղ՝ իր աղջկան, Դսեղից էլ՝ Լեջան, հորաքրոջս թոռան տուն: Ինչու: Գնացի տեսա տակները թախտին է գցած – որովհետև իրենցը չի, հարազատ չի, համարյա թե գողանովի է: Մաշել են: Մաշել են, քաղաքում համարյա թե պետք չի, բայց պետք է, Արուս ջան. քաղաքացիք պիտի տեսնեն, որ Էդ Արմենակ տղան հանդից չի գտած, անտեր չի, թիկունքին սարի պես կանգնած ազգ ունի Ծմակուտից մինչև՝ Վանքեր ու Արճեշ ու Ղարաբաղ ու Էրզրում,- հպարտ հանդիսավորությամբ ասաց նա, բայց տեղնուտեղն էլ դառնացավ.- չնայած Սիմոնն ի՞նչ ցեղ է, կտրվի Սիմոնի ցեղը:

- Երկու ձեռք անկողին ու...- և Արուսն սպասեց՝ թե ուրիշ ինչ է լինելու:

- Մի՛ ասիր ու անցիր,- ասաց Աղունը: - Գողանովի չի, թոցնովի չի, աշխատանք է:

- Բոլորինս էլ աշխատանք է,- ասաց Արուսը:

- Էդ մեկը կներես, Էդ արդեն քու գործը չի, Արուս ջան, մտածելը քու բանը չի, քոնը ապրելն ու ծիծաղելն է, իմը՝ մտածելն ու մաշվելը: Իմը աշխատանք է, ուրիշներինը, քոնը՝ գողություն:

- Գողությունն էլ աշխատանք է,- ծիծաղեց Արուսը:

- Էդ արդեն դու կիմանաս, ես տեղյակ չեմ: Չիմա, Արուս ջան, քու գողությունից քու տղին դո՞ւ ես շատ տվել, թե՞ իմ աշխատանքից իմ տղին՝ ես: Հազար ռուբլի էլ՝ փող, Սիմոնը դրան է գնացել: Դաշնամուր կառնեն թե սառնարան՝ իրենց գործն է:

- Դո՛ւ,- ասաց Արուսը:- Իմ տղին ես տվել եմ մի ձեռք տեղաշոր, տասը ռուբլի ճամփի փող ու մի առողջություն, թող գնա ապրի:

- Են էլ հաշվենք, չե՞, որ իմ տեղաշորի բուրդը արդար խուլգած է, քոնը՝ պետության ոչխարի վրայից փետած:

- Դո՛ւ,- ասաց Արուսը,- ես ու դու համեմատելու բան չենք, դո՛ւ, բայց,- կատաղեց Արուսը,- տո ես քու քաղաքիդ գլուխը հողեմ, ախչի, Էն խեղճ մարդիդ մսին ես ելել՝ որ տանես քաղաքի բերանը գցե՞ս:

- Քաղաքի չե – իմ գավակի, իմ Արմենակի:

- Չավակն իր տեղը, մարդը՝ իր, մարդն է քոնը, Աղուն:

– Մարդն է իմը, Արուս, բայց իմ գավակը չպիտի գրո տեղից սկսի, գրոյից սկսելը անտանելի է: Երբ գրո տեղից են սկսում, ա՛յ էս թախտը էսպես սուրբ-սուրբ արած պահում են որ գրո տեղի պատճառը պառկեցնեն ու գլխին կակալի ճյուղ դնեն, ճանճի դեմ:

– Քու գործն է, – ասաց Արուսը:

– Այո, – «հաշվետվությունը» փակեց նա. – ուրեմն՝ երկու ձեռք անկողին, մի խալիչա, մի կարպետ, հազար ռուբլի փող ու մեր ամողջությունը՝ ամեն գնացողի հետ ու ամեն գնալով մեր ձեռից եկածը դրկելու, տանելու: Ջուրդ լցված կլինի, գնա: – Նա այնու-ամենայնիվ չկարողացավ յուր գնալ առանց խայթելու. – ճաշըդ հիմա վառվեց, մուրը նստեց բարձերիդ, գնա: – Ինքը իրեն՝ «ավելուկը չմոռանաս»: Նա շուռ եկավ անկողինները հավաքելու և անհանգստացավ. – Ուշացա, գնացքից ուշացա: Ինձ ուշացնողը ես չեի, դու էիր - տատիս հուղարկավորումից էլ, Իշխանի թաղումից էլ, մի՛շտ, ես քու ուշացրածն եմ: – Աչքի անկյունով նա տեսավ ոլորանից ճոճվելով ելնող Սիմոնին: Իսկ մինչ այդ ոլորանը դատարկ էր, նա այնինչ ճիշտ պահին էր զգացել ամուսնու հայտնվելը: Սիմոնը գալիս էր ծանր ու ծնկները ծալվելով: Քիչ հետո պիտի հայտնվի երեխան, իսկ մինչ այդ պատշգամբից Աղունն իրեն աչքառ հանեց մի տեսակ պարելով, չգիտես սիրո՞վ, կատակո՞վ, չարախնդալո՞վ. – Յարըս եկավ, Սուսան-Սմբուլըս, Լեյլի-Մեջլումըս, Սայաթ-Նովես, Ասիլ-Քյարամըս, Խոսրով-Շիրինըս, Ռոստոմ-Չալըս, կյանքակերըս եկավ: – Նա կարծես ժպտում, կարծես կատակում էր, բայց հանկարծական ծղոտոցն արդեն լուրջ կատաղության նման էր. – Դե շո՛ւտ-շուտ արի...

Սիմոնը երևի չլսեց: Սիմոնը կանգ առավ, իսկ սա այստեղ պայթում էր իր մեջ: Սիմոնը կանչեց.

– Ի՞նչ է, ախչի:

«Յոգնած շարդված է, մեղք է, բայց եթե չգոռամ կքնի: Սրանց ցեղին մի զարթնեցնիչ է պետք»: – Ասում եմ՝ որ եղպես պարապ գալիս ես, Էն ձին ո՞վ է մատուցելու, ո՞վ է բերելու, – կանչեց:

– Ի՞նչ է, ախչի, – նորից ձայնեց Սիմոնը:

– Ձին, ձին, ձին, Էն ձին՝ որ հետըդ չտարար ու Էնտեղից Էստեղ ոտով ես եկել, – զզվելով կանչեց Աղունը, – ձին, ձին, ձին:

Սիմոնը կտրուկ շուռ եկավ ու գնաց ոտքերը տակից փախչելով, թափ առած, ճանապարհը տակուզուխ անելով: Երեխան կանգ էր առել նույն արահետին:

«Թափ առած գնաց, Պարսկաստանը հիմա կբերի տուն կլցնի: Ավելուկը չմոռանաս»: Նա շուռ եկավ անկողինները օժիտակալների մեջ հավաքելու: «Ձին Էստեղ պարապ կապած, ինքը ոտները քարշ է

տալիս Էնտելից Էստել: Գլխի բացակայությունից: Ինչ լինելու էր՝ լինում է, դու բեզ մի սպանիր, գնալու ճամփա ունես, գլխացավդ կրճնի՝ բեռներդ գնացքում անտեր կման: Ես անգլուխները անտեր կման – Սիմոնը՝ մեկ, Արմոն՝ երկու...»

Երեխան արահետին նստել էր:

«Գլուխ չունեն, խորամանկություն ու խաբեբայություն չունեն՝ ոտներին ու ձեռներին են զոռ տալիս»: Նա անդրադարձավ, որ երեխան արահետին նստած է:– Վեր թռիր տեղիցըդ, գլխիս կրակացու չես,– ծղրտաց:

Երեխան վեր կացավ:

«Ավելուկը մոռացար: Վայ թե սրա ոտներն էլ են ցավում: Գլխի էս աշխարհում էս ցավով սա՞՞ ոնց է ապրելու, սրա՞ն ինչու ունեցա: Արմենակին քաղաքն էր տանելու, աղջկան՝ Էն լաժիրակը, փառքը, աստված, շատ, մարդատեղ Սիմոնին էլ դնող կար, սիրուն Մայան էլ Սիմոնին էր տանում: Մայա... Մայա... Ծմակուտ ու Մայա... փափուկ ձվածեղով, լրբի ծիծաղով ու լրբի լացով... Մայա... լրբի սիրով...» Նա մի թույլ տեսավ պատերազմի ժամանակվա կալը, կանանց երամը, Մայային՝ կանանց մեջ, և Մայան իրոք լավն ու հմայքոտ էր: «Մեղավոր էիր, շան պես մեղավոր էիր, Ներսեսը եկած լիներ՝ դու նրան կջանթեիր ու անունը կդնեիր սեր», չինայեց ու մեղադրեց նա, «Ներսեսի կողքին Սիմոնը՝ զրո, Ներսեսը չկա՝ Սիմոնն ուրեմն սեր»:– Լավը լիներ՝ ապրեիր,– կտրուկ թոթափվեց նա,– աստված առաջ մեղավորներին է վերցնում, հետո՝ անմեղներին:

Ավելուկի կապը գոգին՝ նա հիմա նստել էր տան ձեղունի սանդուղքին ու լուռ լաց էր լինում: Նա լսում էր կալի հին ձայները՝ չոր հաշանի խշրտոցը, կամների շեշտավոր շխշխկոցն ու քամհար մեքենայի հևքը, իրենց՝ կանանց անեծքի ու ծիծաղի ձայները:

– Քու մարդը Սիմոնից էր լավը, Սիմոնը՝ չեղածից: Ներողություն իհարկե, բայց որ քու մարդը կար՝ ես ասացի՞ Սիմոնից լավին արի զավթեմ: Իսկ որ քու մարդը չկար՝ դու ասացիր չեղածից լավը ահա Սիմոնն է, բեր զավթեմ Սիմոնին: Չկաս՝ որ պատասխանես: Բայց որ լիներ էլ՝ ի՞նչ պատասխան էիր տալու:

Հնօրյա մանկապարտեզի երգը մի թույլ բռնկվեց ու խլացրեց նրան, և մի թույլ բռնկվեց այն Մայան, որ բարձրացնում, էր իր՝ Աղունի գուլպան ու շտկում էր իր՝ մազը և նայում սիրո թաթուն ուժով:

– Ափսոս որ մի անգամ ենք ապրում,– ասաց նա:

Երեխան այգում էր, դեղնած մատաղ տանձենին շղահարում ու տակից փախչում էր, հեռվից նայում թե ինչպես են դանդաղ, աշնան արևի մեջ առկայծելով թափվում տերևները: Տերև էր վերցնում,

Նայում, գցում և նորից էր թափահարում ու փախչում կողքից
Նայելու: Մատաղ այդ տանձենուց մի քիչ հեռու տանձի այն ծառն էր,
որ միշտ այդտեղ կանգնած էր եղել, բայց Աղունը շատ ավելի երազի
մեջ տեսավ, երբ սկեսուրը ծեծել էր և կալի ծայրին ինքը հեկեկալուց
խեղդվում էր: Տանձենու կեսը տերևաթափ էր, կեսը՝ մի քանի ճյուղ՝
Սիմոնի պատվաստած ճյուղերը՝ կանաչ էին: Աբաղաղը թևերը
շխշխկացրեց և զնգուն ու երկար կանչեց: Եվ՝ նորից: Եվ՝ նորից:

Եվ Աղունն արտասուքը կուլ տվեց ու հագիվ կարողացավ ասել
«ջան»: Աբուրը կանչում էր – ասում էինք հյուր է գալու ու մեր
սիրտը թափրտում էր: Մած էինք բռնում, վար էինք անում, կալ էինք
կալսում, սպասում ու երգում էինք, ինչքան էինք երգում, ու մեր
սիրտը թփրտում էր, ինչո՞ւ: Սպասեցինք, սպասեցինք, սպասեցինք,
հյուրը եկավ՝ ոչիլը շալակած դազախեցին:

Եսպես անցան շատ տարիներ,
Տխուր աղջիկն արթայի
Նայեց, նայեց սարերն ի վեր
Ճամփաներին ամայի,
Հույսը հատավ ու լաց եղավ,
Էնթան արավ լացուկոծ,
Որ լիճ կտրեց արտասուքը,
Ծածկեց քաղաքն ու ամրոց:
Ծածկեց... Կորան, ինքն էլ հետը...
Այժմ Էնտեղ տրտմաշուք
Խոր Փարվանա լիճն է ծփում
Ծանր ինչպես արտասուք:

Ձեղունի աստիճաններին նսաած՝ Նա տեսավ այն օրվա «կի-
նոն», երբ սկեսուրն իրեն ծեծել էր ու ինքը կալի ծայրին արդեն-
արդեն խաղաղվում էր: Շողերը եկավ,– կալի ծայրից քաշեց իրեն ու
երեխայի պես ետևից քաշելով-քաշելով տարավ սկեսուրի ու
տալերի միջով: «Հողեմ ձեր գլուխը, ձեզ պետք չի՝ կոխոգին է
պետք»: Եվ ինքը նրա պաշտպանությունից ու նրա հետ գնալուց էլ
առանձին էր վախենում, ետ էր նայում, բայց Շողերը քաշեց տարավ
կոխոգ: Ծանր, սպիտակ դեգեր էին ու շատ կալեր: Ամբողջ լանջը
կտրել, կալ էին արել, և դրանք իրար վրա սանդղածն բարձրանում
ու բարձրանում էին և սպիտակ էին, բոլոր կալերում հաշան էր
փռած, կալ էին անում արջառներով ու ձիերով, լիքը ժողովուրդ էր,
և բոլորը բանում էին. դա մի մեծ մրջնանոց էր: Խոսք հազվադեպ էր
լինում, վեճ երբեք չեղավ, անձրև էր գալու, և բոլորը բանում էին:
Չէր բանում միայն Ղևանտը, բայց Նա էլ ծնկի վրա գրում թե
հաշվում էր, ուրեմն Նա էլ էր աշխատում: Դեզի գլխից Աղունին

ջրաման շարտեցին՝ թե գնա ջուր բեր աղբյուրից: Յետո այդ ջուրը չիասավ ուզողին, որովհետև երբ Աղունն անցնում էր քամհար պտտողի մոտով, նա վերցրեց, ագահորեն խմեց, մնացածը լցրեց գլխին ու դրկեց ծոծրակն ի վար: Ղևանտը նստել ու գրում էր, նայում ու չէր տեսնում, մտքի հետ էր, հետո ուշքի էր գալիս, ելնում քշում սագերի համերաշխ երամը, դարձյալ գալիս նստում կաշվե պայուսակը ծնկին, հետո՝ դարձյալ սագերը, հետո՝ դարձյալ պայուսակը, հետո Ղևանտը հաչելու պես վրա պրծավ, քեց-քեց ու քարի գլխից թռցրեց սագերի երամը: Ղևանտը բերել պահեստների ծածկի տակ պատի թերթ էր կախել, երբ արդեն անձրև էր գալիս՝ գրագետները հեգելով կարդում էին: Աշկերտի հետ Սիմոնը վերևի մարագի գլխին կղմինդր էր շարում, անձրևի ժամանակ տղերքը ծածկի տակից կանչեցին. «Սիմոն, թրջվում ես», բայց նա բանի տեղ չդրեց: Մանիշակ հորաքույրն ու Մայան ճաշարանի էին, Մայայի թե Մանիշակ հորաքոջ կանացիական հմայքի մեջ՝ նրանց արանքներում, նրանց ոտքերի մոտ խեղճ շան պես պտտվում էր Ասորենց կապուտաչա կակազը, ուզում էր նրանց օգնել, բայց Մայան կանչեց ու իրենց օգնական կարգեց Աղունին: Շաջի վրա Մայան հաց էր թխում, հորաքույրը ունկավոր մեծ պղնձով ճաշ էր եփում ամբողջ կոլխոզի համար: Արջամներից մեկը կալում պառկել, չէր քաշում, մարդկանց չարչարում, բղավեցնում էր, բայց չէր քաշում, և տղերքից մեկը՝ նա, որ բանեցնում էր այդ արջառը՝ կանչեց. «Ղևանտ», և Ղևանտը համաձայնեց մորթել, այնպես՝ ուսի վրայով, և դարձյալ իր հաշիվներին դարձավ: Երկու տղայով արջառն արձակեցին, շուրջը մաքրեցին հասկից ու հատիկից, հետո նույն այդ տղան կացինը ձեռքին պտտվում էր արջառի մոտ և կացնի բնքով գլխին խփեց: Այդպիսով միս եղավ: Նույն մորթողը փայծաղը խորովելու գցեց Մայայի շաջին, ինքը դեռ միս էր անում, բայց փայծաղը չէր մոռացել, եկավ վերցրեց, և պարզվեց՝ որ Աղունի ոչ հղիությունն էր նրանից թաքուն, ոչ էլ այդ փայծաղն ուտելու ատործակը – մեկնեց Ազունին, ասաց. «Տղիդ վրա կդնե՞ս իմ անունը, կդնե՞ս Քոչար»: «Վանքերեցի, երեսիդ կարոտ մնացինք, դու եղտեղ ըռխիդ ես անում», կանչեց դեզի վրայինը, նա՝ որ Աղունին ջրի էր դրկել: Ներքևի կալի տակ, կալին կից, մարագի լայնբերան դուռն էր, հարդն այնտեղ էին մղում. դա խոր, մութ, անտակ ամբար էր, ներսում նույնպես մարդիկ կային, հարդը ներքև էին մղում: Զամհար մեքենայի մոտից հատիկը շալակով էին տանում պահեստ՝ որը նույնպես կից էր ներքևի կալին և մարագին: Դրանք տարբեր մարդիկ, էին, տարբեր կենդանիներ էին, կալսի տարբեր գործերն էին անում, բայց ամբողջ կալն աշխատում էր յուրաձ մեքենայի պես

միասնորեն, ոչ մեկի մեջ չարություն չկար, դա գեղեցիկ կյանք էր: Չետո, երբ անձրևը վրա տվեց, փռած կալ չկար, բոլորը մաքուր հավաքած ու կենտրոններում կիտված էին, և անձրևի առաջին կաթիլների հետ բրեզենտ փռեցին այդ կույտերի վրա և ժողովուրդը հավաքվեց պահեստի ծածկի տակ: Բաճկոնները թիկունքներին՝ տղերքը շարքով նստեցին պատի տակ, սպասեցին: Ղևանտի սեկե բաճկոնը մեկը գլխին քաշեց ու վազեց ծածկելու ունկավոր մեծ պղնձի բերանը («Այ տղա, էն միսը...») և տղերքը թեթև ժպտացին նրա ետևից: Կանանց փոքրիկ խումբը ծածկի մյուս անկյունում էր խմբված և թեթև սարսուռում էր ոչ այն է ծոցն ընկած կաթիլից, ոչ այն է տղերանց այդ բարի, հզոր, մաքուր, արդարամիտ մեծ ջոկատի սիրուց:

Տղերքի այդ խումբը՝ ինչ-որ մի ուրիշ վերաբերմունքով, ինչ-որ հատկապես գեղեցիկ, հատկապես բարի, և Աղունի շշուռը այդ ամբողջ խմբի վրա. «Գնացիք ձեզ համար հանգիստ կոտորվեցիք ու կալը մեզ վրա թողիք... էդ քիստը, դարմանը, էդ ծանր պարկերը, էդ ջղային եզները»:

Մնաք բարով դուք, արոտներ սիրուն,
Ամառն անց կացավ, հոտն իջնում է տուն:
Մենք ձեզ մոտ կգանք Նորեկ գարունքին,
Երբ գարթենն ուրախ երգերը կրկին,
Երբ որ լանջերը զուգվեն կանաչով,
Երբ որ ջրերը հոսեն կարկաչով:

Մնաք բարով դուք, արոտներ սիրուն,
Ամառն անց կացավ, հոտն իջնում է տուն:

Սա փոքր տագեր՝ Չակոբի դպրոցական կակազն էր, և ձեղունի ասնդուղքին նստած՝ Աղունն իրեն ստիպեց հիշել որդու ձայնը, որդու արտասանությունը.

Ամեն վայրկյան սիրով տրտում ասում եմ ես մնաս բարով.

Բորբ արևին իմ բոց սրտում ասում եմ ես մնաս բարով:

Մնաք բարով, ասում եմ ես, բոլոր մարդկանց չար ու բարի,

Տանջվող ու որբ աղամորդուն ասում եմ ես մնաս բարով:

Երկնի մովին, կանաչ ծովին, անտառներին խոր ու մթին,

Գարնան ամպին լույս ոլորտում ասում եմ ես մնաք բարով:

Գնում եմ ես մի մութ աշխարհ, հեռու երկիր, էլ չեմ գալու,

Բարի հիշեք ինձ ձեր սրտում, մնաք բարով, մնաք բարով:

Դա իր հուշն էր, ինքն էր հիշում, ինքն էր ի վերջո որդուն արտասանել տալիս, բայց ինքը որդուն գովեց, արտասուքը կուլ տվեց ու որդուն գովեց.

– Ապրես, լավըս, ջանըս, հույսուհավատըս, ապրես, կանաչ արևը գլխիդ երկա՛ր կանգնի:

Որ սարի սովոր Սարոյի նանը
Էլ սար չի գնա, Սարո չի կանչի,
Սև շորեր հագած կնստի տանը,
Անցած օրերը միտը կբերի...

Սիմոնը գալիս էր: Մեծ տանձենու մոտ ձին քաշելով Սիմոնը գալիս էր: Գալիս էր մի տեսակ ծնկները ծալած, ոտքերը չուղղելով: Սիմոնն արդեն ծեր ու հոգնած էր:

– Պրծանք,- ձեղունի իր աստիճաններին դեռ նստած ասաց նա:– Մեկ էլ հազար տարի հետո ենք գալու: Հը,- տխուր հեգնեց նա.– լանջերը լանջեր են, ծաղիկը ծաղիկ է, ամեն գարնան հե՛տ...

Սիմոնը եկավ, ձին կապեց գոմի սյունին, եկավ նստեց բակի կոճղին ու հանգավ: Նստել էր և փոքրանում ու փոքրանում էր:

Ինքը դեռ ձեղունի աստիճաններին էր, դեռ չէր միանում այս իրականությանը, դեռ հուշերի ու բանաստեղծության մեջ էր, պատերազմի ժամանակվա իրենց երգը դեռ նվում էր իր մեջ:– Սիմոն,- ասաց: Սիմոնը գլուխը նրան դարձրեց, բայց նա կարծես ասելիք չուներ, նա դեռ երգի ու բանաստեղծության մեջ էր:– Սիմոն, ինձ կտանե՞ս Փարվանա,- տխուր ժպտալով ասաց նա:

– Կաց մի քիչ հանգստանամ՝ հետո:– Սիմոնն իհարկե կատակում էր, բայց այնքան էր հոգնած, որ չէր կարողանում կատակը կատակի պես անել:

– Կհանգստանա ու կտանի,- ասաց նա:– Ասածն արած է: Սիմոն, Փարվանան բանաստեղծություն է, որ հանգստանաս դու ինձ ո՞նց ես Փարվանա տանելու:

Սիմոնը ոտքով ոտքի սապոզը հանում էր:– Փարվանան լիճ է, Ախալքալաք,- ասաց Սիմոնը:

Նա իր տրամադրության հետ էր, նա դեռ հարցրեց,

– Սիմոն, բանաստեղծներն ինչո՞ւ են քիչ ապրում:

– Եղ ինչո՞ւ է քիչ որ,- ասաց Սիմոնը:

– Սիմոն... բանաստեղծներն ինչքա՞ն են ապրում:

Գուլպայով ոտքը հանած սապոզի ճոթին՝ Սիմոնը թաթը շարժում էր, ոտքը երևի թե շատ էր հոգնել:– Զանի չեն մեռել՝ ապրում են,- ասաց:

Աղունն սթափվեց ու վերադարձավ բանաստեղծների աշխարհից.

– Եկավ, փիլիսոփա-փիլիսոփա եկավ:

– Ի՞նչ է, ախչի,- բռնկվեց Սիմոնը:

– Յոպլա,– արեց Աղունը կենդանի վարժեցնողի պես, և իրոք Սիմոնը ցատկեց: Մյուս սապոզը Սիմոնը հանել էր, ձեռքին էր, կոճղի վրա՝ Սիմոնը վեր թռավ, շփոթված դետուդեն նայեց, մոլորվեց ու ձեռքի սապոզին նայեց:– Դիր գլխիդ,– ասաց Աղունը, և Սիմոնը բղավեց.

– Ի՞նչ է, ախչի...

– Գլուխ չունես՝ գոռը ոտներիդ ես տալիս, մեղք են ոտներդ, դիր ասում եմ գլխիդ:

Սիմոնն այս անգամ բղավեց անբառ, կարծես դեպի գոմն էր գնում բայց շուռ եկավ դեպի տուն, ձեռքի սապոզը շարտեց այգի և դարձյալ շուռ եկավ գոմի վրա, և այդ ժամանակ Աղունն ասաց որ նա գուլպաները կեղտոտում է («Լվացողը կվանա, էդ աղբի մեջ դու հանգիստ պար արի») և Սիմոնը նայեց նրան, նայեց իր ոտքերին ու կանգնեց սապոզի ճոթին:

– Ոտներիս համար մի բան բեր, Սերո,– ասաց Սիմոնը:

Երեխան այգուց դուրս էր գալիս:– Մեկ է, ես կգնամ Երևան,– ասաց երեխան:

– Լավ էլ կանես՝ որ կգնաս,– ասաց Սիմոնը և, նեղացած, ծլթոցով թաթեց մի կողմի վրա:

Ձեղունի իր աստիճաններից Աղունն իջավ: Սիմոնը կանգնած էր սապոզի ճոթին, և Աղունի համար դա ծաղրի առանձին նյութ էր, Աղունը կանգնեց նրա առաջ և սուտ հեզուբայամբ հարցրեց.

– Քանի էդպես զգաստ կանգնած ես ու գնալու կարևոր տեղ չունես՝ կարելի՞ է մի հարց տալ, տնտեսական:

Սիմոնը թշնամանքով նայեց և ապա ուրիշ կողմ նայեց:

– Յասկանալի է, հոգնել ես: Ինչո՞ւ ես հոգնել,– դեռ հանգիստ՝ ասաց Աղունը: Սիմոնն ուրիշ կողմ էր նայում:– Ես թեզ ասացի՞ ձիով գնա,– հարցրեց Աղունը: Սիմոնը չպատասխանեց:– Ասած չեմ լինի,– ասաց Աղունը:

Սիմոնը երեխային կանչեց.

– Այ տղա, ասացի ոտներըս գցելու մի բան բեր:

– Թե՞ ավտո էիր տեսել, շոֆերի կողքը դուրդը էր եկել,– ասաց Աղունը:– Ասելով-խոսելով-ծիծաղելով գնացիք:

– Գնացի՞նք,– ասաց Սիմոնը:

– Բա ետ գալու միջոցի մասին շոֆերը բան չասա՞վ,– դեռ իբր հանգիստ՝ հարցրեց Աղունը:

– Ինչի՞ էր շոֆերն ասելու:

– Դե եսի՞մ. քու մասին դու որ չես մտածում՝ ուրեմն ուրիշն է մտածելու:

Սիմոնը բղավեց, ոտքով շարտեց տակի սապոզը, գնաց տուն:

- Ապրես,- գովեց Աղունը,- մեկ-մեկ եղպես բղավի, կոշիկ շարտի ասեմ տղամարդ ես, թե չէ արագիլի պե՛ս...- Նա գնաց ավելուկը ձվերի կողովին դնելու, և երեխան տնկվեց նրա առջև.

- Մեկ է, ես գալու եմ:

- Դու ուզում ես քեզ խաբե՞մ թե գալու ես,- ասաց նա:- Խաբելն ինձանում չկա: Ռադիոն Արմենակից էսօր բա՞ն չի տալու:

- Ես քու Արմենակի պահակը չեմ:

Ռադիոյի ձայնը նա ինքը բարձրացրեց, «Սիրտըս ասում է», բայց երգ էին հաղորդում. «Թեկուզ ըլիմ, թեկուզ չըլիմ՝ մեջլիսներում սազ չի պակսի - Թե կուպակսիմ՝ ես կուպակսիմ, աշխարհիս մե մազ չի պակսի», և երգը նա չանջատեց, դուռը բաց թողնելով՝ նա մտավ իր մեծ տան սենյակներից մեկը, մի րոպեում սեղանին հաց փռեց, «Մեջլիսներուն սազ չի պակսի», «Սերո, մեջլիսն ի՞նչ է», հարցրեց ու իր հարցի ետևից դուրս եկավ ամուսնուն ու որդուն սեղանի հրավիրելու: Երեխան պատշգամբում չէր: Մի պահ լարվելով նա հասկացավ թե ուր է երեխան և գնաց դեպի գոմը: «Թե կուպակսիմ՝ ես կուպակսիմ, մրմնջաց նա, ձեզ մի բան էլ է չի պատահի»: Երեխան գոմում էր, սյունը գրկած լաց էր լինում:

- Արի, արի,- քաշեց նա երեխային,- հացի ժամանակ է, լացի ժամանակ չի, ամեն բան իր ժամանակն ունի:

- Մեկ է, ես կգնամ Երևան,- ասաց երեխան:

- Ախ լացող Երևանի՛ համար է, բա ես էլ ասում եմ հորդդ համար ես լացում:

- Ամբողջ օրը՝ կռիվ, կռիվ, կռիվ:

- Թող ձիով շրխկալով գնար, ձիով շրխկալով գար՝ կռիվ չեր լինի, ճիշտը ես եմ:

- Ճիշտը դու ես, ամբողջ օրը՝ կռիվ, կռիվ, կռիվ:

Նա ծիծաղեց ու տնազեց երեխային. «Կղիվ, կղիվ, կղիվ»: Նա երեխային հացատուն մտցրեց, ինքը գնաց այն սենյակը՝ ուր ամուսինն էր մտել: Ամուսինը թախտին պառկած էր:

- Ես իհարկե ներողություն,- ժպտալով ասաց նա,- բայց կարելի՞ է ձեզ հացի հրավիրել:

Սիմոնը մեջք արեց նրան:

- Մի վախեցիր, հրես մի պաշտպան էլ է ավելանում,- ասաց Աղունը.- ասում է «ճիշտը դու ես, դու ես ճիշտը, բայց քու ճիշտն ո՞ւմ է պետք»:- Երեխան այդպիսի բան չէր ասել, Աղունն ինքը այդ մտածեց:- Իմ ճիշտն, այո, ո՞ւմ է պետք, աշխարհն իր կարգով կգնա: Դե լավ, ես՝ ներողություն,- և նա կամացուկ խտուտ տվեց ամուսնու ծոծրակը, և ամուսինն ընդոստ ետ նայեց:- Իմ ճիշտն ո՞ւմ է պետք, բայց չե՞՞ ես ոտքերը հենց նոր գետնին էին:- Ամուսինը ոտքերը

թախտի եզրից կախեց, և նրա այդ շարժման հետ Աղունը գրկեց նրա ոտքերը, իջեցրեց գետնին,– Բանի շարժվեցիր... ապրե՛ս:

Ամուսինը նստեց.

– Իմ արևն, Աղուն...

– Տես էն ինչ լավ երգ է երգում: Դե լավ, դե լավ:– Նա ամուսնուն վեր կացրեց, նրանք ելան պատշգամբ և մտան հացատուն: Երբ դեռ պատշգամբի բեռների միջով անցնում էին, ամուսինն ասաց.

– Եսքան բեռը դու տանո՞ղ ես, տնաշենի աղջիկ:

– Վեց փուլթ սիմինդր ես Շուկավերից բերեցի,– սեղանին հաց դնելով ասաց նա:

– Ջահել էիր,– ասաց Սիմոնը:

– Վեց փուլթն ինչքա՞ն է,– հարցրեց երեխան:

– Հարյուր կիլոն վեց փուլթ է,– ասաց Սիմոնը:– Տասնվեց անդամ վեց իննսունվեց:

Դա ընտանեկան խաղաղ գրույցի նման էր:

– Ջահել ու հիմար էի,– ասաց Աղունը:– Էգուց կտաքացնե՞ք ու ես ճաշը կուտե՞ք, Էգուց չէ էլօր՝ կարտուլի հետ ոչխարի լյարդուկօթքը, մյուս օրը ես էստեղ եմ:

– Ես քեզ հետ գամ,– ասաց երեխան:

– Նախշուն կովը Ձորագեղից մի շաքաթվա մեջ քարշ եկավ էստեղ, հասավ ու ծնեց: Մի օրվա ճամփա է՝ մի շաքաթ ճամփին էի... պոչից բռնած, պոզից բռնած, քաշելով, հրելով, բարձրացնելով, ինդրելով, լաց լինելով... Իմ երեխեքի համար ես ինձանից էի կյանք ուզում, ո՛չ... մեր ապին ու նանն էլ պտտվում էին Ձորավոր ժամի շուրջն ու ճմակուտի չեղած աստծուց էին...

Սիմոնը կտրուկ նայեց ու երեսը շրջեց, ուրեմն դարձյալ կռիվ էր ստացվում, և Աղունն իրեն ստիպեց ներողություն խնդրել.

– Դե լավ, դե լավ: Եղածն եղած է: Անցավ, կռիվն անցավ, պատերազմն անցավ: Պատերազմը մարդու ինչքա՞ն է լավացնում, ինչքա՞ն է վատացնում պատերազմը մարդու: Բանի մարդ էր կանգնած նայում ու լցվում, քանի մարդ շուռ եկավ օգնելու: Խեղճ մարցըցին շալակի փետը թողեց, քարերի արանքից, քարերի տակից խոտ փետեց: Փետելը՝ ջոկ, ինդրելն էլ դեռ ջոկ, թե՛ կով ջան, Նախշուն ջան, կեր, ես աղջկա հույսը դու ես: Տեսես էն ո՞վ էր, ո՞վ կլիներ, հը, Սիմոն:

Երեխան ասաց.

– Ատամներիս արանքում մտում է, ես միսը ես չեմ ուտում:

– Մարցըցիք խեղճ ու խղճով ժողովուրդ են,– ասաց Սիմոնը:

Աղունը հիացավ: Եվս մի վայրկյան՝ և նա տրվեց մի գեղեցիկ հուշի: Ինքն ու Սիմոնը Վանքերից գալիս էին ճմակուտ, Մարցի

այգիներում խնձորի բերքահավաք էր, ծառերի տակ սիրուն երեխաներ ու ջահել աղջիկ-հարսներ էին, խնձորը շեղջ էին արել: Աշնան սպիտակ լույսի մեջ գեղեցիկ էր ջահել այգին, օդում ինչ-որ բարություն ու սեր էր թրթռում: Սիմոնի վարպետը հենվեց գետաքարե ցանկապատին ու իրեն Աղուևին խնձոր մեկնեց: Հռովի գետակում երեխաները ձուկ էին բռնում ու ծղրտում:

– Որ Մարցա քու վարպետը մեզ խնձոր տվեց:

– Չեմ հիշում,– ասաց Սիմոնը:

– Որ հարսները ջրում ծաղկավոր խալի էին լվանում, որ չափարի վրա ընկավ քու վարպետն ու խնձոր տվեց: Որ ասավ՝ «ես քեզ ոսկի ձեռներ եմ տվել, ես դժվար կյանքում դու ուրիշի չտաս»:

Սիմոնը ճաշը բրդել ուտում էր:– Քեզանից ես հնարում,– ասաց:

– Հնարելիս կլինեմ, ես հնարող եմ,– արդեն գայրանալ սկսեց Աղուևը:– Գիտեր, որ բերելու ես նեղվածք ձորում պուճուր Սիմոնին ես տալու արհեստը:

Այդ գեղեցիկ հուշից հետո Աղուևի առջև տգեղ էին Սիմոնի բրզած ճաշը, ուտելը, այդ անհաղորդությունը հուշի գեղեցկությանը, խոշոր ականջն ու շարժվող այտը: Աղուևն այդ պահին նրա համար հավ էր ջարդում, այդ ծոծրակն ու այդ ականջի ետևը խոտի ծեղով երբևէ խոտուտ էր տվել զավթիչ Մայան և խուլ ու տաք քռքռացել էր և սա գրկել էր նրան ու երկուսով թավալվել էին խոտերի մեջ... – և հավի ափսեն Աղուևը շրխկացրեց սեղանին, և գդալը ձեռին Սիմոնը նայեց տակնիվեր:

– Ի՞նչ է, ախչի:

– Կերեք,– դեպի դուռը գնալով ասաց նա.– կերեք, որ ուժ ունենաք ու իմ կյանքն էլ ուտեք,– և նա դուրս եկավ սենյակից:

Սիմոնը մի րոպե շփոթված ու զզված էր, ապա գդալն ափսեին տարավ և երեխային նույնպես ասաց,– Կեր, կեր:

– Ես էստեղից կզնամ,– ասաց երեխան:

– ճիշտն ինքն է,– ասաց Սիմոնը,– կեր:

– Ձեր ճիշտն ինձ պետք չի,– ասաց երեխան,– ես կզնամ երևան:

– Դե բա իհարկե կզնաս,– բռնկվեց Սիմոնը,– դե բա մենք ինչ մարդ ենք՝ որ մեզ մոտ մնաս, գյուղն ինչ է՝ որ գյուղում ապրես: Կեր, հետո կմտածենք,– ասաց Սիմոնը:

Սիմոնը դուրս եկավ պատշգամբ, կինը պատշգամբում չէր: Սիմոնը մտավ մեծ սենյակ, կինը շորերը փոխում էր:

– Գնո՞ւմ ես, ախչի,– ասաց Սիմոնը և կնոջը կիսահագնված չտեսնելու համար ետ-ետ արեց:– Պատրաստվում ես:

– Ես պատրաստ եմ, դու քու պատրաստությունից խոսիր:– Մեծ հայելու դեմ նա իրեն գեղեցկուհի ու կին էր զգում: – Էդ ինչի՞ չկերար, փափուկ ձվածեղ չէր՝ դրա համար չկերար,– ժպտալով, հեգնանքով և իրենց երկուսին հայտնի մեկի նկատմամբ իր գերազանցության զգացումով ասաց նա:

– Յենց ապրես,– իր անկյունում խնդրեց Սիմոնը,– խնդրում եմ: Բայց Աղունը չինայեց.

– Չնամ Երևան գամ՝ քեզ համար փափուկ ձվածեղ եմ անելու: Իր անկյունում Սիմոնն ավելի խեղճացավ:

– Գոգլի-մոգլի եմ անելու,– հայելու դեմ ասաց Աղունը: Պատառաքաղ էլ եմ տալու, դունչդ սրբելու թուղթ էլ, որ ուտես ու դունչդ սրբես – ոչ կերել ես, ոչ էլ տեսել: Սիմոնն իր անկյունում լուռ էր:

– Համեստացել ես, ձեն չես հանում,– հագնվելը վերջացրեց Աղունը,– որովհետև պղտոր ես:– Իմ գետը պարզ է: Պարզ-պարզ է իմ գետը: Դեսը տուր:

Խոսքը բոլորովին այլ բաների մասին էր, և Սիմոնը հիմա չհասկացավ, թե նա իրենից ինչ է պահանջում:

– Բեր,– կրկնեց նա:

Խոսքը փողի մասին էր, և չնայած սենյակում ուրիշ մարդ չկար, Նրա հանձնելը, Նրա առնելը, քանակի մասին հարցը, պատասխանը, թաքցնելը նման էր երկուսի դավադրության:

– Ինչքա՞ն է պակաս,– շնչաց Աղունը:

– Հարյուր,– շնչաց Սիմոնը:– բանկում փող չկար:

– Լինելո՞ւ է մի բան, որ լրիվ իմ սրտով լինի,– չկարողացավ ձայնը զսպել, արդեն բարձրաձայնեց Աղունը:– Ծաղկած ծառին զնա՞՝ կչորանա: Դե իմ գործը չի, պարտքդ Սաթոյից առ:

– Չունի,

– Քու առաջ ես լիառատ աշխարհը չիք ու չկա է:

– Որ ունեցավ՝ կտա, հիմա չունի,– ասաց Սիմոնը:

– Դու էդ ո՞նց գիտես՝ որ չունի:– Աղունը փողը թաքցրեց իրեն հայտնի տեղերում:

– Կորցնելու ես ու գլխիդ վայ տաս,– ասաց Սիմոնը:

Աղունը հեգնեց,– Ես:

Նրանք պատշգամբ ելան, Սիմոնը նորից սրտնեղեց.

– Ախչի, Եսքան անտերը ո՞նց ես տանելու:

– Տանելու մասին մտածող ես՝ տակիդ ավտո լիներ:

– Էէ՛...– Սիմոնը կարծես փախավ, դուրս եկավ բակ, կանչեց,–

Ադա՛մ:

Աղուևը տագեր օգնությանն էլ դեմ էր.– Ոչ,– ասաց: Բայց մեծ եղբայրն արդեն արձագանքել էր, «Ի՛նչ է, Սիմոն»: Սիմոնը գնում էր ձին բակ քաշելու:– Մի դեսն արի, է,– կանչեց Սիմոնը:

Երեխան շորերը փոխում էր: Փոխեց, իր կարծիքով վերջացրեց ու նայեց ընդվզումով: Նա գիտեր՝ որ իրեն քաղաք չեն տանելու, բայց իրենն անում էր, շապիկի կուրծքն ինչ-որ նշանով զարդարել էր:

– Ահա,– ասաց մայրը:– Պատրաստի մինիստր ես:

– Դու քու մրոտ քթի մասին մտածիր,– ասաց երեխան:

Քիթը սրբելով նա տուն մտավ, և Սիմոնն այդ ժամանակ ձին բակ բերեց, Ադամը եկավ, Սիմոնն ու Ադամը ծանր եզնախուրջինը պատշգամբից տանում էին, և ինքն այդ ժամանակ տնից ելավ ու երեխային անպատասխան չթողեց.

– Ես սպիտակ սիրուն եմ՝ մուրն իմ քթի վրա երևում է, բայց դուք էնքան եք սև, որ մուրն ու ցեխը ձեր երեսին չի երևում:– Եվ այդ ժամանակ նա նկատեց, որ խուրջինի իր հակը ամուսինը տանում է դժվար, ծավված, մեռնելով, իսկ Ադամի ձեռքին կարծես բռն չկար: Նա ամուսնու ճիգի հետ լարվեց, մի վայրկյան խղճաց ամուսնուն: Ինքն իրեն հաղթելով՝ ամուսինը ուժ տվեց, բարձրացրեց խուրջինի իր հակը, ձիու գավակի վրայով նրանք անցըրին խուրջինը, նստեցրին թամբին: Դա ուղղակի պայթար էր բռնան դեմ: Ձին լարվեց, բեռը մեջքին առավ ու թառանչեց: Յետո ամուսինը կարծես փախավ այդ բեռից, կողքի-կողքի գնալով՝ նա հասավ կոճղին, բայց կոճղը չէր գտնում, նստելու տեղը չէր գտնում: «Տեր աստված... Ես ե՛րբ ծերացավ... հագի շո՛րը, ի՛նքը... Ես մարդն ես ե՛րբ վերջացավ»:

Տագրը եկավ տանելու օժիտակալները և իմիջիպայլոց կատակեց.

– Յարս-մայրիկ, Ես՝ վայ թե ապրուստով ես գնում, որ էլ ետ չգաս:

Յիմն, երբ ամուսինը կոճղի վրա իրոք հանգել էր, նա իսկապես սրտնեղեց.

– Ես հիսուն տարում դու չկարողացա՞ր մի ուրիշ բան էլ մտածես: Տնաշե՛ն:

– Օրակարգը չի փոխվում,– օժիտակալների կապը ձիուն դնելով ու նստեցնելով ասաց տագրը,– օրակարգի հարցը նույնն է: Կապե՛մ թե էլ բան կա:

Նա տանելու գրկեց գորգի ու կարպետի փաթեթը, ասաց.

– Ձեր օրակարգն Էդպես էլ կքնի, քանի որ ինքներդ քնած եք:

Տագրը եկավ վերցրեց նրա գրկից փաթեթը, ասաց,

– Քո օգտին... հոգուս քեզ:

– Էդ բեռը տեղ չի հասնելու, շուռ է գալու Էդ բեռը,– ասաց նա:

– Կողքին կնստես ու լաց կլինես,– փաթեթը օժիտակալների արանքը դնելով ասաց տագրը:

– Կծիծաղեմ, ինչի՞ եմ լաց լինում,– ասաց նա:– Կուրախանամ որ ես մեծ համր-մնջության մեջ դուք մենակ իմ պատասխանն եք տալիս:

– Վա՛, քո շնորհիվ,– ասաց տագրը, պարանը բեռան գլխով շարտեց ձիու մյուս կողմը և երեխային ասաց.– Սերո, մի տակը մտիր հանիր, Է,– և հարսին ասաց.– Հայելու առաջ կողքիդ կկանգնեցնես ու կնայես, մին էլ կնայես – թե քեզ նման եղավ՝ երևակայիր, չուզես, կասես չեմ ուզում, Էն երեխայի կյանքը կուտի:

Սիմոնը կոճղի վրա հանգած ժպտում էր:

– Դուք կողմնակից եք, որ ձեր կյանքն ուրիշն ուտի, ձերոնք չուտեն,– ասաց Աղունը,– դուք ձեր լավնուվատը չեք հասկանում: Որ կերել եմ ձեր կյանքը՝ մի պաշտոնի, մի Էժան հացի, մի սուտ ռոճիկի հասցրե՞լ եմ – ոչ: Փետ էիք կրծում ու փետ եք կրծում:

– Բա ափսոս չի՞,– ասաց տագրը,– մարդ բա մարդի հետ գործ կբռնի՞:

– Որովհետև լեզու մենակ իմ դեմ ունեք,– ասաց Աղունը,– հասարակության մեջ...– Լա ցույց տվեց թե ժողովրդի մեջ ինչպես է կաչում նրանց բերանը:

– Բա ափսոս չե՞նք,– ծիծաղեց տագրը:– Սերո, ասացի թոկը դուրս քաշի:

Երեխան նրան չէր հասկացել:

– Այտա, ես վայ թե դու էլ ես երևանցի,– ասաց հորեղբայրն ու ինքը կռացավ, ձիու փորի տակով քաշեց պարանի ծայրը,

Կոճղի վրա ամուսինը կարծես քնում էր:

– Չրույց եք անում,– ասաց ամուսինը:

Հոգնած, թե՞ հիվանդ, ամուսնուն նա խղճում էր, նա հիմա ուզում էր նրա համար որևէ լավ բան անել, նրան որևէ լավ բան ասել և չէր գտնում:

– Էդ շորերով վեր ես կացել գնացել օտար գյուղ,– ասաց նա:

Ձին պատրաստ էր, ասնձը հորեղբայրը տվեց երեխային, Սիմոնը կոճղից ելավ, ձվերի կողովն Աղունը տվեց Սիմոնին, և հիմա նրանք բոլորը պատրաստ էին ճանապարհ ընկնելու և մի վայրկյան լուռ էին, մի վայրկյան չգիտեին թե իրենք ինչ են ուզում: Նրանք լուռ կանգնած էին իրար կողքի, մի տեսակ՝ ինչպես լուսանկարչի դեմ, մի տեսակ՝ լուսանկարվելու նման, նրանք գեղեցիկ ու համերաշխ էին, այդ կնոջ մտքում քաղաքի որդին արդեն-արդեն միանում էր իրենց

խմբին, բայց այդ կինն սթափվեց, ևս չտրվեց քաղցր երագին – գլխի ցնցումով ևս թոթափվեց այդ տարտամ երագանքից և այդ պահին ասաց ամուսնուն.

– Գնամ գամ՝ քեզ համար մի կոստյում առնենք:– Ապա ավելի սթափվեց,– Գնացինք: Գնացինք, գնացինք: Ուշացնում եք:

Երեխան ձին քաշեց գնաց, ամուսինները հետևեցին նրան: Ադամը բանջարանոցի միջի արահետով գնաց դեպի իր դուռը:

– Ուրեմն ինձ համար էն ինչ էիր բերելո՞ւ,– ասաց Ադամը:

– Ականջավոր գլխարկ:

– Ապրես: Մին էլ...

– Բերանի կապիչ,– ասաց ևս: Մի քիչ հեռանալով ևս կանգ առավ ու նայեց իր տանը: Այգին ու տունուղուռը երևում էին միասին: Եւ հիանում էր իր տնով:

– Սերո,– կանչեց ևս,– երեք օրով քեզ նշանակում եմ ես երկրի մինիստր:

– Պետքս չի:

– Նայիր,– հրապուրեց ևս:

– Պետքս չի,– ասաց երեխան:

– Որովհետև միանգամից սարքած ես գտել,– ծանր լրջությամբ ասաց ևս:– Գնա, քաշիր գնա... դա՛հ:

Եվ այդտեղից սկսվեց նրա հաղթական փոքրիկ շքերթը փոքրիկ գյուղով մեկ:

– Գնացի՞ր,– կանչեց պառավը իր դռնից:

– Շատ մի տխրի, էլի գալու եմ,– պատասխանեց ևս:– Գալու եմ, ապրելու ենք դու հարյուր տարի, ես էլ ինչքան ուզենամ:

– Հա, բարով գնաս բարով գաս,– մաղթեց պառավը:

Դա պառավի խոսքի հետ կապ չունեւ և անհասկանալի էր, թէ ինչու ևս ասաց.– Ե՛ս:– Այս ճանապարհը, որ ևս հիմա անցնում էր բեռնավորված ձիով, երբևէ ևս խելագարի նման էր անցել, և ևս հիմա իրավունք ուներ իր գնացքը շքերթ համարելու: «Էդ ո՞ր, հարս-խանում,– իր համերաշխ ընտանիքի հետ իր շեն դռանը նստած ժամանակին նրան ծաղրել էր Մարտիրոս հորեղբայրը,– Ծմակուտը վայ թե սրտովդ չի»: Մեռած-անցածի դեմ ապրողի հպարտությամբ ևս հիմա ձգվեց ու հպարտությամբ անցավ Մարտիրոսի տան մոտով:

Հարուժ ապևի դուռը բարեկարգ չէր: Նրանց պառավը լարվեց ու մի կերպ ճանաչեց Ադունին:

– Բարև, ևանի,– զնգուն ուրախությամբ կանչեց ևս:

– Բարև, ախչի, էդ՝ Ադունը չե՞ս,– ասաց պառավը:

– Իշխանի աղջիկն եմ, Սիմոնի Աղունն եմ, Արմենակի մերն եմ, զևում եմ Երևան,– բարձր ու զևզուն՝ ասաց նա:

Ժամանակին նրա հորաքույրը բակից ելել ու եկել էր նրա ետևից: Բակը հիմա դատարկ էր:

– Դու ինձանից լավ ապրեցիր,– ասաց նա հորաքրոջ մասին,– բայց տասը տարի է չկաս, բայց զավթիչի համբավդ կա: Բայց ես՝ ինչ որ կամ էս եմ:

– Վո՛ւյ, մի լիրբն էլ հրես,– վստահ, որ նա խուլ է ու իրեն չի լսում, բարձրաձայն ասաց նա Համբո հորեղբոր մասին և ապա ասաց նրան:– Ո՛նց ես, ոնց, ապրո՞ւմ ես, կա՞ս, պատերազմո՞ւ՞մ էիր լավ ապրում թե հիմա:

– Հա ջա՞ն,– ձեռքը ծանր ականջին տարավ ծերունին:

– Ջանդ գլխիդ դիպչի, հողեմ քու փչացած գլուխը,– ասաց նա: Սիմոնը ետ նայեց.

– Ա՛յ ախչի...

– Բանիդ կաց,– ծիծաղեց Աղունը,– պրծել է, հարսի ոտնաձեն, սրտի թայրտոց, աղջկա ծիծաղ եղած-չեղածը լսել պրծել է – խո՛ւլ, ոնց որ գերեզմանոցում լինի:

Հաջորդ բակի մոտ.

– Մանյակ մոքիրը դռներին չի,– բարձրաձայն ասաց Աղունը,– տներում էլ չի լինի, լուսամուտի ետևից ծիկրակելիս չի լինի, չի՛ եղել, չկա՛, չի՛ մերժել մի պարապ, մի դատարկ սովորեցնելը, խալիչայի թել փաթ-տալն ինչ է՛ չի՛ մերժել, անունթունյակ էի:

– Մեղա, մեղա,– սրտնեղեց Սիմոնը և քայլերն արագացրեց, բայց ձին նրա ճանապարհը փակում էր:– Դա՛հ, արագ գնա, այ տղա:

– Կանգնած սպասում է, շուտ արա իրեն հասիր,– ասաց Աղունը, և նրանք երկուսը գիտեին, թե ով է կանգնած սպասում Սիմոնին, և Սիմոնը մի րոպե մեխվեց տեղում, հետո գնաց արագ-արագ:

– Դեռ ազդվում է,– մեկուսի ասաց Աղունը:

Մի թեթև կաղալով-չկաղալով գյուղամիջից գալիս էր փոքր Սիմոնը: նրա տեսքը շատ առողջ էր, ձեռնափայտին նա հենվում կամ չէր հենվում, և Աղունի համար դա արդեն ծաղրատեղի էր:

– Էս ո՞ւր բարով, քուրացու,– հարցրեց փոքր Սիմոնը:

– Գնում ե՛մ,– ծիծաղեց Աղունը,– Երևանից քեզ համար մի ազատ պաշտոն բերեմ: Էս շան տղերքը երևում է քեզ պաշտոնի մոտ չեն թողնում:

– Պաշտոն դու քո մարդի համար բեր,– ասաց փոքր Սիմոնը:– Ոտի վրա էն է հազիվ է կանգնում:

– Իմ մարդը աշխատանքի է սովոր, դու՛ պաշտոնի: Բայց երևի՞ քեզ փետր ձեռք կալել:

– Ցավում է, հա՛յ աստծու,– բողոքեց փոքր Սիմոնը,– ցավում է ես անտերը:

Կարելի էր հավատալ, որ նրա ոտքը իրոք ցավում է, կարելի էր և չհավատալ, Աղունը չհավատաց.

– Որ մի թեթև պաշտոն տան՝ կանցնի՞ ցավդ,– ծիծաղեց Աղունը:

Յետո արդեն Մայայի լքված տունն էր: Նա դանդաղեց այդ տան մոտ, ապա կանգ առավ ու երկար նայեց: Նա լցվեց անհասկանալի մի խղճահարություն, նա արդեն-արդեն լաց էր լինում: Նա տեսավ գյուղական գեղեցկուհուն ու շնչաց. «Շատ էիր լավը... Մեռա՛ծ, ջնջվա՛ծ, սրբվա՛ծ... Չկաս»:

– Բայց մեղավորը դու էիր,– սթափվեց նա:– Դու էիր մեղավոր,– հաստատեց նա և անցավ շտապ-շտապ, փախավ իր խղճահարությունից:

Սիմոնն ու երեխան ձորն անցել էին, գնում էին գյուղամիջի շեկ ճանապարհով, ուր երեխաները ֆուտբոլ էին խաղում: Ինքը դեռ ձորն էր մտնելու, իսկ ձորն ի դուրս վերևի լանջից նրա հայացքն էր խցկվում գերեզմանոց: Նա այդ չէր ուզում, նա շտապում էր, նա գործի էր գնում, բայց գերեզմանոցը խցկվում ու խցկվում էր նրա հայացքը:

– Ամեն մարդ իր կյանքն է ապրում,– դեռ գնալով ասաց նա:

– Դուք մեռել եք, ես գնում եմ Երևան, ես գործի տեր եմ, ես դեռ գործ ունեմ, շատ գործեր ունեմ,– ասաց նա:

– Ով ինչ ուզում է՝ էն է լինում, ուզենայիք՝ ապրե՛ք,– ասաց նա:

– Քուսա կերանք, խոտ կերանք, ծեծ կերանք, կռիվ կերանք...

– Բոլորդ հող դարձաք,– կանգ առավ նա:

Նա տեսավ պատերազմի ժամանակվա լուսավոր սպիտակ կալը և կանանց երամը՝ իր հասակի բոլոր աղջիկ-կանանց՝ թաթուն ծիծաղկոտ, թաթուն տխուր, թաթուն մի բանի կարոտ: «Կուրանամ ես,– շնչաց նա.– մուրացկանի, հաց ուզող մուրացկանի պես վիզները ծո՛ւռ... Ես թփի տակ, էն մարագում... մի քի՛չ, խնդրելով, գերի՛ – պիպոս Եգորից սեր էիք ուզում... Կուրանա՛մ ես... Թաթուն արյուն տալով, թաթուն արյուն տալով քանիսդ գնացիք»: Մայան կանանց մեջ գատվում էր (Մայան եղանով խուրձ էր տալիս դեզի գլուխը), և նա սթափվեց ու գնաց: – Որովհետև լավը չէիք,– հիմա արդեն առանց խղճահարության ասաց նա:

Երբ նա ելավ գյուղամիջի ճանապարհ, ուր երեխաները ֆուտբոլ էին խաղում, նա իրեն դեռ այստեղ այս աշխարհում չէր գգում և այդ խաղն ու այդ երեխաները նրան խորթ էին:

Գյուղամիջում՝ հին ակումբի, հին գրասենյակի, խանութի հրապարակում զոհվածների հիշատակին հուշարձան էին կանգնեցնում: Դա որձաքարե սրբատաշ հուշայայուն էր, որի պատվանդանին վարպետը փորագրում էր անունները, որոնք շատ էին: Տղերքը շաղախ էին անում, խրամատներում բետոն էին թափում, քար էին կրում, հող էին մաքրում – աշխատում էին իրար չխանգարելով, դա լավ կազմակերպված համերաշխ գործ էր: Մի երկու հոգի գարեջուր էին խմում: Ավտոկոռուների մոտ առանց աթոռների սեղան էր դրված, վրան ուտելիք ու խմելիք: Դա ծանոթ հրապարակ էր, դա իհարկե իրենց գյուղն ու գյուղամեջն էր, աշխատողները այստեղացի էին կամ ծնունդով էին այստեղացի, բայց դա Աղունին խորթ ժողովուրդ էր: Նրան օտար էին նրանց մերկ աշխատելը, հագուստի ձևերը, քաղաքայնորեն լիքը մարմինները: Չնգուն–գվարթ «կառավարիչ» Աղունը այդ ժողովրդի մեջ ժպիտով մտավ, ժպիտը մինչև վերջ էլ չկորցրեց, ճիշտ է, բայց ակնհայտորեն շփոթված էր, ոչ ոքի, մինչև սիմոնակերպ մեկին հանդիպելը, նա չհամարձակվեց հարց տալ,

սիմոնակերպ այդ մեկին էլ դիմեց շշուկով. «Անոշ, ես ի՞նչ բանի եմ»: «Տղերանցն արձան եմ դնում», ասաց այդ սիմոնանմանը: Աղունի հետ սա եկել նայում էր փորագրված անունները:

– Եղ ի՞նչ ես նայում, Աղուն քույրիկ,– խանութի բազրիքին կռթնած՝ կանչեց Աղունի սերնդի մի տղամարդ:

Աղունը գտավ իրեն: Այդ խորթ միջավայրում Աղունը գտավ իրեն հասկանալի մեկին և գտավ ինքը իրեն:

– Ով որ զոհվել է՝ ես է,– ասաց Աղունը:– Իսկ ով դիմացե՞լ է – դու, Սիմոնը, ես, Շուշանը, Գուհարը, կնանիքը, կամ՝ ով էստեղ է զոհվել:

– Հա, մեզ էլ եղ է գերեզմանոցը նվեր,– բազրիքին հենված՝ ասաց ծեր տղամարդը:

– Հավերժական,– պահանջեց Աղունը:

– Խի,– ասաց տղամարդը,– գնացին երեխա-երեխա կտորվեցին, Էն խեղճ երեխեքից հետո եսքան մինչև հիմա էլ ապրում ենք, եղ քի՞չ հավերժական է:

«Ա՛յ ախչի», եկավ Սիմոնի ձայնը:

Սիմոնը կանգնած էր դպրոցի մոտ պտտածողի կողքին:

– Մեր պապը իրեն ձի է նստել գնացել Կողբից իրա համար նոր կնիկ բերի,– ծիծաղեց տղամարդը:– Դեռ ապրելու ենք:

Աղուները դուրս եկավ շինհրապարակից:

Դպրոցի մոտ պտտածողի կողքին Սիմոնն ու երեխան սպասում էին: Այդ բարձած ձին, այդ Սիմոնը և այդ պտտածողը միմյանց անհարիր էին, և մի վայրկյանում նա լցվեց ծիծաղով:

– Կարա՞ս թռչես պտտվես,– ծաղրուծիծաղով կանչեց նա, և Սիմոնը նայեց պտտածողին, հեռացավ պտտածողից և մի րոպե իր կանգնելու տեղը չէր գտնում: Երբ Սիմոնը դարձյալ նայեց ճանապարհին՝ Աղուները ճանապարհին չէր, չէր երևում:

– Ի՞նչ եղավ, այ տղա, մերդ:

Ճանապարհը դատարկ էր, հետո Սաքոյի տան անկյունից դուրս եկան Աղունն ու Սաքոյի կինը և գնացին խանութ:

– Այ ախչի,– կանչեց Սիմոնը:

Չշրջվելով՝ Աղուները ձեռքով սպասելու նշան արեց, և նրանք շտապ-շտապ գնացին: Նրանց ու Սիմոնի արանքի բակում մի աղջիկ քամուն ցորեն էր տալիս: Ոտքերով ու ձեռքերով սյանը փաթաթված երեխան ուզում էր պտտածողին բարձրանալ:

– Պոկում ես, այտա, շորերդ:

Սյանը կառչած երեխան ասաց.

– Ինչի՞ս է պետք որ... մեկ է Երևան չի տանելու:

Սիմոնը երեխայի վրա էլ սրտնեղեց.– Ա՛ն՛ն...

Աղունն ու Սաքոյի կինը խանութից ելան, եկան, բաժանվեցին, Աղունն ուրախ էր գալիս, գործը հաջողել էր, հետո Աղուները դանդաղեց ու կանգ առավ:

Հիացած Աղուները դանդաղեց ու կանգ առավ քամուն ցորեն տվող աղջկա դեմ.– Աղջիկ ջան...– Պիևդ ոտները ցորենի շեղջի մեջ աղջիկը քամուն ցորեն էր տալիս:– Աղջիկ ջան...– հիացավ Աղուները: Աղջիկը խախալը վար բերեց ու նայեց գլուխը մի քիչ թեթած: Նա հասկանում էր, որ Աղուները հիանում է իրենով և թույլ էր տալիս, նա կարողացավ նրա հայացքի տակ ավելի լավանալ:– Քեզ ուզող տղեն ծմակուտ չի,– ասաց Աղուները,– ծմակուտ քեզ արժանին չկա, ականջիդ օղ արա: Բախտը, սերը լույսի պե՛ս սև գեշերի վրա է իջնում ու քեզ նման լույսն էլ բաժին է ընկնում մի բերանը կապածի: Արմենակի նման տղին Երևան ով դիտի ով է չանթել...

Այդքան գեղեցիկ բաներ էն հի՛ն, իր աղջիկ ժամանակներում էին պատահել, ինքն ու Սիմոնը Վանքերից դալիս էին ծմակուտ, Մարցի այգիներում ինձորաքաղ էր, ծառերի տակ գեղեցիկ երեխաներ ու հարսներ էին, ինձորը շեղջ էին արել: Հեռվի գետում հարսներ ու աղջիկներ էին լողանում, հարսներից մեկը սրբում էր սալ քարի վրա նստած իր երեխային՝ որ դողացնում էր:

Ինքն ու Սիմոնը բաց, ուղղակի բաց երկնքին նայող պատերի մեջ, մի անկյունում մի ծածկ էին արել մի կարպետով, նրա տակ թախտն էր, թախտին՝ հիվանդ Սիմոնը, երեխան՝ վարպետի գոգին, մյուս անկյունում կրակին ճաշն էր, ինքը ճաշ էր բերում, անձրև ու արև էր, ինքը սարսռում, բայց ժպտում էր այդ արև-անձրևի համար, և չէր հասկանում, չէր հասկանում, որ նեղության մեջ է: Եվ Սիմոնն էլ չէր հասկանում, և ծեր, բարի վարպետն էլ չէր հասկանում: Նրանց պարզ ճաշը նա խոնչային նրանց առջև դրեց, և կարծես ոչինչ պակաս չէր, հետո երեխային առավ վարպետի ձեռքից, արև-անձրևի տակ քաշվեց բաց պատերի մի անկյունը՝ թիկունքը դեպի մեծերը, երեխային կուրծք տալու, և անձրև էր կաթկթում ծոծրակին, կրծքին, բայց ինքը ծնկած կուչ էր եկել իր երեխայի վրա և լուռ զրուցելով ու լուռ երջանկությամբ կերակրում էր երեխային: Հետո արդեն կալի իրենց խումբը սպիտակ կալի չոր փոշուց ու մղեղից կուչուհուպ գալով զնաց դեպի գետ, հանգիստ զնաց դեպի գետ, մոտեցավ գետին, սուլեց, քար շարտեց փախցրեց լողացող տղա-երեխաներին, նրանք շորները թևների տակ առան ու փախան,– «Դե, կորի հա, կորի»,– ապա խումբը գետի ներկայությունից ծղրտաց, ուղղակի ճչաց ու թափվեց գետը հենց այդպես շորերով, ապա շորերը փռված էին խոտերին ու սալերին, իրենք մերկ էին լողանում, մերկ՝ պառկոտած էին քարերին, թաց Մայան սալ քարերի վրայով գալիս էր պիրկ ու գեղեցիկ ու սարսռալով...

– Դու քու ազնավուր տղին ես սպասում, աղջիկ ջան: Չի գա, ազնավուրները սևերի բաժինն են: Քու տեղը համալսարանն է, աղջիկ ջան, թե չէ կգան կիսնդրեն, կտանեն կկապեն ոտներդ երեխայի փալաս-փուլուսով ու չեն էլ հիշի՝ որ լավն ես եղել: Զեզ Արմենակի պես տղա է պետք կամ հենց Արմենակն էր պետք...– Այդ պահին նա հիշում էր թաց Մայային, և տեղնուտեղը բողբոջ էր դեմ.– Ոչ, Սիմոնն ինչ է, որ Սիմոնից ելածն ինչ լինի:

– Ա՛յ ախչի,– եկավ Սիմոնի ձայնը:

– Զեզ մի լավ ամուսին,– լաց եղավ նա ցորենի շեղջի մեջ կանգնած աղջկա դեմ,– քեզ մի մե՛ծ, լուսավոր, քեզ մի կանաչ բախտ եմ ցանկանում...

Նրա տխրությունը, այդ գեղեցկության առաջ խեղդող լացը մինչև ամուսնուն ու երեխային հասնելը տևեցին: Այստեղ արդեն նա նախկին գործնականն էր:

– Գնացի՞նք,– կարգագրեց նա:– Ինձ բարի ճամփա, քեզ էլ բարի մինիստրություն երեք օրով, Սերո ջան, գամ տեսնեմ էն ճաշերն էնպես էլ թթվել են, մուրաբաների վերջը տվել եք դու ու քո հերը: Ուրուրը հիմա հավերը տարավ, շուտ:

Երեխան ետ դարձավ գնալու: Երեխան գնում ու լացից ծամածռվում էր, և նա գիտեր, որ երեխան լաց է լինում՝ թեկուզ երեխայի թիկունքից չէր զգացվում նրա լացը, և երեխայի տնազով ասաց մոտավորապես այն բառերը, ինչ հիմա երեխան էր ասում.

– Իրենք գնում են Երևան, ինձ հավի պահակ են դնում, կարծես իրենց հավերի պահակն եմ:

Սիմոնը խղճում էր երեխային: Սիմոնը անհամարձակ խնդրեց.

– Տաների, էլի, ախչի, հետո մի երկու օրով:

– Ունեցածը՝ քաղաքին, ծնվածը՝ քաղաք, ոտուձեռից ընկնենք՝ էգուցվա օրն անտեր ենք մնալու, քաղաքի համը դա թող չառնի: Բա ինչի՞ էիր ասում Սաքոյի պարտքը վաթսուն է,– սիրով ու հեզանքով ամուսնուն դարձավ նա:

– Ախչի, առա՞ր,– զարմացավ Սիմոնը:

– Չէ, թող արի մտահան անեն ու ասեն ի՞նչ վաթսունհինգ:

– Ախչի,-- պատմեց Սիմոնը,– ռադիոն Արմենակից գրվածք էր տալիս՝ տղերքը բռնեցին, թե մի արաղ ունես: Խանութից պարտքով մի արաղ առա, էդ հինգը խանութին էի տալու:

– Պաշտոնավոր, ուսող-խմող, գեղամիջի ամուսինս,– ժպտաց նա:– Տեսա՞ր ինչ աղջիկ էր:

– Հայկինն է՞ր, ախչի:

Աղջիկը Հայկի աղջիկն էր, Աղունը հաստատեց իմիջիայլոց, արդեն իր մտքերի հետ էր:

– Ռոովհեստե հեղինակություն չունես,– միանգամից ասաց նա:

Ամուսինը սայթաքեց, քիչ մնաց ընկնեք:

– Էդ ոնց ես գալիս,– ասաց Աղունը:– Թեկուզ ինքը բանաստեղծ է ու դու ոչ ոք, բայց դու նրա հերն ես, դու պիտի ասեիր՝ «ես հարմար եմ տեսնում Հայկի աղջկան», ու ինքը պիտի ասեր հորս կամքն է:

– Հայկի աղջկա՞ն,– մի թույլ քաղցր երանության տրվեց Սիմոնը:

– Գյուղում՝ գյուղացի, տեսքը՝ քաղաքի, առողջությունը, աչքունքը, ամառն էլ ծով չէին գնա, կգային էստեղ:

– Ա դե,– հանկարծ բողբոջեց Սիմոնը,– լեզուն երկու մետր է:

– Ձեր կողքին ով էլ լինի՝ լեզուն երկու մետր է լինելու, քանի որ դուք անլեզու եք, ձեր շահն ուրիշն է պաշտպանելու: Էդ ոնց ես գալիս, վայ թե ծանր է:

– Ես եմ ծանր, ես,– ասաց Սիմոնը:

Դեմի բաց լանջի արահետին, տնից մի քիչ հեռու, մի աղջիկ էր նստած, նրա կողքին մի տղա էր պառկած, տղայի գլուխը աղջկա ծնկներին էր, նրանց մոտ ռադիո կար, երգում էր:

- Ծանր ես՝ հիմա էլ ասա ծանր եմ, բանելու կարողություն չունեմ, մի ղեկավար, մի թեթև պաշտոն ուզիր,- ասաց Աղունը:

- Ի՞նչ ղեկավար:

- Մարդկանց ղեկավար, Սիմոն,- բացատրեց Աղունը,- ով բանելու կարողություն ունի, ով ծանր չի՝ նրա ղեկավար: Ես քարն Եստեղ դրեք, Ես սյունն Եստեղ տնկեք, Ես գործն Եսօր սկսեք, Ես Էգուց:- Նա կողքի՝ Սիմոնին նայեց թեթև հեգնանքով. նա Սիմոնից «ղեկավարություն» էր սպասում: Սիմոնը կարծես թե մտածում էր, «ղեկավարությունը» նրան կարծես թե դուր էր գալիս:- Զը,- արեց Աղունը:

- Ի՞նչ է:

- Մի թեթև պաշտոն, մի հիևգ մարդու ղեկավար:

Սիմոնն իրեն ծաղրեց.

- Կորցրու դենը, ափսոս չի՞ ուրագը:

- Իհարկե ուրագը,- ծիծաղեց Աղունը,- իհարկե փետը, իհարկե քարը, իհարկե ձեզ նման անխոսները:

- Բա չէ,- ասաց Սիմոնը,- Մելըբանց մեծառեփների հետ գլուխ դնեմ:

Անցնելուց առաջ ձին հոտոտեց կամուրջը:

- Դահ, գևա-գևա, Սիմոնն է սարքել, վարպետն է սարքել, ինչ տալիս են՝ էն է սարքում, գևա:

Վերևի բաց լանջին պառկած տղամարդը վրա նստեց:

- Բարի օր,- զնգուն գվարթ՝ կանչեց Աղունը:

- Բարև, մոքիր,- պատասխանեց տղամարդը:

- Ա վայ թե էդ աղջկան նեղացրել ես,- կանչեց Սիմոնը:

- Չէ, բեռի,- ծիծաղեց տղամարդը,- ինչքան ուզում եմ նեղացնեմ՝ չի լինում, բան չի դուրս գալիս:

- Զամով է՞,- ծիծաղեց Սիմոնը:

- Դեռ համով է,- ծիծաղեց տղամարդը,- համը տեսնեք երբ է հանվելու:

- Վռագիլ մի,- ասաց Սիմոնը,- ժամանակ շատ կա:

- Էդ ո՞ւր Էդպես տնով-տեղով,- կանչեց տղամարդը:

- Արմենակը քու ցավից ազատ է, գնում ենք գլուխը յուղենք գանթ:

- Վախիլ մի, աղջիկ ջան, դրանց տղերքը լավ տղերք են, քեզ լավ կպահեն,- զնգուն-գվարթ՝ կանչեց Աղունը, ինքը սակայն իր հոգսերին էր դարձել:- Մարդիկ ծափ են տալիս՝ երկնքից ոսկի է թափվում - դու դեռ՝ ուրագ, դու դեռ՝ ափսոս չե՞ն քարուփետը: Ծուտ-շուտ արի... դեսը տուր էդ ծղիկը:

Սիմոնը կողովը չտվեց:

– Պիպոս Եգորն աղվես է, պուճուր Սիմոնը գլուխ պահող է, մյուսը պաշտոնահաջ է տալիս, մեկելը Կիրովական տներ առավ – դու չես հասկանում, որ խորամանկությունն էլ խելք է. ով գլուխ ունի խորամանկ է, ով գլուխ չունի՝ ուրագին ու կացնին է անում քեզ ու քո ախպեր Ադամի պես ու քո տղա Արմենակի նման: Խի՞, սա ապրո՞ւստ է՝ որ տալիս ենք, խեղճ երեխաս գրո տեղից է սկսելու, քանի որ հերը գրո է:

– Էէէ,– սրտնեղեց Սիմոնը,– դե կգրի կստանա, էլի:

– Դու ուրագին-անելով ինչ ես ստացել, որ նա գրելով ինչ ստանա:

– Իմն ուրագ է, Եղբանը չես հասկանո՞ւմ:

– Նույնն է,– կտրեց նա:

– Եդ է հասկացար, «նույնն են»:

– Նույնն են,– առարկություն չվերցրեց նա:– Ինչ որ ասում եմ լսիր, քանի որ ես մտածելով եմ խոսում, իսկ քու գլուխը մտածելուց ցավում է: Գիտե՞ս երբ լավ կլիներ,– ասաց նա և ակնկալիքով նայեց ամուսնուն ու հուսահատվեց:– Եստեղից,– խոսքը փոխեց նա,– քո մերը ոտները հանում էր ու ծնկներով– ծնկներով մինչև... ճակատը գետնին տալով, Սիմոնիս համար, Ադամիս համար, Ակոփիս... բանակից հանրայիններ էր բերում, այսինքն՝ ուրիշի համար աշխատողներ, Եդ իմաստով, ուրիշ մտքով չեմ ասում, չկատաղես:

Սիմոնի բարկությունը չբռնկվեց, և Աղունը ժպտաց.

– Ծնկներով-ծնկներով ես էլ կգայի, բայց Եստեղից մինչև տուն, այ Եստեղից, Նախշուն կովը մի օրում տարա, այսինքն ժամանակ չունեի: Հասավ ու ծնեց,– մի վայրկյան նա տրվեց հին հուշին, պայծառացավ:– Սիրո՞ւն հորթ էր բերել:

– Բան էիր ասում,– ասաց Սիմոնը:

– Ասե՞մ որ: Մի հրահանգիչ, արյունով Արզումանյան, գործկոմ, խելքն ու շնորհքը տեղը ամուսին դիր կողքիս՝ ասեմ, թե չե քեզ ինչ ասեմ, Սիմոն ջան, ուրագի գոռով կարա՞ս մի բարյացակամ ստեղծես Արմենակիդ համար:

Սիմոնը ճգնեց ու չհասկացավ:

– Ասում էիր կովը հասավ ու ծնեց:

– Կով է՛ կծնի: Տղայիդ օգնելու մասին է խոսքը:

– Այտա,– նեղացավ Սիմոնը,– հիմա էլ Արմենակն անօգնական դառա՞վ:

– Դու էլ ես հասկանում, որ անօգնական է, բայց ձեռիդ շնորհք չկա, ասում ես անօգնական չի:

– Ի՞նչ անեմ,– ասաց Սիմոնը,– գործը թող փոխի: Ես կերուխումի մեջ ում է պետք նրա գրելը:

– Ձեռն ուրագ առնի՝ ասում ես:

– Դու ի՞նչ ես ուզում իմ ուրագից, այ ախչի:

– Էն եմ ուզում, որ գործը փոխելով չեն գործ անում: Գործ, Սիմոն, իրենց փոխելով, իրենք իրենց փոխելով են անում: Մի ոչխար մորթիր, ասա հա, կտրատիր, ասա չեմ ունեցել, ասա ունեցել եմ գելը կերել է, կտրատիր, աղուսոխ արա, տար դիր մի աղբյուրի մոտ մի ծառի տակ, գևա գյուղամեջ, գանգ տուր Երևան, ասա՝ իմ Արմենակի ընկերներն եք, գյուղացի մարդ եմ, ձեր գրածներից բան չեմ հասկանում, մտքովս անցել եք ուզում եմ գյուղավարի ձեզ պատիվ տամ մի ծառի տակ, մի ավտո լցվեք եկեք: Ասա հա: Մտիր խանութ մի երկու կոնյակ–լիմոնադ առ, տար դիր աղբյուրի ջրում: Թող գան ուտեն, հացը ճամփա է բացում, Սիմոն: Ասա՝ գյուղացի մարդ եմ, ձեր գրել–մրելն ինձ պետք չի, Արմենակիս ընկերներն եք, մտքովս անցավ:

– Ախչի՛,– զարմացավ ու հիացավ Սիմոնը:

– Ոսկին ծափով էդպես է թափվում: Սիմոն, թե չէ ասում են ոսկի՝ ոսկի էլ հասկանում ես, ասում են ծափ՝ ծափ ես հասկանում: – Նա միանգամից թեքվեց ճանապարհից, ձեռներով ու ծնկներով կառչելով ելավ ճամփագլուխ խաչքարի մոտ: – Թեկուզ ինքը մի բան չի Վանքերա սուրբ Սարգսի մոտ, բայց կարող է խանգարել, օգնողս քիչ է, խանգարողս շատ:– Նա կիսախաչակնքեց-կիսահամբուրեց խաչքարը, կարծես աղոթքի մի երկու բառ ասաց և խոսել շարունակելով իջավ ճանապարհ, ուր Սիմոնն սպասում էր կողովը ձեռքին:– Կգան կլափեն, կթափեն, կջարդեն, կծիծաղեն, կկարծեն ոչխարը հանդի պտուղ է՝ ծառից է կաթել, երգելով ու ետ տալով կգնան ու չեն տալի, քանի որ Արմենակն ինձ նման հաստակող է, քեզ նման՝ խեղճ: Ի՞նչ եք ուզում դուք ինձանից, բերել եմ, պորտներդ կտրել տվել եմ աշխարհին՝ գնացեք ձեզ համար ապրեք, ի՞նչ եք ուզում դուք ինձանից: Ես մեծ, լեն աշխարհում ի՞նչ եք պտտվում, գալիս դեմս գերի լինում, ես ձեր հոգսատարն ե՞մ:

Սիմոնն անհանգստացավ.

– Լավ, Աղուն ջան, լավ, ճամփի վրա ես, քեզ մի հիվանդացրու:

– Էն քածն էլ Էնտեղ է աստծու օրը ծեծուջարդ ուտում Էն լակողից, աշխարհի աղեն կտրել էր՝ Էն լակած ժանգոտի հետ էր փախչելու:

– Ծեծում է՞,– կանգ առավ ու չհավատաց Սիմոնը:

– Բա ի՞նչ է անում,– կատաղությունից լաց եղավ Աղունը:

– Որովհետև լեզուն երկու մետր է,– բռնկվեց Սիմոնը, թափով առաջ նետվեց, սակայն՝ միայն մի պահ, նա դարձյալ դանդաղեց, իսկ կինը լաց էր լինում ու խոսում էր.

– Էլ գործուպաշտոն չկար՝ գնալու էին թուղթ կրծեն, ինչի՞ համար, ո՞ւմ ինչ վատություն եմ արել, արածս ո՞ր լրբության ու գողության ու խաբեբայության ու անամոթության ու գռվողության համար:

– Լավ կլինի, լավ,– ասաց Սիմոնը:

– Էն խեղճ հորըդ քարն ես է տասը տարի է ճամփին ծանըր ընկած, ամեն տեսելով գետինն եմ մտնում, անցնող-դառնողը վրան նստում պապիրոս է քաշում ու թթում: Էն խեղճ մերըդ ես քանի տարի է տնքում ու քարշ գալիս, կարող է մի պարսպ պատճառից է, մի անգամ մտե՞լ ես մի բժշկի թև, բերել ասել՝ մերըս է, նայիր, բժիշկ ջան... քո՞ մերն է, իմ մերը չի, ես մեր չեմ ունեցել:

– Ճամփի վրա ես, քեզ մի հիվանդացրու,– հորդորեց Սիմոնը, նա սակայն առանց այդ հորդորի էր արդեն խաղաղվում:

– Էն կովն էստեղ էլ նստեց,– քիթը վեր-խմելով հիշեց նա: Նա ցույց տվեց կովի նստած տեղը:– Գլուխը դեսը...

– Նախշուն կո՞վը,– ասաց Սիմոնը:

– Մարդ ու անասուն իրարից հիշողությունով են ջոկվում, ես հիշողություն ունեմ,– խաղաղ ասաց նա, ապա միանգամից բռնկվեց.– Ոչ, կովը չէր, ես էի: Ես էի, նստեցի ու էլ չկարողացա վեր կենամ: Ոչ շալակով, ոչ էլ առանց շալակի: Ջաղացները սառած էին, գետով-գետով գնացի մինչև Մարցա ջաղաց...

– Ախչի՛...– զարմացավ Սիմոնը:

– Ու որ գիշերվա բերանը չընկնեմ՝ մի շնչով հասա էստեղ: Ես էլ չհասկացա ոնց հասա: Նստեցի ու սառա: Շորերս հագիս սառան: Զսանհինգ կիլո այլուր էր:

– Ես մի փուլ էի թողել,– ասաց Սիմոնը:

– Կալից գոգնոցով-գրպանով-բռնով բերել էի, երեսուն կիլո հատիկ էր:

– Յետո՞:

– Յետո բանակից դու եկար: Ասիր՝ Էն աղջիկն Էստեղ բռան տակ սառել է, ոչ Էն է մահ է ոչ Էն է քուն, վեր կացար բանակից եկար... ուրիշների համար:

– Դե լավ, էլի,– խնդրեց Սիմոնը:

– Յետո՞... ես ինձ վեր կացրի... քարով ես իմ ոտին տվի... իմ կոճին քարով ես խփեցի ու շան պես կլանչելով վեր թռա: Յետո՞... քեզ հետ գրուցելով հիմա գնում եմք: Տանում էի՝ որ տուն ունենայիր, երեխա, հացի հոտ, կրակ-ճրագ: Էդ քառասուներեք թվի

ծմեռն էր, քառասունհինգ թվին էր հացից դու եկար կերար: Կերար, շնորհակալ եղար ու քեզ տվիր էս լրբով:

– Դե լավ, էլի,– խնդրեց Սիմոնը:

– Դե լավ, էլի,– զզվեց նա:– Դու քո շահը չես հասկանում, լրբի ու գողի ու փչացածի էս աշխարհում դու ո՞նց չես ուզում քեզ մատով ցույց տան՝ թե էս մարդն ասի փչացած չի, լիրբ չի, գող չի – մաքուր է, իր ճամփան մաքուր է գնում:

– Դե լավ, էլի, դե լավ, էլի,– խնդրեց Սիմոնը:

– Դեսը տուր,– նա նրա ձեռքից խլեց կողովը,– ես սովոր եմ կտանեմ: Ես քեզ հետ ճամփա գնա՞մ:

Սիմոնը տեղում քարացած էր: Աղունը գնում էր թվում է անդամնալիորեն, ամուսնու հետ թվում է այլևս գործ չուներ, բայց կիսաշրջվեց և ուսի վրայով շարտեց.

– Գնա, ինձ պետք չես, ում որ պետք ես՝ գնա նրա մոտ, փափուկ ձվածեղն արել, քեզ է սպասում:

– Տո խիղճ ունեցիր,– ծղրտաց Սիմոնը:

– Կատլետ կտա,– քիչ հետո ետ շարտեց Աղունը:

– Այ ախչի...

– Տանը գետիկը տախտակել կտա,– քիչ անց նետեց Աղունը:

Սիմոնը դեսուդեն նետվեց, սալ քարերի վրա սայթաքեց ու այդպես էլ վեր չկացավ: Մի փոքր անց նա կարողացավ նայել – դեմի լուսավոր, արևոտ բլրին, ճանապարհի ոլորանում, Աղունը հասել էր ձիուն, գնում էր ձիու ետևից:

Սիմոնի գլուխը դժժում էր, Սիմոնը զզվում էր ամեն ինչից, ոչնչի չէր նայում, ոչինչ չէր տեսնում և չէր ուզում հիշել քիչ առաջվա իրենց խոսքերը: Այդպես նստած էր, ապա տեսավ ծառը և ծլթոցով թթեց, իսկ հետո նկատեց, որ նստած է այն ծառի դեմ, որին տարիներ առաջ տղերքը գրել էին ռազմաճակատ գնացողների իրենց անունները: Մի պահ, վրիպման պես, բռնկվեց իրենց հևօրյա շարքը՝ «դիվիզիա, ստանալիս»:

– Երանի ձեզ և ոչ թե մեզ,– ասաց Սիմոնը:– Ինչ լինում է ապրողներիս և լինում, մեռնողներիդ բան չի լինում, էս է մեռնում պրծնում եք: Ես քարին թե բան է լինում, Ես քարը թե բան է զգում, բան է տեսնում, բան է հասկանամ՝ դուք էլ: Ներողություն իհարկե, որ ասածուն դուր չեկող բաներ եմ ասում, բայց էդ է: Որ մեռնում են բոլորը միասին պիտի մեռնեն, թե չէ ձեր որբևայրիները, որբերը, փետը, խոտը, հոգսը... Մուրացկանի պե՛ս...

Նա վեր թռավ ու թափով գնաց.

– Փչացած շան որդի, որ լիրբ ես՝ լիրբ ես, էլ ինչ ես փետը, խոտը, հոգսը...

Եվ նրա հիշողության մեջ արդեն բացվել էր սկսում իր մի կենտ սիրո ամառը:

Խանութից հաց էր վերցրել, չորս հատ հացը դրեց խուրջինի մեջ, խուրջինը դրեց սայլին, բարձրացավ մտավ խանութ, խանութում շաքար էին տալիս: Ժողովրդի տրամադրությունը լավ էր, ինքը նույնպես մի տեսակ ոգևորված ու ուրախ էր: Մելըբանց մեծաբերանը պատմում էր, թե ինչ է ասել Օսեփանց Մինասը քաղաքում.

– Ասել է՝ աղջիկ ջան, ի՞նչ տանք կնկա եդ շորին: Ասել է՝ տասնհինգ ռուբլի: Ասել է՝ դատա՞րկ: Բա չէ – լիքը: Հիմի քու շաքարն է,– ծիծաղելուց հետո ասաց Սպանդարը,– երկու ռուբլի:

– Խի, հետն էդ ի՞նչ էինք տալու,– ասաց գործակատարը:

– Նրանից, Էն բանից՝ որ քաղաքում շատ կա, գյուղում չկա,– ծիծաղեց մեծաբերանը:

– Գյուղում էլ կա, ուշքդ վրադ պահիր՝ կնկատես:

– Կարող է կա, բայց վարպետ Սիմոնի համար է, մեզ համար չի:

– Ավել-պակաս քիչ խոսիր,– այնքան էլ չնեղացավ Սիմոնը և գործակատարին խնդրեց,– Ընկեր պետ:

– Առանց հերթի՞,– համաձայնեց գործակատարը:

– Մելը սարն է գնում,– խնդրեց Սիմոնը:

Շաքարը երկու կիլոյից էին տալիս: Սիմոնը վիզը թեթեց.– Ընկեր պետ,– և գործակատարը ժողովրդին հարցրեց, մի տեսակ կոչ արեց.

– Ժողովուրդ, մեր վարպետն է, ի՞նչ կասեք, արժե՞:

– Մեր վարպետն է, տուր, արժե,– ասացին կանայք, և մեծաբերանը դարձյալ ծիծաղեց.

– Կնանիքը տվին: Բա որ ասում եմ վարպետ Սիմոնի համար է, ասում եք հիմար-հիմար քիչ խոսիր:

Չորս կիլո շաքարը Սիմոնը սայլի վրա խուրջին դրեց – Մայան նույնպես սայլվորի հետ բան էր զրկում:

– Սարում դո՞ւ ով ունես, ախչի,– գլուխը կախ իր գործին անցողիկ հարցրեց Սիմոնը:

– Մեծս սարվոր է,– ասաց Մայան,– ոչխարին օգնում է:

– Մնացել ես փոքրերի հետ,– խուրջինի բերանը կապելով ասաց Սիմոնը:

– Փոքրերին էլ քեռնց եմ դրկել,– մի տեսակ՝ կռվելով, մի տեսակ՝ հակադրվելով ասաց Մայան:

– Պահո,– կատակեց Սիմոնը:– Դե ասա ստերջ ես մնացել, էլի, իսկական մարդի գնալուդ ժամանակն է:

– Զո եդ կատակները տար քո Աղունի հետ արա: – Մայան չկոպտեց, չվիրավորեց, ընդհակառակը՝ ասելուց առաջ մի տեսակ իգացավ, մի տեսակ փափկեց, բերանը շարժեց անխոս, հետո ուրեմն ասաց «քո եդ կատակները», պապ գնաց խառնվեց ակումբի դռան ժողովրդին: «Պահո՛», արեց Սիմոնը, և համարյա թե երեխա սայլվորը սայլի գլխից ամաչելով ժպտաց:

Ակումբում կինո էին ցույց տալու: Փողով չէր, ցուցակով էր, ներս մտնողների անունները գրում էր Վարդուշը: Սիմոնը նրա հետ էլ կատակեց.

– Ախչի, դու դեռ էնպես ե՛ս...

Այդ կատակը ժողովրդի բերանն ընկավ, և ծիծաղի մեջ ամեն մեկը իր կողմից մի բան ավելացրեց, մինչև որ Վարդուշը լաց եղավ.

– Ախչի, եդ ումի՞ց ես թռցրել:

– Ձմերուկի կորիզ է կուլ տվել:

– Էն աստոծը, ես տեղյակ չեմ, ինձանից չի:

– Տո դու ինչ ես՝ որ քեզանից լինի, – այդ մեկին պատասխանեց Վարդուշը:

– Թե բան չեմ եդ ինչի՞ ես երազում տեսնում, հը՞:

– Լավերը Յիսուսի դեմ ջարդվել են, մնացել ես դու – դրա համար եմ տեսնում, – կռվեց Վարդուշը:

– Բայց հո տեսնում ես, – ասացին: – Ուխա՛յ, – արեցին, և գեր, շորերի մեջ չտեղավորվող Վարդուշը լաց եղավ:

Կինոն սկսել էին, արտասովոր Վարդուշը նստեց Սիմոնի կողքին, և Սիմոնը գրկեց նրա թիկունքը, ասաց՝ որ կատակ է արել, կատակից կծիծաղեն, լաց չեն լինի («Կատակ էր, կատակից բա կծիծաղե՛ն թե լաց կլինեն»), և ժողովրդի համար դա էլ առանձին նյութ դարձավ, գոռացին.

– Սիմոնը Վարդուշին կազմակերպե՛ց...

– Սիմոնը Վարդուշին մոբլիզացրե՛ց...

Սիմոնը ետ նայեց – ժողովուրդը կատակում էր, բայց Մայան մի ուրիշ տեսակ էր նայում: Երբ կինոն վերջացել էր և դրսի մթան մեջ ժողովուրդը ցրվում էր, կնոջ մի ձայն հարցրեց.

– Վերի թաղից ո՞վ կա եկող... Սիմոն, չես գալի՞ս: Մայան էր:

Գերեզմանոցի ձորում ասաց. «Գերեզմաններից վախենում եմ», ու մտավ Սիմոնի թևը: «Ես կողքիդ՝ ինչի՞ց ես վախենում», ասաց Սիմոնը: «Դու քո Աղունիկն ես, ես էլ էսպես անտեր շան պես սրա-նրա թևի տակին», ու սեղմվում էր, սեղմվում էր Սիմոնին: «Դե հետո՞ բերեիր երեխեքից մեկին», ասաց Սիմոնը: «Երեխեքը քեռոնց են՝ ասացի», ու սեղմվում էր, սեղմվում էր Սիմոնին: Եդ ինչքա՛ն էր ջղային, Եդ ինչքա՛ն էր անհամբեր, Եդ ինչպե՛ս էր միաժամանակ

լացում ու ծիծաղում, միանգամից ինչպես էր խելագար ու խելացի: Սիմոնին ասաց. «Ոտներդ սառչում են, շուտ արա»: Հատակը տախտակած չէր, գետին էր: Տաշեղի պես մի րոպեում նա բռնկվեց, մարեց ու քնեց: Վաղ լուսաբացի հետ Սիմոնը շորերը հագել Փախչում էր, նա դեռ քնած էր: Նա քնած էր վերից վար կեսը վերմակի վրա, մերկ և աղջամուղջի մեջ թուխ:

Իր դռանը, Սիմոնը մառանից դուրս բերեց բահուրագը, բուկլիցել սկսեց կարտուլը, հետո փոխեց լոբու ջրի մարգը, ուզեց շարունակել գործը, բայց այդպես էլ նստեց լորուտի մոտ ու այդպես էլ քնել էր:

Արթնացավ, վրա նստեց – սպիտակ լույս արևը լցվեց նրա աչքերը, և խուլ ու տաք մի բռբռոց խցկվեց նրա ականջները: Մայան էր, խոտի փափիկ գլխով խոտուտ էր տալիս նրա վիզը: Սիմոնը ձեռքը տարավ բորելու իբր թե վիզը, բայց քաշեց նրան, և նրանք թավալվեցին արևի, լոբուտի ու միմյանց մեջ:

– Դե-դե-դե-դե-դե-դե-դե,–լսվեց, և նրանք անշարժացան,– գետինը մոտեք, էլի, ամոթ ունեցեք, էլի... դե-դե-դե-դե, օրը ճաշ է դառել դուք դեռ...– բայց բրիգադիրի խոսքը նրանց մասին չէր, դեմի տան այգուց Փառնո պատասխանեց. «Գնում եմ, գնում, Էն է շարժվում էի՝ երևացիր»: Թվում էր՝ Փառնո իրենց նայելիս էր եղել և բրիգադիրը նույնպես իր բլրի գլխից տեսնում էր նրանց, և նրանք այդպես անշարժ երկար մնացին մինչև շունչները հատավ: «Դե լավ, խեղդեցիր», շնչաց Մայան: Հավը լոբուտում ձու էր ածել: Մայան փեշը հավաքեց ձվերն ու շնչաց. «Հավ մորթեիր, քեզ համար սարքեիր»: Սիմոնը չպատասխանեց մինչև թաղը նրան այլևս ամայի չթվաց. «Արածս ո՞ր լավ գործի համար»: Մայան ճկուն ու անաղմուկ ելավ, ձվերը փեշում պահած, լոբուտի ետևը դեռ պահվելով գնաց տուն, և Սիմոնը՝ նրա ետևից, և Մայան տանը նորից ասաց.

– Հավ մորթեիր՝ քեզ համար սարքեիր:

– Ծղրտոցն աշխարհն ընկնե՞ր, արհի:

– Ի՞նչ է եղել որ,– չբեղացավ Մայան:

Սիմոնը նեղացավ.

- Ոչինչ:

Մայան ձվերը շարդում էր: Շատ էր շարդում:

– Շա՞տ չի լինում,– ասաց Սիմոնը:

– Շատ չի, կեր՝ որ գործ ես անելու:

Սիմոնն սկզբում ուրիշ գործ կարծեց ու ամաչեց, հետո սպասեց նրա խոսքին ու անհանգստացավ: Իսկ նա հանգիստ իր ձվածեղին էր, հանգիստ ծնկեց, կռացավ, փչեց կրակը, հանգիստ խառնեց ձվածեղը, տաքանալու շրջեց հացը, կարծես տանտիրուհի լիներ:

Հետո ձվածեղը դրեց Սիմոնի դեմ, նստեց ու բերանը ձեռներին՝
նայեց:

– Ի՞նչ գործ,– ասաց Սիմոնը:

– Տունս գետին է, տախտակելու ես,– հանգիստ ասաց նա:

Պատահը Սիմոնի բկում մնաց:

– Գերեզմանոցի ձորում դրա՞ համար էիր վախենում,– ասաց
Սիմոնը:

– Բոլորս էլ մեռնելու ենք,– հանգիստ ասաց Մայան:

– Չի լինի,– ասաց Սիմոնը:

– Դե ես էլ կտամ ուրիշի:

Դարձյալ դժվար էր, բայց Սիմոնն ասաց.

– Ի՞նչ անեմ, տուր:

Իրիկվա դեմ Սիմոնը գյուղամեջ էր իջնում - գոմի ձեղունից
Մայան շրխկալով տախտակ էր դուրս քաշում: Բրիգադը հանդից
հոգնած զալիս էր:

– Գիշերս սկսում ե՞ս, վարպետ,– կանչեց Մայան: Սիմոնը
չարացավ ու պատասխանեց ուրիշ մտքով.

– Ժամանակն ամառ է, բա իհարկե գիշերները,– և նստեց
ճանապարհի գլխին, որպեսզի բրիգադն անցնելուց հետո ասի իր
ասելիքը: Հոգնած բրիգադը, մեկը բոլորի փոխարեն, խուլ բարի
իրիկուն տվեց ու անցավ, բայց նրանցից թաթուն բա՞ն կպահվեր, մի
նայելով ամեն ինչ հասկացան,– իսկ Մայան նայում էր խռոված
աղջկա նման: Սիմոնը ելավ, գնաց: Սիմոնը խփելու կամ խոսքով
ծանր վիրավորելու էր գնում – Մայան շուռ եկավ ու գնաց տուն:
Սիմոնը գնում էր նրա ետևից, բայց մի տեսակ բաց լրբության պես
էր՝ որ մի կնոջ ետևից ահա մի տղամարդ էր գնում, և Սիմոնը
կռացավ ու հետը մի տախտակ տարավ: Մայան մտել էր տուն:
Սիմոնը տուն մտավ՝ Մայան լաց էր լինում:

– Էդ սելը ճռալու տեղ սելվորն է ճռռո՞ւմ,– գոռաց Սիմոնը:–
Ի՞նչ է, ախչի...

– Ես մեղավոր ե՞մ, որ ուրիշների մարդը եկել է, իմ մարդը չի
եկել:

– Բա ես մեղավոր ե՞մ, որ ես եկել եմ,– գոռաց Սիմոնը, բայց
Մայան շղային լաց էր դրել, բան չէր հասկանում, և Սիմոնը զզվեց
ու դեսուդեն նետվեց, «Է-Է-Է»: Իր սովորությամբ Սիմոնը դուռը
շրխկացնելով փախչելու գնաց, բայց դուռը կախվել էր, մի ծխնու
վրա էր, և Սիմոնն ինքն էլ չիմացավ՝ թե ինչպես սկսեց դուռը կարգի
բերել, իսկ Մայան լացը հեծկտոցով կտրել, խաղաղվել էր:

– Հողեմ իրա գլուխը՝ որ ինձ թողեց ես կրակի մեջ ու ինքն
ազատվեց,– ասաց:

– Հիմար-հիմար քիչ խոսիր,– նեղացավ Սիմոնը:

Մայայի բախտից, և Սիմոնի՛, Սիմոնի՛ բախտից՝ անձրևներ սկսվեցին ու մի քանի օր չկտրվեցին: Ամբողջ աշխարհը ցեխ ու վշտոց էր, իսկ Սիմոնի տեղը չոր էր. ծածկի տակ՝ պատշգամբում, Սիմոնը դագճահ էր կապել, ռանդում էր տախտակը, դարսում, և նրան օգնական էր դարձել Մայայի փոքրը՝ որ ամբողջ օրը Սիմոնի ու Սիմոնի գործիքների հետ էր, փաթաթվում էր Սիմոնի ոտքին ու տակնիվեր բան ասում, և Մայան երեխային սովորեցնում էր Սիմոնին հայրիկ ասել («Ասա հայրիկ, հայրիկ ասա»): Ցածրիկ աթոռին նստած՝ Մայան ամբողջ օրը ծիծաղում ու խոսում ու լաց էր լինում, խոսում ու խոսում էր, նայում ու նայում էր: Նա սիրում էր Սիմոնին, և Սիմոնը փոխվեց, Սիմոնը սկսեց իրեն դուր գալ:

Հնձի-հավաքի տեղը տղերքը Սիմոնին ասացին.

– Սիրունանում ես, Սիմոն, էդ բարի լինի, հո առողջարան-մառողջարանի հաշի՞վ չկա:

– Բա ի՞նչ ես կարծում,– ամաչեց ու պատասխանեց Սիմոնը:

Սև Շուշանն աղբյուրից ջուր էր բերել, կյանքով-սիրով-ծիծաղով լիքը կանչեց.

– Ո՞ւմ սիրտն է երվում:

Եվ սիրով-ծիծաղով-կարոտով լեցուն կանանց երամից ամաչկոտ Գուհարը (նա՛ էլ, նա՛ էլ) կանչեց.

– Սիրահարների՛ սիրտն է երվում:

Եվ ձիու քռքռոցով Շուշանը եկավ, ջուրը ձեռքին եկավ կանգնեց Սիմոնի դեմ ու քռքռաց: Սիմոնը չթաքցրեց, չբարկացավ, «ի՞նչ է, ախչի», բարկության պես ասաց Սիմոնը, բայց դա բարկությունն չէր, հանձնառում էր:

– Ի՛, հողեմ Հիտլերի գլուխը,– կանչեցին կանանց խմբից:

Որբևայրիացած աղջիկների այդ խումբը միշտ խումբ էր, միշտ միասին էին: Նրանց երամը մի ընկալեց շաղկվել-շփոթվել էր, որովհետև Աղունը ճայթյունի պես հանկարծ էր վրա հասել Մայային («Լիրբ, զավթիչ»), բռնել էր մազերից ու՝ մեջքին, մեջքին, մեջքին («Չավթիչ, զավթիչ, զավթիչ»), բայց կանանց շփոթված-շաղկած երամը հավաքվել, մի կողմ էր շարտել Աղունին, բարձրացրել էր Մայային, ուղղել շորն ու մազը, և բաիը ձեռքին Շուշանը կանգնել էր դեռ վրա քշող Աղունի դեմ. «Բախտավոր, ասել էր, մերոնք որ Հիտլերի դեմ զոհվել են՝ մենակ մեզ համար չեն զոհվել... քոնն էլ որ ողջ-առողջ եկել է՝ մենակ քեզ համար չի եկել, գլուխդ աշխատո՞ւմ է թե չէ»:

Եվ նրանց ճշմարտության առաջ Աղունը զարմանք էր կտրել–Վո՛ւյ, վո՛ւյ, վո՛ւյ,– գլուխը բռնել ու երեսները վար էր բերել Աղունը:–

Հա՛, համայնական է,- շուռ էր եկել Աղունը,- հանրային է, բոլորինն է, կոլխոզային է:

- Հա՛,- ասել էր Շուշանը,- հանրային է, համայնական է, բոլորինն ու կոլխոզային է:

Եվ նրանց այդ խոսքը Սիմոնին դուր էր գալիս, Սիմոնը իրեն զսպում, բայց չէր կարողանում առանց ուրախության հիշել այդ խոսքը: Նա ժպտում ու տախտակ էր չափում իր դռանը՝ դազգահին, և կուժն ուսին Աղունը եկավ ջրից, կժի ու թևի տակից նայեց և, քանի որ ինքը Սիմոնի հետ խռով էր, չէր խոսում, ասաց Արմենակին՝ որ կոճղին նստած գիրք էր կարդում.

- Ասա սխալ ես չափում, տախտակդ էլ բարակ է, մի քիչ հաստացրու, մի արշին էլ երկարացրու:

Սիմոնը վատ մի բան զգաց ու սառավ: Երեխան գրքից կտրվել, նայում էր մորը՝ որ կուժը վար դրեց ու դարձավ ուրիշ գործերի, իբր շատ է զբաղված, ինքն իբր իր գործին է:

- Ինչ ես ասում, բան չեմ հասկանում,- բարկացավ տղան:

- Ոչինչ,- ասաց Սղունը,- ասա՛ վերևն աստված կա ու գիտի ում է շանթում:

- Է՛,- նրա խոսքից բան չհասկացավ ու իր գրքին դարձավ տղան:

Մայրը հիմա շտկվեց, նայեց ու ասաց բաց չարությամբ.

- Ասա՛ համայնականդ մեռել է, ասա՛ հանրայինդ մեռել է, ասա՛ Լեյլի-Մեջլումդ մեռել է:

Սիմոնը շուռ եկավ ու ձեռնասողոցով կտրել շարունակեց ձեռքի տախտակը: Արագ-արագ-արագ-արագ-արագ, դռն, դռն, դռն, դռն... Հետո մոռացավ, որ Աղունն իր հետ չի խոսում, հարցրեց. «Ինչի՞ց, ախչի»:

- Ես քու ախչին չեմ,- ասաց Աղունը:

Սիմոնը խլացավ ու պաղեց: Այդպես ոչնչի չնայելով Սիմոնը երկար մնաց և շատ հետո սուլեց ատամների արանքից՝ ինչպես գյուղացիներն են սուլում անսպասելի մի բանի հանդիպելիս: «Պա-հո՛ո-վե», հոգոց քաշեց Սիմոնը: Դազգահին հենված՝ Սիմոնը ոտքից ոտքի փոխվեց, զգաց որդու ներկայությունը, որդին հորն էր նայում ու աչքերը լիքն էին, և բացակա հարցով, բացակա արտահայտությամբ ասաց որդուն. «Ո՛նց ես, Արմո»: Զիչ հետո նա դարձյալ բանեցնում էր ձեռնասողոցը – արագ, արագ, արագ...

Աղունը ճամփաբաժան էր հասել, բեռնակապերի հետ չարչարվել, չէր կարողացել արձակել և նստել լաց էր լինում:

– Դու ես բեռը տանող չես,– կապերը քանդելով ասաց Սիմոնը,– մին էլ եմ ասում՝ զանգ տանք, թող ինքը գա:

– Ինքը ոչ մեր կարիքն է զգում, ոչ էլ մեր փալաս-փուլուսի,– ասաց Աղունը:

– Յիմար-հիմար քիչ խոսիր,– գորգի փաթեթն իջեցնելով ասաց Սիմոնը:

– Իմը հատուկ բախտ է,– ասաց Աղունը:

– Ոչ մեկի գլուխն էլ եղումեղրի մեջ չի,– օժիտակալներն իջեցնելով ասաց Սիմոնը:

– Մերը՝ հատուկ կարգով:

– Դե որ եղբանը հասկանում ես,– նրա դեմ կանգնեց Սիմոնը,– կասես զազսի համար վռազիլ մի, կասես հերըդ հատուկ խնդրեց, ասաց զազսի համար չվռազես:

– Ուզում է վռազի, ուզում է՝ ոչ,– ասաց Աղունը,– իմը Ծմակուտն է ու Ծմակուտ՝ դու:

Սիմոնը շուռ եկավ խուրջինն իջեցնելու, այն խուրջինը որ եղբոր հետ հազիվ էին բարձրացրել, բայց Աղունը չթողեց.

– Զեզ մի սպանի, մենակ էսօրվա համար չես:

Սիմոնը ետ քաշվեց, նստեց նրա կողքին՝ քարի վրա, բայց և խղճաց ձիուն.

– Ձին ախրը մեղք է:

Նրանք նստած էին իրար մոտ, իրարից մի քիչ թեքված, հայացքները մի քիչ տարբեր կողմերի վրա, և հին լուսանկարի նման էին: Նրանք մեքենայի էին սպասում: Շեկ, մաշված ճանապարհներն ամայի էին:

– Էն կովը մի ցերեկ էլ էստեղ նստեց,– ասաց Աղունը:

– Յը,– համաձայնեց Սիմոնը: